

醫國學入門

卷一



7

#133860911  
v.6



編註醫學入門 又二卷

本草

治瘡

三千食治

附食治方



7

本館

影錄

三刻  
合編

金匱要略

臨江府醫學士人明 又二時



一名左纏藤

編註醫學入門內集卷又二

○治瘡門

古菴云瘡屬熱毒故治瘡多清熱解毒藥亦因氣逆血滯又宜行氣活血藥其內服藥已見前五門下此多贅其外敷藥而巳又有各門載不盡者亦附於此

金銀花即忍冬草甘溫無毒癰疽寶消渴虛風寒熱寧腹

脹血痢葉可搗

處處有之其藤左纏附木名左纏藤凌冬不凋又名忍冬草花有黃白二色又

名金銀花主癰疽瘡腫止消渴要藥也葉煮汁釀酒補虛療風及寒熱身腫腹脹濃煎服主熱毒血痢水痢兼

治五道飛尸

去梗陰乾

夏枯草味苦辛寒鼠瘻頭瘡癭結團明日破癥除脚氣能

消濕痺又滋肝

月令云靡草死得金氣而生至夏火盛而死火剋金之義也無毒主寒熱鼠瘻



瘰癧頭蒼散瘰結氣破癥瘕除脚氣濕痺兼治肝虛暗  
疾冷淚羞明入香附子一倍為末茶清下一錢効丹溪  
云有補養血藥之功久服輕身  
長年○四月採陰乾玉瓜為使

蒲公英草性平甘專治乳癰疔腫黯觸木惡刺稱神藥化

熱行滯散結痰

蒲公英用此草治癰腫得効故名無毒主  
婦人乳癰腫痛或產後不自乳兒苦積

乳汁作癰並水煮汁飲外封之立消一方同忍冬藤煎

濃湯入酒少許服罷隨手飲睡是其功也時覺乳安又

搗傳疔腫諸瘡皆驗又治手足觸木惡刺及狐尿刺腫

痛摘取根莖白汁多塗立差丹溪云屬土化熱毒解食

毒散滯氣消惡腫結核有奇功可入陽明太陰經○麥

熟時在慶田間路側皆有之葉似苦苣有細刺中心抽

一莖三月莖端開黃花似菊花其莖甚脆

斷之有白汁出四月五月採洗淨細剉用

山慈菰是鬼燈檠花即金燈濕地生瘡腫癰疽瘰癧核毒



消萬病醋摩曾

花似燈籠色白上有黑點故名有小毒主癰腫瘡癤瘰癧結核解諸毒內入丸

散外用醋摩敷之亦剝入面皮除疔黧又取莖葉入蜜搗膏貼瘡腫口上以清血出為效○四月初空地採之遲則腐爛極與老鴉蒜相類但蒜無毛慈菰上有毛包裹宜刮去皮焙乾又一種團慈菰根似小蒜主治畧同

松脂苦甘溫無毒風痺惡癩并頭禿清胃伏熱潤心肺生

津固齒明目

松液流地凝成主惡風歷節痠痛風痺死肌癰疽惡風癩瘡瘡疥頭瘍白禿煎

膏貼諸瘡癰腫排膿生肌止痛抽風殺虫除胃中伏熱潤心肺生津止渴固齒聰耳明目入滋補藥和服壯陽實陰莖令人有子久服輕身延年○通明者佳用河水煮化投冷水內令兩人扯投既凝再煮如此三次再用酒煮三次仍前扯投以白如飴糖為度煎膏藥用桃柳桑槐芙蓉葉煎水煮投凡用入石臼內另搗為末不可晒焙亦不可單服塞實腸胃



松子甘芳溫無毒補虛益氣滑肌肉花雖味美熱上焦節

主歷節筋骨縮葉治濕風長髮毛根益五勞辟五穀子松

主虛羸少氣補不足滑肌膚實腸胃久服延年得栢子仁治老人虛秘兼治諸風邪氣風痺寒氣○松花酒服

輕身療病勝枝葉但多食能發上焦熱病○松黃湯松花蒲黃川芎當歸石羔各等分紅花少許水煎細呷治

產後壯熱頭痛煩赤唇焦口渴煩燥昏悶○松節溫主百節久風風虛脚痺四肢軟弱疼痛或轉筋攣痛丹溪

云松屬金用其節炒焦治筋骨間病能燥血中之濕也○松葉味苦溫無毒主瘡風濕瘡凍瘡生毛髮安五臟

宇中不饑延年兼治脚氣風痺歷節風中風口啞瘧疾惡瘡並煮汁釀酒服之効○松根白皮補五勞益氣辟

穀不饑又樹皮綠衣合和諸香燒之其烟團聚青白可愛

楓香脂味苦辛平癰疹風痒齒痛輕皮能止痢并霍亂又

香

無毒



云浮腫可疏行子甘性熱燥痰血殺虫癩疥用相停風

善揉香言其氣也又各白膠香無毒主癰疹風痒齒痛  
浮腫及吐血不止丹溪云屬金而有水與火性疏通故  
木易有虫穴其脂液為外科要藥凡使另斫楓皮味  
辛平澁小毒止水荊霍亂消腫無非疏通非澁也○大  
楓子味甘性熱主癰風癩疥瘡癰殺虫多服燥  
痰傷血入丸藥去壳紙槌去油外調瘡藥帶油

**白芨**苦辛平無毒癰疽疥癬裂皮肉平胃風痒緩不收補

肺止血治打撲

交莖也欄也葉初生似井欄陽中陰也  
主癰腫惡瘡敗疽死肌除白癰疥虫

塗手足皸裂痔瘻刀箭湯火等瘡生肌止痛方多用之  
平胃中邪氣賊風鬼擊痒緩不收治久咳嘔血咯血腸  
風血痢單用為末米飲調服凡被打撲肺竅控損見血  
者尤妙以其能補肺竅也又衄血不止者津調塗山根  
立止珍云澁肺與白斂性治大同兼治結熱不消陰痿  
面黧令人肌滑入丸可少用作糊○水洗紫石英為使

山根鼻根也



惡理石畏李核

杏仁反烏頭

**白欬無毒苦甘平**欬諸瘡口故留名除熱目赤殺火毒女

陰腫痛兒癰驚

主癰疽發背疔瘡瘰癧痔漏撲損刀箭湯火等瘡散結止痛生肌衍義云白欬

白芨古今服餌方少用多見於欬瘡方中二物多相而行又除熱目中赤殺火毒女子陰中腫痛下赤白小兒

驚癰瘟疔代赭為使反烏頭又下種赤欬功用與白欬同但表裏俱赤耳

**五倍子平酸苦味治肺風毒濕癬瘡眼腫牙疳并痔痢頑**

**痰熱渴可煎湯**

因商販得五倍之利而名又各文蛤其內多虫似之無毒主肺臟風毒流溢皮

膚作風濕癬瘡瘰癧瘰癧水小兒面鼻疳瘡未傳口瘡立進飲食或風毒上攻眼赤腫痛澁痒上下臉爛浮翳瘡肉侵睛內服外洗療齒宣痔蜜也痔腸風下血瀉利并溪云屬金與水含口中善收頑痰解諸熱毒生津液收



欽之妙劑也。蜀中者佳。去虫湯藥生用。丸藥畧炒。染  
漬炒至烟起。以濃茶發之。再炒至烟淨。用青布包。以脚  
踏石壓乾。為末。單方治小兒吐不定。五倍子二  
箇。一生一熟甘草一寸。炙為末。米泔下。二錢立止。

無名異甘平無毒。主治金瘡。理折傷。肉損。生肌。止疼痛。更

消癰腫。治諸瘡。

廣州黑褐者良。狀如黑石炭。嚼之如錫

痛生肌。消腫毒。癰腫。醋摩敷之。另研。

赤石脂甘酸且溫。生肌。欬口瘡。無痕。固腸胃。又澀精血。下

胎衣。為入心源。白者性味俱相似。青黃黑各應臟論。以赤

色言脂。乃石之膏粘也。無毒。降也。陽中之陰也。傳癰疽  
瘡。癰痔瘻。排膿止痛。生肌。欬口。固腸胃。療腹痛。洩瀉。寒  
滑。痔瀉。下痢。赤白。澀精。益精。止小便利。及淋瀝。又止吐  
血。衄血。及女子崩中。漏下。難產。胞衣不下。經云。澀可去。



脫石脂為收斂澀劑而又能催生下胞衣者何也蓋赤脂入丙白脂入庚故也所以赤者主養心氣鎮驚悸凡使色理鮮膩枯舌者佳火煨通赤放冷細研水飛二次晒乾惡大黃畏荒花白石脂味甘酸平無毒主養肺青石脂味酸平無毒主養肝膽氣黃石脂味苦平無毒主養脾氣黑石脂味鹹平無毒主養腎氣強陰固經云五色石脂主治並同後人分之今惟用赤白二種餘不復識製法同上曾青燕屎為使惡於脂細辛畏黃芩黃連甘草得厚朴并米飲止便膿

青藤石療痰火瘡能消食積滯臟腑小兒羸瘦婦人瘕攻

刺腹心作痛苦

其石青青藤藤味淡無毒性好沈墜得

熱盛而皮膚生瘡者一利即愈得巴豆大黃三稜等劑治食積不消留滯在臟腑結成瘕塊經久不差兼治小兒食積羸瘦婦人積年食瘕攻刺腹心入並泥固濟礮內火煨一日細研



凝水石寒甘辛味火燒丹毒醋調敷解胃伏熱及身熱時

行煩渴立消除

又名寒水石出常山色白有縱理者有橫理者投水中與水同色凝動者佳大

寒無毒治小兒丹毒火燒為末醋調敷之能解胃中及五臟伏熱身熱皮中如火時行煩渴傷寒勞復發熱兼蕩腹中積聚邪氣水腫小腹痺壓丹石毒○火煨七次水飛雷公以生姜汁煮乾研用畏地榆解巴豆毒

狗脊草苦甘微溫斷諸瘡血治痺煩強脊堅脊利腰脚失

溺傷中補腎元

形如狗脊黃毛者佳各金毛狗脊無毒能止諸瘡血出治周痺寒濕膝痛脚軟

腰背強痛此藥能利機關堅筋骨頗利老人療失溺不節傷中腎虛亦補益之劑也○恒山者勝火燎去毛細剉酒拌蒸半日晒乾草薺為使惡敗醬

蛇床子平甘苦辛疥癬陰痒及遍身煖宮壯陽令有子治



痺通關逐瘀煙

蛇常棲息此草上故名之無毒治惡瘡濕痺陰痒木風身痒煎湯浴之或搗末

猪脂調塗治婦人陰中腫痛赤白帶下一切子宮冷症男子陰痿太益陽事縮小便令人有子又治諸濕痺毒腰跨疼痛四肢煩麻通關節逐撲損瘀血兼治頭癩風冷齒痛溫中下氣久服輕身悅顏。入洗湯生用入丸散用布包煖去皮壳取淨仁微炒惡乳丹巴豆貝母

伏龍肝味氣辛溫消癰散腫醋塗瘰止諸血下欬逆氣時

疫胎產水調石

伏龍肝神也醫家云伏龍日忌作灶容齋隨筆云以猪肝和泥作灶立名之意

本於此微毒主消癰疽腫毒發背乳癰丹毒鷄子黃或醋調塗之膿臭小兒臍瘻乾未傳之止欬逆上氣吐血衄血腸風尿血泄精及婦人崩帶有孕時疫熱病金胎不安水和塗臍中內又服之催生下衣小兒夜啼大人中風不語心煩恍惚手足不隨或腹中痛滿冷水攪汁服之。雷公云是十年已來灶額內火氣自然結積如



赤色石中黃有八稜凡使火煨水飛兩遍令乾自  
陶隱居以為壯心土其實雷之說有理當從之

鎔下墨即釜底煤金瘡生肌止血來吐紅血暈惡心痛婦

人難產亦能催百草霜治熱毒瘡消積止瀉亦奇哉無毒

鮮諸瘡毒塗金瘡生肌止血如瘡在面慎勿塗之黑入  
肉如印止諸血及吐血血暈單用細研酒調或水調溫

服兼治中惡心痛婦人逆產及霍亂轉筋鼻氣壅塞不  
通又治舌卒腫如猪將滿口即死以酒調塗舌下立差

○百草霜即額上墨又名窰突墨無毒治小兒頭瘡及  
熱毒瘡消積化滯下食止暴瀉痢婦人惡損月候不調

崩中漏下橫生逆產瘦胎胞衣不下局方誤以鎔墨為  
百草霜所指雖與經殊而功用大同惟黑灰丸兩用之

**龍骨**味甘平無毒斂口專消腸內癰止精血汗安心志燥

濕除穢醫痢膿齒攻結氣及顛癇角治中堅癰癢風生



地川谷及太山岩水岸土穴中死龍處得之李肇國史  
云春水時魚登龍門蛻其骨也主腸癰內疽陰蝕及諸  
瘡久不斂口少用最妙小兒臍瘡不差研朱傳之治遺  
精白濁縮小便止吐衄尿血腸風下血盜汗女人崩漏  
胎漏安心志定魂魄夜卧多夢紛紜者加用之或無已  
云龍骨黃丹牡蠣骨收斂神氣以鎮驚雷公云龍骨氣  
入腎臟又能燥濕破癥止泄痢膿血若瘰癧兼治欬逆心  
腹鬼疰精魅小兒熱氣驚癇凡使得脊腦作白地錦文  
紙之着舌者佳青白者次黑者下火煨細研或酒煮焙  
乾用畏石燕理石乾漆蜀椒得入參牛黃良抑論龍骨  
滋藥去脫固腸而又破癥堅何也蓋質雖枯澁而味甘  
緩血即如輕粉性寒利腸質燥又斂肝門意滋藥能通  
山茱萸赤石脂之類通藥能止香附巴豆之類猶之天  
門冬寒而補厚朴熱而瀉此藥性之所以難識而用熟  
者得之。齒平味澁無毒主心下結氣不得喘息驚癇  
顛狂諸瘞骨間寒熱鎮心安魂治小兒五驚十二癇身  
熱不可近兼殺鬼精蟲毒。角平主  
驚癇瘰癧身熱如火腹中堅及熱洩



烏賊骨溫燥膿汁陰癰耳聾目翳泣止痢殺虫心腹疼痛

腫更治崩漏急通經破癖令生兒肉味酸平志氣立

墨魚性嗜烏鰐出腹中墨以混水自衛烏見以為死性  
喙之乃卷取入水而食之故謂之烏賊骨各海鰐鮑味  
鹹微溫無毒止瘡多膿汁不燥丈夫陰疽癰久不愈者  
為末敷之良婦人陰蝕腫痛燒末酒調服之又治耳聾  
有水目中赤白浮翳淚出小兒每眼止下痢為末粥中  
調食之殺小虫并水中虫驚氣入腹腹痛環臍水腫主  
女子崩漏赤白血枯經閉寒熱血癥血瘕陰寒無子凡  
使水煮一時炙令黃去皮細研水飛日惡白歛白芨  
附子○腹中墨主血刺心痛醋磨服之甚者醋炒服之  
○肉味酸平益氣強志常服令人有子有無腎者謂之  
魚鱗長直味尤佳風浪  
稍急即以此鱗粘石為纜

蝦蟆味辛寒有毒癰腫金瘡可內服破癥治疳攻犬傷生



搗又堪暑打撲蟾酥乃是蟾之精惡瘡并瘦効尤速

癩蝦蟆又名蟾蜍形小腹大皮上多黑點能跳接百虫食之時在坡澤中作唧唧聲舉動極急者主癰疽發背癰癤惡瘡陰蝕疥癬腫毒立消破癥堅治小兒疳疔氣骨熱目昏面黃瘦狂犬咬毒生搗爛暑打撲損傷丹溪云屬土與水本草言食之不患熱病者或炙或乾或燒灰和藥劑用之非若世人煮為羹入鹽味而啖其湯此物濕化火能發濕久則濕以化熱戒之戒之兼治虫蝕下部穿腸蝦蟆一枚鷄骨一分燒灰吹下部令深大驗又小兒月蝕瘡和豬脂塗之凡使端午日取東行者去皮瓜腸肚陰乾酥炙或酒炙去骨或燒灰用○蟾酥即眉間白汁取法番薄蟾蜍四脚向天勿令射眼即暗用手指於眉間擠出於油紙上陰乾主癰疽疔腫瘰癧一切惡瘡頑癬又蚰牙齒縫中出血以紙絛蘸少許按之立止又和牛酥以吳茱萸汁調摩腰眼并陰囊治腰腎冷助陽氣又端午日取眉酥入硃砂麝香為丸麻子大空心服一九治小兒疳瘦如腦疳以乳汁調滴鼻中○



蟾肪能軟玉易斷仍解諸  
瘡毒○蟾腦明目療青盲

鯢鯉甲微寒有毒蟻癩痔瘡數且服痺風瘡瘡血衝心又

治驚邪多啼哭

產於陵似鯉而生鱗若鉄甲也以其好穿地道又名穿山甲主諸惡瘡疥癬痔

癰乳癰癰灰傅之或水或酒調服圖經云日中出岸開鱗甲若死令蟻入中蟻滿便閉而入水蟻皆浮出因接而食之故主蟻癩為最治風痺瘰癧山嵐瘴癘產後血氣衝心血暈此藥能通氣和血兼治小兒驚邪婦人被邪帝哭及諸疰疾○水洗細剉蚌粉炒成珠為末

水蛭苦鹹性毒涼善吮癰疽理折傷更利宿血通積結墮

胎通經救婦娘

蛭蝨也水中賢蝨也又名馬蛟馬蝗有毒治赤白遊疹及癰疽腫毒先洗去腫

屬皮鹹以竹筒盛蛭綴之須臾便吮血滿自脫更用鱗者吮之以皮皺肉白為度無不差也又治跌打損傷有



功熱酒調下。一錢食頃痛可更。丁服痛止。或和麝香為末。酒下一錢當利蓄血。蓋苦走血。鹹勝血。所以傷寒血症用之。兼利水道。破血癥。昔楚王食寒菹。所得而吞之。果能去結積。雖曰陰祐。亦是物性兼然。婦人積聚癥塊。月閉無子。亦用之。墮胎則最急也。有石蛭泥蛭草。蛭恹水中。蛭小者佳。此物難死。加火炙。經年亦如魚子。烟熏三年。得水猶活。五六月採腹中有子者。去之。先以米泔浸一宿。日乾。細剉。微火炒。或猪脂煎。令黃色。乃熟。不爾入腹生子。為害畏。蓋及有灰。

**蜈蚣**有毒能攻毒氣味辛溫殺惡虫消積破瘀墮胎產口

瘡牙噤保嬰童

大吳川谷中最廣江南亦有之背綠腹黃頭足赤而大者為公黃細者為母用

公不用母故曰公解諸瘡毒及丹硫毒制諸蛇毒及虫魚毒盛毒尸在惡氣殺三虫止邪瘡療心腹寒熱積聚癥瘕去惡血墮胎又治小兒撮口舌上生瘡牙關不開不能取乳為末以猪乳汁調灌之此物鷄好食之故中



其毒者以烏雞屎水調塗之或蛇蟪尤妙廣嗽蛇則專  
制蛇毒蕪菁園無蛇味物性相制每每如此○姜汁灸  
去頭足為采再用綿紙盛  
就無烟火上炒熟用之

**蛇傷** 辛寒須炒熟內消瘰癧傳癖毒破血瘕又破石瘕通

經墮胎潰人肉 瘰癧疔腫惡瘡疽蝕死肌頑癬生癩痒甚

破血積癥瘕利水道療石淋通經墮胎行瘰癧毒疔義  
孕婦不可服為能潰人肉治淋藥多用極苦人尤宜  
酌○七八月豆盛時採陰乾去翅足入糯米中炒米黃  
為度生則令人吐瀉馬力為使惡巴豆丹參空青層青

**蕪菁** 無毒味辛平療風治疥殺虫靈積癥腸消不可缺腹

心冷氣痛堪憑 蕪菁也蕪傷也其氣臭如傷敗之物也  
療皮膚骨節中風毒淫淫如虫行又治

惡瘡疥癬瘡癢一丸瘡多用外傳性殺虫去二三虫逐寸  
白及脾胃有虫食即痛癥結積聚腸鳴腹痛冷利滑瀉



及冷氣心痛不可缺也兼治婦人子宮風虛小兒疳積  
中惡蠱毒孟詵云多用發熱心痛為辛故也。陳久者  
良小者即榆莢仁止甚為醬及治鷄病  
入藥當用大者麩炒黃得訶子豆蔻良

**雷丸** 鹹苦冷微毒逐皮熱毒殺諸虫摩膏療兒百種病久

**服傷陰男女同** 雷累也丸圓也累累相連如圓狀也主  
散皮膚中熱結毒氣胃中邪熱殺瘡疥

中虫及寸白三虫作摩膏除小兒百般積病本草云利  
丈夫不利女人疏利男子元氣不疏利女子臟氣不利  
益之利也故又曰久服令陰痿要之疏利之劑傷陰損  
血男女中病則已皆不宜過服兼治顛癇狂走蠱毒  
出漢中白者佳赤者殺人醋浸炮去黑皮焙雷公以井  
草湯浸二日刮去黑皮酒拌蒸半日焙乾用荒花厚朴  
荔枝為使  
惡薑根

盧會苦寒療熱風腦痺鼻痒齒齲空目昏頸癰并痔瘻鎮



兒驚癇殺疳虫

蠶黑也。會合也。木之脂液凝成色黑如

以其味苦故又名象膽。雷公云。即南國白象膽也。無毒

主風熱煩悶。胃間熱氣。吹鼻治腦疳。除鼻痔。傳齒蠶和

甘草。裁半為末。俾頸項耳頰癰瘡。濕痒并痒。疾瘡。瘻。又

明目。鎮心。治小兒顛癇。驚風。諸熱。療五疳。殺蛇虫。三虫

解巴豆毒

○另研用

**硫黃** 甘酸性太熱殺諸瘡虫燥膿血壯腎陽氣煖肺脾澁

精治痺除飢噎

硫流也助焰硝成火藥流而不返又硫乃石之液火之精也。有毒。療疽痔惡瘡

頭禿下部。匿瘡。婦人陰蝕。一切疥癬。諸瘡。腐肉惡血。殺

虫及腹臟諸虫。煖腎壯陽。脚冷疼。弱無力。筋骨頑痺。下

元虛冷。泄精。冷秘。又治脾寒。久瀉。心腹痠疼。瘰癧。聚及肺

胃俱冷。欬逆。上氣。鼻衄。一切脾腎元氣欲絕。服之皆驗。

中病即已。不可過劑。能化金銀銅鐵奇物。液云。求復丹

用硝石之類。至陽佐。以至陰。與白通湯佐。以。不溺。藉膽



汁大意相同所以去拒格之寒兼有伏陽不得不爾如無伏陽不必以陰藥佐之也。出廣州船上礬石液也色黃瑩淨者由心使溶化入麻油中或入童便中浸七日細研水飛入痢令藥以雀腦髓拌之則不臭一法硫黃四兩用白礬半斤入瓦礬內以豆腐漿煮一日去水慢火熬乾令結成一塊次日空地坑埋一瓦礬內貯米醋一碗別用鉄葉一片鑽十數孔於上蓋定礬口却取前硫黃礬子覆鉄葉上兩口相對外以泥封固候乾以炭火煨三炷香久其白礬枯於上礬硫黃留於下礬醋內候冷取出水浸一宿陰乾研用曾青爲使畏細辛鉄。又土硫黃出廣南榮州溪澗水中流出味辛熱腥臭主瘡疥殺蠱毒

**雄黃** 苦甘平有毒治諸瘡癰鼻息肉化蠱殺虫辟瘴邪破

**癰瘰** 令筋骨續出燔煙山產山之陽者爲雄山之陰者爲雌療諸瘡疥癰痔瘻蠶瘡鼻中息肉

一切惡瘡死肌皆有誤食髮而成腹蠱飲一劑此蛇無目燒之有髮氣即愈此化蠱毒之驗也解藜蘆毒殺諸



蛇虺及百虫毒辟鼠瘡鬼魅中惡邪氣破癰瘰癧瘰癧及  
絕筋破骨百節中大風藥性論云人佩之鬼神不能近  
入山林虎狼伏涉川濟毒物不敢傷身婦佩之轉女為男  
男卑方為未蒸餅為丸甘草湯下暑前暑泄皆効○赤  
如鷄冠明徹堅實不臭者可入服食藥餘但可療瘡細研水飛ス

**雄黃**辛甘平有毒惡瘡疥癩頭生禿身痒白皴皮死肌肺

勞久嗽亦堪服

主惡瘡疥癩頭生禿身痒白皴皮死肌及

肺勞久嗽婦人血氣久冷心痛不止兼殺蜂蛇毒辟惡邪氣術義云入藥最精治外功多服食者宜詳審之○色黃似雲母甲錯可辨者佳細研入二瓦礫中火煨通紅候二細研水飛用二

**白礬**酸寒治諸瘡癰瘰癧鼻息陰蝕痒耳目口齒喉風痺熱

痰渴泄毒虫傷

礬鹵也地之濕者產鹵淋鹵而成礬也無毒主惡瘡癰瘰癧痔漏陰蝕膿出痒甚



綿

甲疽腫痛鼻中息肉鱗蚬一切疥癬風疹去惡生肌之妙劑也又治耳卒腫出膿目赤目翳齧肉口舌生瘡牙齒腫痛出血歷久不瘳壞欲盡急喉風痺心肺煩熱風從壅盛作渴壯刺兼治乾竭惡火壁鏡驢涎馬汗毒傷此藥本除熱在骨髓多服則反傷骨本能却水消痰多服反傷心肺。出晉州白色光明者佳細研入瓦礫中火煨半日色白如輕粉者名枯礬惟化痰生用治齒痛喉痺鼠羸生含燕之耳草為使惡牡蠣畏麻黃抑苦礬有五等惟白礬多入藥用綠礬療諸瘡亦入咽喉口齒藥黃礬本丹灶家所須亦療瘡生肉染皮黑礬又名皂礬療痔及流贅髮藥用之紅礬即石膽本綠色煨之則色赤今亦稀見。調礬散鯽魚一箇破去腸入白礬令滿瓦上燒存性為末用鷄毛捲藥敷之治痔漏久不愈者效。

**升砂**微寒甘無毒發痘治諸瘡息肉涼心潤肺更清肝益

氣通血明眼目。砂治諸瘡疥癬息肉內服外塗瘡瘡將



出服之解毒令出少治心熱煩燥養精神安魂魄潤肺  
止渴清肝明目納浮留之火益氣益精通血脈兼辟邪  
惡瘰癧中惡腹痛破癰疽下死胎但宜生使煉服有毒  
用禮以五毒攻瘡瘍用丹砂石膽雄黃礬石磁石置瓦  
合中火煨三日夜其烟上着以鷄羽掃取之以注瘡惡  
肉附骨膿血潰出即愈○出辰州光明華微大者如鷄  
子小者如石榴子箭鏃紫黯若鉄色碎之作墻壁雲母  
片者佳細研水飛灰碗內鋪紙漆乾用惡磁石畏鹹水  
乳香辛溫善止痛療諸風瘡及風中消腫止瀉定霍亂補

腎催生俱要用

形似乳頭即波斯國松木脂也純陽無  
毒能調氣血定諸經之痛內而心腹骨  
節外而瘡瘍癰疽疼痛者必用之療諸風瘡癰疹毒  
入藥服之則內消煎膏貼之則生肌又治中風口噤不  
語消風水毒腫止大腸澀滯定霍亂補腎益精暖腰膝  
下腎氣婦人難產催生下死小兒急慢驚風俱要藥也  
○紫赤布櫻桃者上楓香松脂多可濕之燒之乃辨真  
偽入丸散微炒殺毒得不粘或搗碎紙包席下眠一宿



另研一法用時以繒袋掛於窓隙間良久取研之乃不粘又薰陸香亦其類也

沒藥苦平療瘡癰破血止痛最爲奇腹心筋骨疼皆用產

後金瘡也相宜

沒論沒也木之膏液沒入地中凝結成塊大小不一亦波斯國松脂也但其色

黑無毒東垣云沒藥在治瘡散血之科凡血滯則氣壅經絡痛急而作痛腫此藥推陳致新故能破宿血消腫止痛爲瘡家奇藥也又治婦人內傷癥結臍腹疝刺墮胎心腹俱痛產後血暈血氣痛及歷節諸風骨節疼痛一切金瘡杖瘡打撲折傷皆宜兼治卒下血目中翳暈膚赤○製同乳香

麒麟竭味甘鹹平斂口生肌止血更破血宿除血暈女

虛帶下用之靈紫礦內紅外紫黑能消陰滯益陽精南

番麒麟樹之津液結成又名血竭言其色紅也有小毒一切惡瘡疥癬久不愈者此藥本生肌止痛止血供



性急多用反能引膿又主打傷折損疼痛及血氣心腹  
疔刺破瘀血去五臟邪氣除婦人產後血暈及素虛赤  
白帶下血積凡使味微鹹甘作梔子氣鹽之不爛如鹽  
者佳味鹹甚作腥氣者非入藥另研得蜜陀僧良○紫  
礦生海南山谷亦水中脂液結成形若爛石與血竭同  
條功効全別無毒治濕痒瘡疥宜入膏用又能消陰滯  
氣益陽精  
染家所須

龍腦辛溫百藥先香透腎關及頂顛下疳喉痺目翳翳清

心解熱散風涎

即婆律國杉木脂也腦乃流出香液藥  
物惟此最貴故稱龍氣味清香為百藥

先純陽無毒善散而竄通利九竅下則入腎入骨上透  
耳目頂顛入欲死者吞之氣即散盡蓋芳之甚而散之  
速也古方治目赤內外膏翳耳聾喉痺下疳瘡及發斑  
豆瘡一切風瘡多用之又風濕邪氣心腹積聚及時疾  
心煩狂燥驚熱大人小兒風涎閉塞婦人難產亦用之  
者皆取其辛散故也丹溪云龍腦屬火世人誤以為寒



而不知其性散甚似乎寒耳肩力轉用與麝同為桂附  
之助入身陽易於動陰易於虧且諸香屬陽豈有香之  
甚者而反寒乎○形似白松脂作柝木氣明淨狀若梅  
花辨者佳曾經火逼成片或如雀屎者次然非常服之  
藥獨行則勢弱佐使則有功於茶最相宜入藥另研合  
糯米炭貯之則不耗○又龍腦膏乃根下清液砍木作  
坎而承之專主耳聾然極難得○又樟腦  
乃樟樹屑液造成治疥癬癩瘡作熟傳之

**麝香**辛溫蝕瘡腫能攻風毒殺諸虫中惡邪氣腹心痛胎

產癰驚關竅通

形似鹿而小走疾如箭其香在陰前皮  
內別有膜裹春分取之生者良無毒能

蝕一切癰瘡膿吐風痰制蛇蚤咬砂風瘰癧毒殺瘡虫  
及臟腑諸虫辟惡氣鬼物痛癰瘰癧中惡心腹暴痛脹  
急婦人有孕聞其氣亦墮胎催生下死最速小兒客忤  
驚癇亦用之其通關透竅上達肌膚內入骨髓與龍腦  
相同而香竄又過之傷寒陰毒內傷積聚及婦人子宮  
冷帶疾亦用以為使俾關節通而冷氣散陽氣自回也



○開麝並宜子日另研篩用  
真者帶過國中瓜果不實

水銀 辛寒毒入肉量用塗瘡殺虫墮胎絕孕又消陰瘰

兒涎熱驚風搐

形如水流不止色白如銀主惡瘡疹癩

性滑重入肉蝕腦令百節攣縮昔有患攣臂病以金物  
灸熨水銀當出蝕金候金色白都是也婦人難產催生  
下死最速服之則絕孕傳男子陰陰消無氣錢比多用  
療小兒驚熱涎潮發搐衍義云水銀入藥極須審諦有  
毒故也又鍍金燒粉人多患風值作須飲酒并肥猪肉  
鉄漿可禦其毒又各求出於丹砂其法作爐置於中  
下承以水上覆以器外加火煨養則烟飛於上水盡縮  
於下其色微紅先以紫背天葵并夜交藤自然汁煮下  
伏時其毒自退殺金銀銅錫毒畏磁石得鉛則  
凝得硫黃則結得紫河車則伏棗肉研之則散

輕粉 辛冷自水銀瘡癰風痒外傳頻更塗瘰癧酒齕鼻利



兒疳延暫入唇又有銀硃同一種殺虫專治癰風入體

色白如粉又名膩粉有毒主殺疥瘡癰虫風痒癩癰鼻  
上酒齧俱外傳之通轉兒疳受喫泥土涎潮癰瘰癰  
云下隔延最速但多用有損若驚風屬心氣不足者下  
之則裏虛驚氣入心必死抑論經云利太腸東垣又云  
抑肺而斂肝門何也蓋輕粉經火本燥原自水銀性冷  
用之於潤藥則利用之於滋藥則止所以又能消水腫  
止血痢吐風涎要之虛病禁用實者亦量用之造輕  
粉法食鹽明礬各等分同放鍋中煮令黃色取起為末  
名曰黃麩以此麩一兩入水銀二兩多則麩一片水銀  
二升同入瓦罐內上用鉄燈盞蓋定外用黃泥如法固  
濟勿令泄氣候乾用炭火旋旋燒上頻頻以水滴鉄燈  
盞內候罐通紅則內藥盡升上罐口候冷折開即成輕  
粉入藥用湯煮五度如麻脚慢火焙乾畏磁石石黃忌  
一切血者以其本自丹砂也銀硃亦水銀升者殺瘡  
虫治腦風薰腦風瘡能收水去毒又年久楊梅頑瘡不  
愈者用水花硃一錢枯礬硃砂各一錢半為末用全蝎



酒煎膏為丸分作六九分三日服以羊肉鮮魚等湯送下九日全愈但內服亦須外過將硃搗碎以雄黃等分配入固濟礮中文火二炷武火一炷香久銀硃上升於燈盛雄黃下墜於礮底俟冷取硃研用

砒霜大毒味酸苦惡瘡腐肉用少許治瘡除齧効若神隔

內風痰可作吐

砒礮也又斃也毒能開辟形魂令人斃也霜以形色言也又各信石主惡瘡瘰

癰腐肉和諸藥敷之自然蝕落又治乾癩泉着人手足即腫痛肉爛指節脫落取砒為末以膠清調塗即瘡主諸瘡及齧喘風痰在膈可作吐藥但過服輕則吐紅重傷臟腑殺人兼消肉積墮胎誤中其毒者冷水研菉豆汁或醋解之○出信州色黃赤明微不雜如乳尖長者佳醋煮殺毒或瓦合固濟火煨半日取出用甘草水浸半日拭乾  
細研用

硃砂鹹苦辛毒大專去諸瘡肉惡敗破血下痰伐久積死



胎逢之即爛壞

爛乃鹵鹹之類形如砂出西戎形如牙硝光明者良性大熱專去惡瘡息肉生

肌止痛破結血下痰氣療咳嗽一切血塊氣塊肉脹冬積死胎皆能潰腐合他藥治目中翳凡用須細研水飛過入磁器中重湯煮令自乾以殺其毒或用黃丹石灰作置火煨通赤取出另研若生用腐爛腸胃化入心為血誤中其毒者研生菴豆汁解之畏一切酸漿水忌羊血消五金八石汞金銀可為錫藥○日華云此庭砂色黃白味辛酸無毒功能消敗去穢益陽傳金瘡用都擇之○已上瘡毒止藥其細料藥品小兒方多用之

自然銅味氣辛平誤用金牙吐傷生主瘡折傷續筋骨更

除積聚止心驚赤銅屑入烏鬚藥賊風燒亦酒中傾

不

礦鍊故號自然顛塊如銅堅重如石有黃赤有青黑燒之青焰如硫黃臭如馬屎食之澁不畏火煨者真若誤用方金牙即吐殺入金牙大如棊子而方出蜀郡惟吐蟲敢用之○自然銅主瘡折傷打撲散瘀血排膿止痛



續筋骨又破積聚治產後血邪安心止驚悸以酒摩服  
丹溪云接骨方在補氣血脾胃俗工惟在速効生銅非  
經煅不可用然執出火毒金毒相扇披香熱藥毒雖有  
接骨之功燥散之禍甚於刀劍戒之凡使火煅醋淬九  
次細研水飛用○銅稟東方乙陰之氣結而成魂性利  
服之傷胃肩方烏鬚藥用之依法以打銅器上起薄皮研  
為末用水飛淘五六次澄去泥渣只取淨末又有以銅  
絲火煅醋淬為末更易又主賊風反折燒赤淬酒服之  
狐臭炒熱以醋和搽之兼治折傷接骨鐸齒明目治風  
眼及女人血氣攻心痛○錫銅鏡古無純銅鏡皆用  
錫雜之乃有光明微寒主女子血閉癥瘕伏陽絕孕產  
後餘疾刺痛及伏尸邪氣小兒卒中客忤驚癇又能催  
生治暴心痛並  
燒赤淬酒飲之

銅青銅綠一般名銅上精華微體生歛口金瘡堪止血洗

淘目暗即光明

銅上所產其青不問生熟銅器皆有乃  
銅之精華也氣平微毒主金瘡止血



明目去膚赤息肉兼治婦人血氣心痛及癰瘕風痰卒  
中不語糯米糊丸酒研服之能吐青涎瀉惡物局方今  
亦少用。北庭醫者佳水洗淨  
細研水飛去石澄清慢火熬乾

**生鐵**微寒主脫肛被打瘀血酒煎掌秤錘催生衣不下血

瘕兒枕痛尤良鐵落能除胃膈熱針砂辛平退疽黃

出鐵用以鑄鑄器物者謂之生鐵性堅服之傷肺主歷  
年脫肛被打瘀血在骨節及脇外不去俱酒煮服之

熟鐵又謂之柔鐵味辛平有毒主堅肌耐痛。鐵精乃  
煨煉極精者主明目化銅療驚悸定心氣小兒風癰陰

瘕脫肛。鋼鐵乃生熟相雜用以作刀鋒者味甘無毒  
主金瘡煩滿熱中胸膈氣塞飲食不化。秤錘味辛溫

無毒主婦人橫生逆產胎衣不下產後血瘕兒枕腹痛  
及喉痺寒熱並燒赤滓酒服之無絆錘用鐵杵或斧

鎖匙治婦人血瘕失音煎湯服之。故鋸治誤吞竹木  
入喉中出入不得燒赤滓酒服之。鐵落即砧上打落



細皮膚屑也。味辛平。平無毒。主皮膚風熱惡瘡及胃腸中熱飲食不下。針砂即作針家磨鑢細末也。性平無毒。主水腫黃疸。又甚染皂及和沒食子染鬚至黑。入藥用紫淨者。以好醋浸一七。撈起曬乾。再用好醋少許慢火炒二三次。遍紫色為度。凡鐵剉細末。謂之鐵粉。畏磁石石炭。

鐵華粉。鹹平。無毒。外傳痔瘻刺竹木能養血氣安心神除

風治癰破積宿鐵漿水浸青沫生驚熱顛狂可制伏。鐵

片磨光用鹽水抽之置醋瓮中陰處埋之百日後鐵上生衣刮取研用傳痔瘻及竹木刺入肉主養氣血安神強志止驚悸健忘鎮五臟壯筋骨除風邪顛癰破瘰癧宿食止冷氣心痛隨所冷熱合和諸藥用棗肉為丸。鐵漿取諸鐵於器中以水浸之經久青色沫出可以染皂解諸毒入腹鎮心主驚癰發熱急黃狂走六畜顛狂人為蛇犬虎狼毒刺惡虫等咬服之毒不入內。鐵積久生衣為綉惡瘡疥癬和油塗之諸虫咬和蒜摩塗之。



黑鉛甘毒屬至陰解諸瘡毒慰蛇侵傷寒熱氣尤能散止

嘔安神鎮此心鉛霜消痰灰敷癰烏鬚鎔汁勝千金

也其汞已甚故取呂意鉛錫俱稟北方壬癸陰極之精性濡滑而多陰毒過服傷人心胃治發背及諸般癰毒

并金石藥毒先用酒一斗入甘草三兩後溶鉛一斤投

入酒中如此九次令病人飲醉即愈被蛇蝎咬炙熱熨之

又治傷寒毒氣黃胃嘔噦墜痰降氣鎮心安神入藥以鉄鉞鎔化鎔新瓦上瀝去渣脚二三次取淨者用

鉛白霜性極冷無毒消痰止驚悸煩渴鼻衄解酒毒治室女月水滯澁心煩恍惚兼治中風痰實小兒驚風滯藥

多用之取法以鉛雜水銀十五分之一合煉作片置醋瓮中密封經久成霜鉛灰取鉛三兩鉄器熬之久當

有脚如黑灰取此灰和脂塗癰子上仍以舊帛貼之數數去帛拭去惡汁又貼如此半月許亦不痛不作疽內有爲水雖流過項者亦差○烏鬚髮明目牢齒方黑鉛半斤鎔化旋入桑條灰柳木攪令成砂爲末每早如常



擦牙後用溫水漱在碗內取其水洗眼  
治諸般眼疾翳黃白者用之皆變黑也

漱

**鉛丹**有毒味辛涼生肌止血治諸瘡吐逆顛癇消久積截

瘡鎮驚神氣藏

炒鉛為丹其色黃故又名黃丹善生肌止痛止血諸瘡金瘡湯火染髮皆用煎

膏或未俾之主吐逆番胃顛癇狂疾除熱毒臍中惡  
心腹脹痛又能消久積止溫瘧鎮心安神去驚狂煩渴  
經云黃丹澁而固氣收斂神氣以鎮驚也丹溪云魚一  
婦因多子於月內服黃丹二兩四肢冰冷強直不食時  
正仲冬急服附子理中湯數十貼而安炒黃丹法黑  
鉛一斤土硫黃硝石各一兩先溶鉛成汁下醋點之  
煮時下黃一小塊續下硝少許沸定再點醋依前下  
許硝黃已消沸定黃亦盡炒為末成丹矣入藥又炒今  
色變細研  
水飛二遍

**鉛粉**有毒味辛寒惡瘡狐臭水能乾消積殺虫止溺痢破



入陣又

黃冊  
七錢

十



痢可服却嫌生

胡僧家語也色如蜜形圓陀陀有小毒除面上癩疥鼻鼓乳調如膏塗之金瘡

口瘡微臭乾未傳之久痢五痔及驚癇瘰癧嘔吐茶調服之或入醋少許此即煎銀燭底堅重碎之如金色

者佳外傳生用內服火煨黃色細研

靈砂乃煉硫汞成怔忡病去心自靈痛冷百病皆能療墜

痰益氣通血凝

一名二氣砂用水銀二兩硫黃一兩細研先炒作青砂頭後入水火既濟燭抽

之如束針紋者成就也味甘溫無毒東垣云靈砂定心臟之怔忡久服令人心靈一切癰冷五臟百病皆治墜痰涎益氣力通血脈止煩辟惡明目服法詳六卷八十九葉疥瘡有虫毒者塗之即效

花藥石黃白點見止血生肌須煨煉卒中金瘡刮末敷痊

中血暈斯為善

出陝華諸郡形大小方圓無定色似硫黃中有淡白點如花之蕊東垣云治金



瘡血行則卻合和硫黃同煉服之或只用火煨亦好倉卒不及煨煉者但刮未傳之即合仍不作膿潰其効如神又療產後血暈惡血。另研極細。

**石灰**溫辛風化良療疥生肌不入湯善殺痔疔點黑子產

**婦泡水洗脫肛**

火煨石而成灰水解毒者力劣風中自解者力大有毒主痔瘡疥痒熱氣惡瘡死

肌墮眉痔瘻癰爛白癰婦人粉刺湯火金瘡療骨疽殺痔疔除黑痣蝕惡肉生好肉多用燕膏調塗不入湯藥

婦人產後陰腫腸脫玉門不開取一斗熬黃以水三斗投久澄清蒸洗兼治吐血血崩解酸酒毒煖水臍又能

狀硫黃去錫暈制雄黃硃砂可用作外櫃凡使點瘡肉生用亦可止血妙紅色膏公用醋浸一宿火煨今腥穢

氣出存性研細。古塚中及敗地茹平主婦人遺尿及崩中吐衄血不止煮服或燒為末服餘治與石灰同。

**松烟**墨辛能止血善合金瘡去目芒刺下崩中并難產產



後血暈

醋摩鼻

燒松節烟和膠作膏方可入藥無毒止血生肌合金瘡主眼目物芒入目磨點

障子上

即出又止

血痢婦人崩中漏下難產子死腹中胞衣不下產後血暈腹痛引腰脊酒醋童便任摩服之

又治小兒客忤大人中惡心腹痛脹為末水調服之丹

漢云屬金而有火入藥甚助補性湯藥磨刺丸散火

煨細研或水浸軟紙包煨到不問微

墨京墨油烟任尤如漆且香者勿用

蘇合香甘溫無毒除邪去蠱殺三虫霍亂瘧瘧并癰瘡瘰

厥中氣與中風

梁書云天竺國出蘇合香是諸香汁合煎之其形如酥或云是獅子屎者非也

除邪氣鬼精夢魘殺蠱毒去三虫破宿血止心腹痛霍亂吐瀉瘧瘧癰瘡中風中氣痰厥口禁不省久服通神

安息香平辛苦味去蠱毒辟諸惡氣煖腎滋精無夢交更

和心腹鬼胎症

言能安定人之氣息也出波斯國樹脂液也形若松脂黑色成塊新者亦柔韌



無毒主辟蠱毒及一切惡氣煖腎氣止遺精夜夢與鬼  
交和心腹定霍亂鬼胎血邪血暈燒之通神酒浸研

白蠟外科之要味稟金收斂堅凝氣生肌止痛續骨筋補

虛治癆益脾肺丁名虫蠟冬青樹上細虫食樹液而成者屬金全稟收斂堅凝之氣外科之要

藥也生肌止血定痛接骨續筋得合歡樹皮良補中虛殺癆虫止咳止瀉潤肺臍厚腸胃另研用

**露蜂房**味苦鹹平消癰乳癰及齒疼痔漏風疹與頭癩止

女崩中兒咳聲此即木上黃蜂窠大者如壺小者如桶其蜂黑色長寸許螫牛馬人乃致死都

用此尤効人家屋間亦往往有之但小而力慢不若山  
林中得風露氣者故名有毒主癰瘰成癰作孔和猪脂

調塗治乳石發則頭痛煩熱口渴溺赤水煎服之當利  
諸惡毒隨小便出風牙腫痛鹽填滿孔燒灰傅之腸癰

痔漏皮膏癰疹癢痒火熬酒調服之驚癇癰瘰瘰寒熱邪  
氣頭疾鬼精蠱毒及婦人崩中漏下小兒咳嗽喉痺並



酒調服之。又療蜂螫腫毒。解諸藥毒。別錄云。和亂髮蛇  
退。三味燒灰。酒下。主惡瘡疽。附骨疽。根在臟腑。歷節腫  
出。疔腫。惡脉。諸毒。皆瘥。凡使須十二月。採洗去蜂糞泥  
土。蒸半日。晒乾。灸令焦黃。細研。惡乾姜。丹參。黃芩。芍藥  
牡蠣。土蜂窠。不入湯藥。治  
癰腫。不消。醋調塗。乾即易之。

**蜂子**

微寒。俱有毒。止嘔。利便。和心腹。土蜂消腫。制蜘蛛蜜。

主吐。黃面。日。

**蟪蛄**

止咳。治久。聾。房。醫霍亂。乳調服。

蜂

尖利有鋒芒也。俱取其房中白。如蠅。未成。頭足時炒用  
之。亦可。以鹽炒。日乾。寄入京洛。以爲方物。食之者。須以  
冬瓜。苦蕒。姜蘇。以制其毒。大黃蜂。即人家屋上。及大  
木間。作房者。專主乾嘔。心腹脹痛。利大小便。土蜂。即  
土穴。居者。主癰。瘰。痛。又燒灰。油調。傳。蜘蛛。咬此物。能食  
蜘蛛。亦取其相制也。蜜蜂。味甘。主大人小兒。腹中五  
虫。口吐。出者。面白。黃補。虛羸。傷中。久服。益氣。輕身。令人  
光澤。兼治頭風。蟲毒。丹毒。風疹。腹內留熱。大小使閉。去



浮血婦人帶下下乳汁大抵蜂類性効皆不相遠畏黃  
芩芍藥牡蠣○蠟○更處有之黑色而細腰雖名土蜂  
而不在土中作穴但捷土於人家壁間或器物傍作房  
如竹管取他虫於房中化為已子詩云螟蛉有子蜾蠃  
負之是也味辛平有毒主久聾茲逆嘔逆毒氣出牙療  
鼻窒生搗罾竹木刺入藥炒用其土房主癰腫風頭小  
兒霍亂吐瀉○微灸為末乳汁下○  
一字即止又研細醋調塗蜂螫

**雀癰**放子名天漿甘平無毒抹諸瘡小兒驚癇不可缺撮

口風堪刺口傍○即毛虫房也好在石榴樹上似蚕而短  
背上五色斑毛刺入有毒欲害者口

吐白汁凝聚漸堅硬如雀卵其子在癰中作蛹久而作  
蛾出枝葉上放子復為虫又曰雀好食其癰中子故俗  
間呼為雀兒飯癰又名天漿子八月採蒸之主小兒慢  
驚驚癇寒熱結氣蟲毒鬼疰又小兒撮口不得飲乳者  
先刺口傍令見血以癰內汁和鼠婦搗塗之局方皆以  
糞虫為天漿子以之治疳則可若治驚風方須用此也



蜘蛛寒毒傳諸瘡皆疔瘰癧卒脫肛牙蛀口啗腋下臭瘻

疔瘰癧獨可算

有知覺吐絲結網飛虫觸則誅之發背疔瘰癧先挑四畔血出根露搗爛醋和敷

上乾即易之瘰癧無間有頭無頭日乾為末酥調貼之已有瘡口出膿者燒一二枚乾粉塗贅取花蜘蛛絲於黃丹中養之夜繫旦落卒脫肛及久瀉脫肛疼痛瓦合內燒存性入黃丹少許為末先用白礬湯洗淨拭乾粉桑軟更手掌托入牙齒有孔取壳一枚綿裹按其內中風口眼啗僻搗摩頰車上候正即止腋下狐臭用鹽泥赤石脂為菓子納裏蜘蛛燒為末入輕粉一字米醋調臨臥洗淨腋下敷之來早瀉下惡汁惡物已上皆外敷也大人小兒瘰癧陰狐疝氣偏有太小時時上下小兒丁奚疳三年不能行燒熟咬之或入丸服有被毒蜂蜈蚣咬者生置痛處含咬其毒其蜘蛛醉死以冷水浸之即活此蝎咬指汁塗之又七夕日取其網置衣領中療毒忘凡使勿用五色若要身小兒大深灰色腹內有蒼黃膿去頭足研膏用然此物中人尤慘惟飲羊乳可制



其毒若潰泉着人令生瘡癰。壁錢虫似蜘蛛在閣壁間作白幕如錢無毒主鼻衄及金瘡下血不止取虫汁點瘡上及鼻中亦療外野鷄病下血其錢幕主小兒吐逆取二七煮汁飲之。

牡鼠味甘平無毒搗置折傷筋骨續貼諸瘡用蠟油煎肝

腦塗針及箭鏃肉熱專消小兒疳積治兒癰與勞復雄

也其屎兩頭尖者是又名猥鼠生搗全身置折傷止血續筋骨又大雄鼠一枚渾用清油一斤黃丹五兩黃蠟一兩如常法煎成膏藥貼諸瘡腫凍瘡折破瘡湯火瘡去痛而涼兼滅癰疽極良又治癰瘡中冷瘡口不合及蛇刺毒痛用皮燒灰封之鼻鼓出膿血及破傷風用頭燒灰猪脂調傅醫針入而針折及箭鏃刀刃竹木刺入肉在諸隱處不出者並搗鼠肝及腦封之即出又脊骨末長齒多年不生者効四足及尾主婦人墮胎易出膽汁點耳治老聾點眼治晚不見物但死即膽消不可得之。肉熱無毒主骨蒸癆極四肢羸瘦殺虫小兒疳積



哺露腹矢內有癰痕貪食倍常大人石水鼓脹婦人乳汁不通去皮骨取肉和五味作羹或煮粥食之但勿令食着骨甚瘦人○糞微寒無毒主小兒癰疾太腹傷寒勞復室女月水不通孕婦難產子死腹中並燒灰水煮服之又治鼠瘻以新屎一百粒取置密器中六十日杵末即傳瘡孔○**鰻鱗**出山都平谷狀如蝙蝠大如鴟為毛紫色長毫夜行飛生即飛生鳥也性溫南人取其皮以為煖帽或取皮與產婦臨蓐持之墮胎今易產

**蝟皮**無毒苦甘平痔腫連陰及腰疼上血寬膨除疝積開

**胃進食補下停**

蝟畏也週身刺利可畏雖虎狼亦不敢傷士五痔腫痛不問新久或連陰腫痛

及腰背疼陰蝕血汁不止腸風下血蟲毒下血並酒煮服之燒灰綿裹塞鼻止衄日華云止汗血是也又腹脹痛疝積燒灰酒下善開胃氣止吐逆番胃令人能食補下焦弱行義云從虫從胃有義焉兼治小兒卒驚蹄凡使猪蹄者良鼠脚者次入藥燒灰或炙黃或炒黑或水煮任入湯丸畏桔梗麥門冬得酒良○脂可煮五金入



石注耳治聾肉可五味淹食治同皮惟骨食之令人  
瘦小又豪猪形似蝟而大取其肚并屎燒乾為末每  
早空心酒下二錢有患水病鼓脹者服此肚一箇  
便愈但此猪多食苦參只治熱風水腫不治冷脹

石蟹無毒味鹹寒癰腫漆瘡傳即安更點青肯并翳眼熟

水摩吞救產難

海蟹年深水沫相着因化為石每遇海潮風飄出為人所得療癰腫漆瘡醋摩

傳之青肯目深層翳一翳細研水飛入諸藥相佐點之  
又催生落胎止血暈治天行熱病解一切金石藥毒蟲  
毒並水摩服之

水蠶甘溫療折傷消腫生肌愈惡瘡而則乳癰腰強痛洗

痔腫痛連及肛

形似蠶出朗州及南中無毒主折傷消結腫風毒惡瘡生肌除粉刺黥點婦人

乳癰止腰痛洗痔瘡及肝腎腫痛  
醋摩消酒毒去壳細剉熬煉



**羊蹄根** 苦寒無毒陰蝕侵淫頭上禿癬瘡腫毒醋摩敷止

**血殺虫功最速**

葉似羊蹄高三四尺莖節間開紫赤花子名金蕎麥根似牛蒡而堅實夏中即

枯亦可作菜食丹溪云屬水走血分似苦蕒甘而不苦多食滑大腸生痒主頭禿疥癰腫毒瘰癧瘡疔女子陰蝕侵淫喉痺不語並取根醋摩傳之除熱殺虫及小兒疥虫解諸魚毒蠱毒赤白痢大便不通腸風下血並水煮汁服之又生搗汁服治產後風秘

**天竺精** 寒甘且芳殺虫消腫傳諸瘡破血止血除諸痺便

**難煩渴可煎湯子如鶴虱平苦味主蛇咬心痛莫當**

此得天之精所生大有靈異昔人射鹿剖五臟以草塞之噉然而死故又名活鹿草南人呼為火炊花實全類蓊養但蓊養苦而臭名精辛且芳故又名麥白姜在處有之夏秋抽條頗似薄荷花紫白色葉似菰菜而小無



毒殺小蟲除諸毒疔瘡痔瘻金瘡內射身痒癢疹不止  
搗之立已主瘕血血痕欲死下血止血利小便去痺除  
胸中結熱止煩渴逐水大吐下五月採陰乾垣衣為使  
○子形如鶴虱黃黑色微毒主蛇虫蟻虫咬心腹痛殺  
虫丸散中為最要藥兼  
止瘰癧傳惡瘡入藥微炒

# 柳

寒苦退疽黃根葉皮攻疔腫瘡絮止灸瘡癰用實煎

枝含汁治牙良

從禾從卯一云從亞古酉字也二月建卯逢之而榮故從卯八月建酉逢之而

零故或從亞柳初生時黃蘗子為花及花乾絮方出絮之下有小黑子隨絮而飛以絮為花者誤矣○花無毒主風水黃疽面熱黑痂疥惡瘡金瘡止血治濕痺四肢攣急膝痛葉及枝煎膏塗癰疽腫毒疔瘡如乳反花瘡疥痂漆瘡長肉止痛續筋骨煎洗馬疥立愈又治心腹內血作痛天行熱病傳尸骨蒸勞湯火瘡毒入腹及服金石藥入發天熱悶并下水氣○絮主止血貼灸瘡良入池陰處化為綽萍又多積可擇氈與小兒卧蓋佐



以性涼也。○實主潰癰逐膿血子汁療渴。  
○枝細剉煎汁含之治齒痛洗風毒腫痒。

樺木皮苦平無毒初腫乳癰調酒服時行熱毒豌豆瘡諸

黃疸症濃煎熟

皮有花紋北來者佳治乳癰初發腫痛結核欲破膿者為末酒下一錢即睡一

服而愈傷寒時行熱毒發豌豆瘡及諸黃疸症濃煮汁飲之良又燒灰合他藥治肺風毒

黃藥苦平主惡瘡癰瘡喉痺木咬傷取根研汁隨含傳治

馬原來用此方

其根初採濕時紅赤色暴乾則黃無毒主諸惡腫瘡癰瘡喉痺蛇犬咬毒取根研

內服外傳亦治馬心肺熱有功○子肉味酸治咯血鼻衄不止又浸酒服之治癰氣神效累消即止不可過劑

剪草專治疥癬痒祛癩止血効非常根名白藥諸瘡用末

調鷄子護胎傷

剪草狀如茜草細辛發州產者佳氣涼無毒治惡瘡癰瘡疥癬風痒浸酒服之



治癆瘵用赤一片蜜二片和成膏不犯鉄器丸蒸九晒  
每用四兩以匙炒藥如粥五更面東服之良久進粟米  
粥壓之或吐虫而愈若久病肺損咯血一服即愈尋常  
咳血妄行服三匙即愈白藥辛溫無毒主諸瘡癰腫  
不散取生根搗傅或水調乾朱傅之金瘡折傷敷之止  
面定痛生肌孕婦傷寒護胎爲末鷄子清調塗臍下胎  
存生處乾即以溫水潤之又治胃中熱塞噎痺不通咽  
喉腫痛消痰止咳治渴止吐血解野葛生金巴豆藥毒  
亦治馬肺  
熱藥有功

**莽草**

苦辛溫有毒頭痒喉痺蛀牙風癰癰諸瘡皮膚痒更

**消疔殺魚虫**

生置中似石南而葉稀無花實揉之作  
椒氣治頭風痒可用沐勿令入眼瘡喉

痺不通及蛀牙腫痛濃煎湯熱含吐之漱口勿嚥治瘰  
癧結核堅腫癰疽乳難乳癰未潰頭瘍白禿與白歛赤  
小豆爲末鷄子白調塗乾即易之一切風疽疔瘡血凝  
腫墜乃風濕皮膚麻痺煎湯淋洗殺虫魚不入湯藥



**敗醬** 苦鹹化膿水腸癰痔瘻能消補逐瘀破癥祛痺風最

**益婦人陳良甫**

出近道葉似蓀蒼叢生花黃根似柴胡色紫作陳敗豆醬氣微寒無毒能化膿

為水消腸癰補痔瘻一切瘡瘍疥癬丹毒暴熱火瘡赤氣馬鞍熱氣除癰腫浮腫結熱破多年凝血消癥結治風毒瘰癧陳良甫云即苦薺菜最益婦人治血氣心痛赤白帶下催生落胎產後血暈煩渴腹痛胎前後諸病皆治之兼治赤眼障膜肉停耳鼻衄吐血○八月採根日乾剉碎和甘草葉相拌蒸半日去甘草晒用

**酸漿** 氣寒一味酸退熱利水治產難另有二葉酸漿草止

渴通淋帶下安癆瘦惡瘡頻搗傳殺虫孩子可常食下

有之苗似水茄而小葉亦可食實作房如囊囊中有子如梅李大赤黃色味如酸漿微寒無毒主熱煩滿定志益氣利水道難產吞其實立下其根如蓮片白色絕苦搗汁飲治黃病多效五月採陰乾○三葉酸漿又名酸



漿草生道傍下濕地葉如萍葉叢生莖端三葉葉間生細黃花俗名酸車草南人用指銚石器令白如銀味酸寒無毒主解熱渴諸淋瀝痛婦人赤白帶下搗傅癰瘻惡瘡殺諸小虫嫩葉小兒食之可除熱夏月採葉陰乾

**營實**酸平即薔薇療諸癰毒惡瘡瘻根治金瘡傷捷肉血

**痢腸風痔瘻兒**即薔薇子白花者良無毒主癰疽發背惡瘡瘡癰潰爛瘰癧結肉跌筋敗瘡熱

氣陰蝕不瘳頭瘍白禿利關節久服益氣輕身根味苦澁冷無毒主熱毒風癰疽惡癩疥癬金瘡傷捷生肉復肌及口舌生瘡箭鏃顛刺不出牙齒疼痛又治五臟客熱除邪逆氣通血脉止赤白痢腸風下血小兒痔瘻腹痛痔痢八九月採去根粗布拭去黃毛細剉漿水拌蒸一宿曬乾用

**梁上塵**能消軟癰又止中惡鼻衄血兼消腹痛噎難通安

**胎催生**脬系戾又名烏龍尾性平無毒主癰毒陰腫婦人妬乳小兒頭瘡軟癰醋和敷之中惡



鼻衄腹痛噎膈婦人胎動欲產橫生倒產及轉胎小使  
不通並酒調服之又自縊死取未吹兩耳鼻中即活○  
凡使須去烟火遠高堂  
殿上者拂下飾用之

東壁土取向朝陽傳諸癰癰及脫肛瘡痢泄瀉多煩悶藥

傷毒中盡堪嘗

以一二壁論之外一面向東常先見曉日  
得初陽少火之氣若向南者則非火食

氣故專用向東者多年被烟熏者尤好氣溫無毒主背  
癰瘡癰乾濕癰脫肛瘡為末傳之或生姜汁調塗加黃  
柏少許又主下部瘡脫肛小兒臍風瘡治瘟瘡洩痢赤  
白腹內絞痛霍亂煩悶服藥過劑及中毒煩悶欲死水  
調服之又解諸藥毒肉毒合口散  
毒野菌毒○已上治瘡毒通用

冬灰

即泥灰黃灰燒諸蒿藜積聚鍊作之今用灰多雜熟  
蒸乃不善衍義云諸灰一烘而成惟冬灰則經三四

月方微燼灰曉夕燒灼其力燥烈而體重今一焚而成  
者體輕力少故不及冬灰味辛微溫和不石灰熬煎以點



瘰癧肉疔蝕疥癬去黑子疣贅不可廣用爛人皮肉○桑柴灰入藥絕奇一方取鷺一箇治如食法以桑灰汁煎

如泥和諸癰疽藥重煎甚丸衆手丸如梧子大日服十五丸癰疽瘰癧無不愈者或單淋汁服之亦去風血癰

塊水腫○鍛鉄爐中灰兼得鉄力故主癰疽堅積有效

○竈中熱灰和醋熨心腹冷氣痛及血氣絞痛冷即易

### 百草灰

端午日採露取之○一百種陰乾燒灰以井花水爲丸重燒令白以醋和爲餅服下挾之乾即易當抽

一身痛悶瘡出即止以小便洗之不過三度膿臭自無又主金瘡止血生肌取灰和石灰爲丸燒令白刮傳之

### 不灰木

出上黨石類也其色青白如爛木燒之不燃或云即滑石根也若更燒灰砍破以牛乳煮了更以黃

牛糞燒之成灰太寒主熱癰瘡和棗葉石灰爲粉傳之

### 蘆甘石

本草不載局方治眼以之爲君○輕白如羊腦不灰石者佳用砂確一盛一蓋於炭火中煨令通赤

以童便或黃連水淬之再煨再淬九次細研水飛過用



姜石

所在有之生不見日色土石間狀如姜有五色惟白者良味鹹寒無毒療疔腫乳癰發背敗肉豆豉並火煨醋淬為末鷄子清或醋調傳之効大凡石類多主癰疽

綠青

卽石綠出信州有銅處生山之陰其中青白花文可愛卽畫工用作綠色者土人以為婦女服飾入藥當用顆塊如乳香不夾石者佳味酸寒無毒主益氣療熱鼻止洩痢今醫用吐風涎雖驗亦能損心○細研水飛

白青

生豫章山谷今空青圓如鉄珠色白而腹不空者是也研之色白而碧亦謂之碧青不入畫用無空青時亦用之味甘酸鹹平無毒主心下邪氣令人吐殺諸毒三虫利九竅治耳聾明目通神輕身不老

扁青

蜀郡者塊大如拳其色青腹中亦時有空者武昌者塊小扁而色更佳味甘平無毒主折跌癰腫金瘡不瘳治目痛破積聚解毒氣利精神去寒熱風痺及大疔夫莖中一百病內絕益精令人有子久服輕身不老

膚青

生益州味辛鹹平無毒主蠱毒及蛇菜肉諸毒諸惡瘡不以久服令人瘦



降真香

和諸香燒之直上天召鶴盤旋於上味溫平無毒主天行時氣怪異燒之辟邪惡之氣也

薰陸香

出天竺國樹生於砂中盛夏樹液流出狀如桃膠黃白色合香家要藥微溫療惡瘡及風水毒腫去

惡氣中惡邪氣伏尸治齒虫痛不可忍圖經云治腎氣補腰膝療霍亂治血止痛製同乳香

鷄舌香

出崑崙採花釀之成香合香家要用不止入藥味辛溫無毒療風水毒腫去惡氣止霍亂心痛吹鼻

殺腦疳含口治齩齒口臭和黃連乳汁點目精明倍常

茅香

生劍南道諸州三月生苗似木麥五月開白花味苦溫無毒傳灸瘡金瘡止血定痛煎湯止吐血鼻衄又

主中惡溫胃止嘔吐療心腹冷痛熱淋苗葉煮作湯浴辟邪氣令入身香合諸名香甚奇

鼠李

即牛李子也木高七八丈葉如李但狹而不澤子生於條上四邊生青熟黑至秋葉落子尚在枝是處有

之味苦小毒主寒熱瘰癧瘰癧瘡日乾九蒸酒漬服能下血除癰瘕積冷氣滲水腫腹脹之皮主諸瘡寒熱毒瘰



除身皮熱毒。根主口中痔瘡和蓄薇根煎膏含咽。即  
瘡亦可傳。背發者煮濃汁含之。治蟹齒。服之。治痔。去餘膏。  
苗似死豆。有蔓而差。大根黃。而香。人取以爲菜。微有  
豆氣。山人謂之鹿耳。亦堪生。味苦平。無毒。主腸癰。  
瘰癧。瘡瘍。殺蠱毒。止頭痛。及女子  
腰腹痛。不樂。五六月採。苗日乾。

**鹿藿**

**牛扁**

**寫尾**

**北烏**

**蜀手泉**

生下濕地。葉似石龍芮。根似秦艽。而細。味苦寒。無毒。  
主身皮瘡。熱氣可作浴湯。又主牛病。牛頭入藥。用根。  
葉似射干。而潤。短不抽。長莖布地。而生花。紫碧色。根  
似良姜皮。黃肉白。味苦平。有毒。主飛尸蠱毒。邪氣鬼  
疰。諸毒。破癰。殺積聚。去水。下三虫。  
療頭眩。殺鬼魅。十月採。根日乾。

生大石及木間陰濕處。青翠茸茸。似苔。而非苔。長四  
五寸。味甘寒。無毒。主金瘡。內寒。療黃疸。去皮膚寒熱。  
往來利小腸。膀胱氣。補中益  
氣。好顏色。燒灰浴髮。令黑。

俗名漆姑。葉似菊花。紫色。子類枸杞子。根如蓬。赤  
無心。有粉。味苦寒。無毒。主頭禿。惡瘡。熱氣。疥癩。痂。



癰疽漆瘡齧齒女子陰中內傷皮間實  
積小兒驚癇。三四月採苗葉陰乾用。

### 白芷

一名白葛蔓生葉圓厚若萼莖俱有白毛味苦平  
無毒主蛇虺蜂蠆刺犬豕肉毒鬼狂風症諸大  
毒不可入口者煮汁飲之即解又去皮  
可末着痛上立消。五月採苗葉日乾。

### 鳴跖草

生平地葉如竹高一二尺花深碧有角如鳥翼故  
又名碧竹子花可染色味苦寒無毒主癰疽疔腫  
丹毒瘰癧熱刺瘻飲狂癇瘰癧瘡瘻氣  
腫蛇咬和赤小豆煮下水氣溫痺利便。

### 鼠尾草

苗如蒿夏月莖端作四五穗若鼠尾花有赤白二  
色葉堪染皂味苦寒無毒主鼠瘻寒熱下痢膿血  
不止煎膏服之白花者主白下赤花者  
主赤下。四月採葉七月採花陰乾用。

### 蛇含草

處處有之生下濕地一莖五葉或七葉有兩種雷  
用細葉黃色花者味苦寒無毒昔田父見一蛇被  
傷一蛇含草着其傷處經日傷蛇乃去因取此草搗汁  
以傳蛇虺蜂蠆瘡毒皆自驗故名又主金瘡痔瘡鼠瘻惡



瘡頭癆丹毒瘡腫兼治驚癇寒熱心腹邪氣腹痛濕痺  
養胎治產後發痢利小兒八月採葉日乾勿令乾火

### 金星草

多生背陰木石上單生一葉長一二尺至冬背土  
生兩行相對如金星子其根盤屈如竹無花實凌  
冬不凋五月和根採風乾用味苦寒無毒主癰疽瘡毒  
解疏黃丹石毒發於背癰腫結核酒煎服之外為末冷  
水調塗石藥悉下然性至冷  
服後須補若人不可輕服

### 千金藤

生北地者根大如指色黑似漆生南土者黃赤如  
細辛主癰腫發背一切血毒諸氣霍亂中惡天行  
瘡癰虛勞瘵嗽不利蛇犬毒藥石發癰  
癰蟲毒並宜煎湯浸酒治風輕身也

### 預知子

出蜀中蔓生大木上葉有三角八月結實生青熟  
紅每房有子五七枚如皂子班褐色潤如飛蛾冬  
月採陰乾味苦寒無毒取仁一枚綴衣領上遇蠱毒物即  
則則有聲故名預知若中其毒去皮為末水煎服之有  
効日華云主一切癰治風補虛破瘵瘵氣塊天行瘟疫  
消宿食止煩悶利水道催生殺虫解諸毒藥付蛇虫咬



**其根**

其根芽似獸之牙齒味酸寒有毒主邪氣熱氣疥癩惡瘍瘡痔陰蝕金瘡蛇毒不煎洗或搗敷之殺寸白

腹臟一切虫止赤白痢水煎服之八月採根

日乾中濕腐爛生衣者殺入蕪荑為使惡地榆

**鬼白**

生深山岩谷之陰葉似草蓀初生二莖莖端一葉兩岐年長一莖莖枯為一白二十年則二十白也三月

開赤花開後結實根似射干八月採根日乾味辛溫有

毒主蠱毒鬼疰精物辟邪惡解百毒治傳尸勞瘦止咳

嗽喉結去目中

層翳不入湯藥

**女青**

葉圓而貞兩葉相對莖子似瓢大如棗根似白薇味辛平有毒主蠱毒尼氣濕瘡疥蛇毒八月採根陰乾

春生冬枯蔓似葡萄而色紫八月採根皮日乾用味

**紫葛**

其苦寒無毒主癰腫惡瘡為末醋和封之又金瘡生

肌破血補損及癰瘕瘰癧急產

後血氣衝心煩渴並水煎服

**續命**

出漢中葉似木槿而薄細花似槐而稍長堪染黃色

子似豌豆而堅黑堪為數珠味苦寒無毒和黃連煎



膏療目痛赤爛淚出傷背消目腫大

**生**

生溪澗側葉似竹而細薄莖亦圓小荆襄人煮以漿

黃色甚鮮詩云葦竹猶猗是也味苦平無毒主疥瘡

**積**

處處有之蔓生溪澗側葉圓如錢又謂之地錢草

疥疥癬浸漬赤爛皮膚暴熱小兒丹毒寒熱

**坐**

生江西六月開紫花結實土人採其苗治打撲

**齊**

出川蜀江湘春生苗莖全似人參而葉小異根似桔

梗但無心為異故又名土桔梗味苦寒無毒主殺蠱

**黃**

生蜀郡味苦平有毒主蠱毒見症邪氣在臟中除



**瞿菌**

出瀟州形似菌色白輕虛表裏相似乃鶴屎所化也  
秋雨時即有禾草及粟即穉味鹹其平小毒主疔蝨

惡瘡白癰白禿止心痛溫中除腹內冷痛癰瘕去長虫  
燒虫寸白蛇虫殺蛇蜂等毒○日乾用得酒良畏鷄子

**徐長卿**

三月生苗似小紫兩葉相對七月着子十月苗枯  
根黃似細辛微麤長而有腺氣味辛溫無毒主百

邪鬼疰蠱毒惡氣去疫疾溫瘧久服強悍  
益氣延年○三月採根蜜拌蒸三時日乾

**石下長卿**

味鹹平有毒主鬼疰精邪惡氣殺  
蠱毒老魅啗哭悲傷易亡恍惚

**被毒**

味其溫有毒主腹中邪氣蠱  
毒鬼疰伏尸云云蛇螫

**頭垢**

溫治淋閉主蠱療癰復蠱毒重毒百邪鬼魅馬肝  
殺入並可服之蜈蚣天咬竹木刺入肉並外敷之

**海馬**

出西海大小如守宮虫首若馬身如蝦背偃僂有竹  
節紋長一二寸色黃褐以雌雄各一為對性溫平無

毒主婦人難產帶之於身神効或燒灰  
酒下亦入血氣藥中○採之日乾酥炙



蝟牛

蝟牛即蝟蚰有四角背上別有肉以負壳行味鹹寒有毒治發背取活者一升置瓶中以井水浸一宿取出以水調蛤粉敷之日十餘度則痛止瘡愈蝟蚰有虫燒壳灰搗之効太陽虛脫燒灰猪脂調傅立續蝟蚰咬取汁塗之又主賊風咽僻筋急蹠跌小兒驚癇疳疾○入藥炒用

地膽

出梁州狀如大馬蟻有翼味辛寒有毒主寒熱鼠瘻惡瘡死肌蝕瘡中惡肉鼻中息肉鼻齕能宣療瘰癧根從小便出葉破石淋癰疽腫胎散結氣殺鬼疰蠱毒惡耳草抑老陶隱居云此一虫五變療皆相似二三月在荒花上呼為完青頗似蜚蟻但蜚青綠色背上一道黃文尖喙四五月在王不留行上呼王不留行虫六七月在葛花上呼為葛上亭長形似完青但身黑而頭赤如亭長之着玄衣赤幘也八月在豆花上呼為蜚蟻九月十月發還地蟄呼為地膽隨時變耳各以時採陰乾製同蜚蟻

目

出東海素白如魚齒古人用以飾軍服雲南用為錢貨易味鹹平有毒主黑目翳去鬼疰蠱毒腹痛下血



破五淋利水道消浮腫除寒熱溫瘡解肌散結熱殺飲  
食中毒小兒疳蝕吐乳入藥酒洗火煨細研水飛用

### 紫貝

形似貝而圓大二三寸紫質黑文肉鹹平無毒似蛤  
蜊食之鮮熱毒酒毒壳煨灰傳癰疽點眼明目去翳

### 螢火

是腐草得火火氣化成味辛溫無毒主青盲明目小  
兒火瘡傷熱氣蠱毒鬼疰通神精

### 馬陸

即百節虫長二三寸大如小指身如槎節節有細鬣  
紋起色紫黑光潤百足死則側卧如環味辛溫有毒

主惡瘡息肉白禿去堅癥積聚瘰癧寒熱瘡結腸滿有  
人自服一枚便死和糠炒令糠焦黑去頭足研用

### 石蠶

在處有之生水中石上作繭以蔽其身蚕在其中味  
鹹寒有毒主五癰石淋解結氣利水道除熱墮胎

### 仙遺糧

又名土茯苓味甘辛熱無毒善治久病楊梅癰漏  
及曾誤服輕粉肢體癢壞筋骨疼痛者能收其毒

而祛其風補其虛若初起肺熱便秘者不宜  
尋常老弱亦可服之饒筋骨得川椒皂角良



○食治門

人知藥之藥人而不知食之藥人。世有誤食一毒而宿疾遂愈者。天生萬物以養人。

也。豈為口腹計哉。孫真人謂醫者先曉病源。知其所以食治之。食療不愈。然後命藥。不特老人小兒相宜。凡驕養及久病厭藥窮乏之無資貨藥者。俱宜以飲食調治。故采食鑑本草及太觀集韻為歌。更附各門方法。於後中有驚肉龜肉麥芽之類。本門不載者。已采入五品正藥目錄。可查。凡言食某物忌某物者。養生家法。世脾盛善食者不拘。

米穀部

神麴 紅麴 麥芽 油麻 食鹽  
扁豆 赤小豆 已上俱見前卷

粳米無毒甘平味能和五臟補脾胃長肌堅骨止泄煩強

志益精又益氣蘗米温中宿食消杵糠下噎取其義

也堅硬於糯米也。即今白晚米與早米赤白大小異族。惟白晚米為最。入手太陰少陰經。平種五臟補益胃氣。



長肌肉壯筋骨止煩渴泄痢強心志益腎精益肺氣養生書云氣精皆從米變化而生故字皆從采有病者煮粥食之不雜一物其病自愈造飯過熟則佳食乾飯止渴若常食乾飯令人熱中唇口乾和蒼耳食令平心痛燒陳倉米和蜜漿解之和马肉同食發痼疾新熟者動氣經耳年者發病液云白虎湯用之入肺以陽明為胃之經色為西方之白也少陰症桃花湯用此井以補正氣竹葉湯用此井以益不足○孽米即穀芽也去壳止取孽中之米故曰孽米味苦溫無毒主寒中下氣開胃消食除煩熱性溫於麥芽○枳糠即春枳頭細糠也性平主卒噎不下及反胃不止刮取枳殼之即去其春搗之義耳又燒朱服之令易產以糠作枕損人眼目

陳倉米鹹酸澁溫調胃能止洩如奔寬中下氣除煩渴更

消蠱腫封瘡痕

倉廩也即粳米以廩軍人者陳久者良無毒調胃緩脾寬中下氣除煩止渴消

食澁腸止洩痢食之易饑炊作乾飯止痢補中益氣堅筋骨通血脉起陽道北人炊之於釜中水浸令酸食之



煖五臟六腑之氣凡熱食即熱冷食即冷假以火氣體  
自溫平○黃米丸治水蠱用乾系瓜一捧去皮剪碎和  
巴豆十四粒同炒以巴豆色黃為度去巴豆入陳倉米  
如系瓜之多少同炒米黃色去系瓜為末本丸梧子大  
每湯下百丸數服即愈蓋系瓜如入之脉絡然引巴豆  
之氣入皮膚也○又蒸作餅和醋封毒腫惡瘡立差

糯米甘溫主溫中止吐瀉亂安胎宮炒黑敷瘡黃止痢多

食熱壅氣不通稗又退黃并蠱毒煮汁飲之立見功

也其米軟而粘即稻米也今人用之作酒煮糯者無毒  
溫中益氣實腸止洩定霍亂養下元縮小便治婦人胎  
動腹痛下黃水和氣血藥中服之若雜肉同進則不利  
其子炒黑水調傳癰疽金瘡水毒竹木刺炒黃為末新  
汲水下二錢治鼻衄不止多食生熱壅諸經絡氣急人  
神昏愛酸脹悶久則動風發瘡緩筋身軟不能行諸家  
因見食者多病此症遂以糯性為寒不知其性實溫而  
體質粘滯難化脾胃弱者濕熱生而氣窒不通觀之造



酒其熱可見作糜粥食之止消渴合酒同食醉醒  
 縮得治黃病通身及蠱毒煮汁飲之効○按五穀稻黍  
 稷麥菽早米晚米糯米皆稻也舊說獨以糯為稻則誤  
 也陶隱居云詩黍稷稻粱禾麻菽麥八穀也俗人莫能  
 證辨而况芝英乎然陶以禾即稷是稷朱子詩註明言禾  
 者穀連稷結之總名但八穀有稷則是蓋言粱則包稷  
 在中但諸穀皆以各方風土所宜人事早晚  
 有異為名其種類最多此識其入藥者耳

黍米益氣味甘溫肺病相宜多則煩赤者微苦止咳嗽霍

亂洩痢作粥食秫米能潤大腸燥釀酒踴急自然伸性

高燥而寒故北地有似粟而非粟穀之類也似蘆蒿丈  
 餘穗黑色實圓重大槩有二種米糯者為秫不糯者為  
 黍黍又有丹赤黑數種無毒肺之穀也肺病宜食益氣  
 安中補不足宜脉不可久食多熱令人煩悶昏五臟好  
 睡發宿疾緩筋骨絕血脉合葵菜食成痼疾合牛肉白  
 酒食生寸白虫○赤黍米皮赤米黃味苦微寒無毒主

註



咳嗽欬逆霍亂止洩痢除熱止渴下氣衍義云但可爲  
糜不堪爲飯粘着難勝然亦動風○秣米似黍米而粒  
小卽黍之所謂稌也性宜下濕而易故東南皆有之宜  
作酒肥軟易消故謂之軟粟又謂糯粟味甘微寒無毒  
止寒熱利大腸能壅五臟氣動風不可常食又和茵陳  
地黃醖酒服治筋骨攣急噤口瘡瘡疥漆瘡凍瘡犬咬  
又爲未鷄子  
白調塗腫毒

稷米本是五穀長甘芳可愛供祭嚮利脾胃解毒苦瓠多

食令人發痼冷

稷亦穀之類似黍而小卽今之稷米又

取以供祭祀其莖穗人家用作掃帚性冷無毒主益氣  
安中補不足利脾胃治熱解苦瓠丹石毒多食發三  
十六種冷病八穀之中最爲下苗黍乃  
作酒此乃作飯用之不可與附子同食

穬麥除熱味甘寒令人輕健氣力完大麥鹹溫止消渴調



中益氣可常食

麥有穢麥太麥小麥養麥穢是麥之皮號猶穢為穀之通名也穢麥亦太麥也

但太麥皮稍薄小麥皮又更薄耳故作孽皆溫中消穀

○穢麥無毒主輕身除熱久食令人多力健行不動疾

惟先患冷氣人不宜○大麥無毒主消渴除熱調中益

氣補虛劣壯血脉實五臟肥肌膚益顏色化穀食療脹

止泄頭不白不動風氣暴食之稍似脚氣為下氣及腎

腰故也久甚宜人熟即益人帶生即冷損人作麴無熱

躁勝於小麥蜜為之使丹溪云初熟時人多炒食之此

等有火能生熱病人不知之又和針砂浸石蜜釀甚黑

小麥甘涼養心肝除煩止渴利便難潤咽更止漏唾血淨

者盜汗即時乾麥苗退熱消酒疸麥奴治疫解金丹

小也麥脈也以繼續穀米續民命脈即今人所磨為麴

食者無毒主養心肝氣除熱止煩渴咽乾利小便止瀉

血唾血暴淋殺蛇虫合湯皆完用之熱家療也○淨小

麥止盜汗治大人小兒骨蒸肌熱婦人勞熱入藥微炒



○麥苗味辛寒退胃中邪熱消酒毒除黃疸利小便絞  
汁服之○麥奴即苗上黑微主煩熱解丹石天行熱毒

麴性甘溫能補虛強氣厚腸實肌膚麴涼調中仍去熱麴

筋益氣腹寬舒養麥甘平去滓穢食久風動脫眉鬚即

麥麴性溫不能消熱止煩惟養氣補不足助五臟調經  
絡續氣脉實胃體厚腸胃強氣力其有濕熱能發諸病  
壅熱小動風氣不可常食丹溪云麴熱而麴涼須晒令  
燥以少潤之春去皮煮為飯食之無麴熱之後患固經  
云凡麥秋種冬長春秀夏實具四時中和之氣故為五  
穀之貴大小麥地煖處亦可春種之至夏便收然比秋  
種者四氣不足故有毒又云磨中石末在內所以有毒  
但杵作粉食之補中氣和五臟凡麴食熟則益人生則  
有損古方治婦人乳癰不消用白麴半斤炒黃醋調塗  
上內又水煮服之又炒食之止痢醋蒸罾折傷即定○  
麥麴涼調中去熱止洩痢治時疾熱瘡湯火瘡爛撲損  
折傷瘀血醋炒罾之第三磨者涼謂其近麴也○麴溫



消穀及諸生物止痢消痔主小兒癰○蕎麥性寒無毒  
實腸胃益氣力久食動風令人頭眩和猪羊肉食之患  
熱風癰脫入胃鬚雖動諸病猶到升石不能鍊五臟滓穢  
續精神小兒赤丹醋和敷之杖瘡鷄子白調塗有效其  
葉作茹食之下氣利耳目多食即  
微洩其穢燒灰淋汁洗之六畜瘡

大豆甘平除胃熱逐水通淋散積結破瘀治風及癰瘡消

穀寬膨炒作屑豆腐寬中脾胃和太腸濁氣能清別

救也無毒除胃中熱痺逐水脹傷中淋露散五臟結積  
下瘀血炒令烟未斷垂熱投酒中治風痺癰瘡口噤頭  
風及產後風虛血病和飯搗塗一切癰瘡腫毒小兒晚  
豆瘡炒為屑主胃熱去腫除痺消穀止腹脹煮汁甚涼  
可以壓丹石毒解烏頭諸藥毒殺牛馬瘟毒兼能調中  
下氣止痛通關脉殺鬼毒治喉痺食罷生服半兩去心  
胸煩熱熱風恍惚明目鎮心溫補又醋煮服治子死腹  
中胎衣不下炒食極熱煮食及作豉極冷作餅則寒而



動氣黃卷及醬平牛食溫馬食冷一體之中用之數等  
大抵宜作藥使耳但有黑白二種黑者入藥白者不用  
其緊小者為雄豆入藥尤佳惡五參龍膽得前胡烏喙  
杏仁牡蠣良○黃豆味甘溫寬中下氣利大腸消水脹  
腫盡○白豆即今之飯豆味鹹平腎之穀腎病宜食補  
五臟煖腸胃調和十二經脈其嫩葉謂之藿可作菜食  
利五臟下氣○豆腐味甘平寬中益氣和脾胃  
下大腸濁氣消脹滿中寒多泄多屁者忌食

**大豆黃卷**味甘平濕痺筋攣膝痛寒更除氣聚并積結毒

婦瘀血即時行菡豆作者堪為茹解熱醒酒心自清

芽也以生豆為之芽出便晒乾名為黃卷無毒主濕痺  
筋攣膝痛破婦人惡血及葶婦藥中多用之又除五臟  
胃氣結積去黑誌面黧潤  
皮毛益氣解毒入藥微炒

菡豆甘寒解諸毒熱風消渴研汁服更治霍亂消腫浮作



腸

枕清頭明眼目粉疹痘瘡不結痂脾胃虛人難尅伏色

圓小者佳皮寒肉平無毒解一切藥草虫魚牛馬金石等毒除煩熱風疹消渴生研汁服之霍亂吐逆奔豚和胡椒等分爲末冷水調服又煮食消腫下氣疹利小便作枕治頭風痛明目入藥須帶皮用之去皮即小有壅氣○豆粉甘平無毒市中貨者多偽入藥須用真者治小兒痘瘡十餘日暴爛不結痂者以粉疹之効又解諸熱熟者膠粘難得對化脾胃虛弱人病者忌之○搗爛作餅炙食之佳和五臟安精神行十二經脉益氣力潤皮肉除熱毒風厚腸胃可常食之

淡豆豉苦寒無毒表汗吐煩及勞復定喘止痢更安胎脚

痛癰腫敷且服

即常用豆豉不入鹽者佳純陰主傷寒頭痛寒熱一切時行瘴毒和葱白服之

發汗最速又能吐虛煩躁悶心中懊憹勞復食復兼定虛勞喘急暴痢腹痛血痢胎動血下兩脚疼冷浸酒服



之以查外敷作餅灸發背癰腫又殺六畜胎子諸毒中  
毒藥蟲氣毆跌瘀血聚腹癰疾骨蒸犬咬○單方治陰  
莖瘡痛爛趾下分鹽調濕泥一分水研塗乾則易之又  
中蝦蟇毒便閉臍痛水煮服之頭風痛煎湯浴之即瘥  
粟米鹹寒養腎氣胃虛嘔吐作為丸若除胃熱須陳者更

治消中利小便

粟從鹵從米象形也即今之小米山東  
最多五穀中最硬謂之硬粟得漿水即

易化無毒丹溪云屬水與土陳者難化衍義云生者難  
化熟者滯氣隔食生虫所謂養腎補骨者味鹹故也去  
脾胃虛熱氣弱食不消化嘔逆反胃湯飲不下用粟米  
粉作丸梧子大煮熟入鹽少許并汁食之和中益氣兼  
治腹痛鼻衄解諸毒陳容味苦除胃熱消渴利小便止  
洩痢壓丹石熱衍義云利小便故益脾胃又粟粉炒黑  
鷄子白調貼癰腫○胆汁主霍亂轉筋卒熱心煩飲之  
立瘥胃冷者不宜多食梟屎止消渴五痔痔痢洗皮膚  
瘡疥下殺酸脚殺虫塗惡瘡



梁米三種粟之類青黃白味性相似霍亂洩痢總能除和

中益氣養脾胃黃去風痺青澁精白治胃熱多嘔噦米

損地力而少收故人多種粟而少種梁穗皆大而毛長  
米此粟更壯大青者襄陽出黃者西路出白者東吳出  
作飯味甘而淡性皆微寒無毒惟黃梁得土中氣故味  
甘而平俱養五臟補脾胃和中益氣止霍亂吐利煩渴  
利小便實大腸黃梁米治當風卧濕遇冷所中成肢  
體頑痺小兒面身生瘡如火燒為末蜜水調敷青梁  
米去胃痺熱健脾胃止洩精醋拌百蒸百晒可作糗糧○  
白梁米除胃虛熱嘔吐又除胃中客熱移五臟氣續筋  
骨北人長食之夏月  
作粟食亦以除熱

鬻粟甘平除風熱散胃痰滯胃中翻竹瀝作糜令下食過

服動臟及下元

其房如鬻其子如粟無毒主行風氣祛  
逐邪熱散胃中痰滯止霍胃及丹石發



動不下食和竹瀝煮作粥食之極美然性寒  
利大小腸不宜多食過食則動膀胱氣耳

酒味苦甘辛大熱大扶肝胃活氣血破癥行藥辟惡邪痰

火病人宜擯節糟性溫中宿食消一切菜蔬毒可殺酒

也釀之米麴酉醱久而味美也味辛者能散為導引可  
以通行一身之表至極高之分味苦者能下其者居中  
而緩淡者利小便而速下也陶隱居云大寒凝海惟酒  
不水性熱甚也大扶肝養脾厚腸胃潤皮膚散胃中鬱  
氣活肢體滯血破癥癖行藥導引入諸經不止與附子  
同殺百邪惡毒氣禦風寒霧露昔有三人觸霧晨行空  
腹者死食粥者病飲酒者健此酒之辟惡也東垣十書  
云醇酒冷飲有三益一得溫中之寒以養肺二得寒中  
之溫以養脾三則令人不得恣飲惟好飲及中寒者不  
可卽漢云本草止言其大熱有毒不言其濕中發熱近  
於相火醱後惡寒戰慄可見矣其性善升大傷肺氣助  
火生痰變為諸病病之淺者或嘔吐或自汗或疼痺或



鼻鼈或衄血或淋瀝或心脾胃痛尚可散而出也病之  
深者為消渴為內疰為肺痿為內痔為鼓脹為失明為  
哮喘為勞嗽為頭癰為痰隔為吐血尤有為難名之病  
陶隱居云多飲傷神損壽可不樽節以衛生乎諸米酒  
有毒酒漿照入無影者不可飲合乳汁令人氣結合牛  
肉食令腹内生虫酒後不得卧凡酒忌諸甜物酒毒甚  
花紅豆解之酒類甚多惟糯米麴麴造者可入藥用○  
甜糟味鹹溫無毒主濕中冷氣消食殺腥去一切菜蔬  
毒藏物不敗採物能軟潤皮膚調臟腑三年已下有酒  
以物承之摩風癢止嘔噦禦風寒晉撲損瘀血浸洗凍  
瘡及傳蛇蜂叮毒○紅麴酒大熱有毒發脚氣腸風痰  
喘諸疾惟破血殺毒辟山嵐寒氣療打撲傷則尤妙也

**醋**飲咽瘡消癰腫治疽散水破食積產後血暈堪熏鼻燒

**酒肉毒吐如傾**

醋措也能措五味以適中也味酸無毒  
主飲咽瘡消癰腫治黃疽散水氣消食

破癰塊堅積治婦人血氣心痛及產後血虛發暈用炭  
燒紅投入醋中令鼻中常得醋氣為佳酸益血故也過



食燒酒菜魚肉毒成病者即飲醋一杯吐之兼治傷損  
金瘡殺邪毒摩雄黃塗蜂蠆取其水而不散也多食損  
顏色傷肌臍損齒及筋骨不益男子。有米醋麥醋棗  
醋入藥多用米醋穀氣全也陳久者佳但南方炒米為  
醋最鹹入藥須以一分醋二分水和之方可江北造醋  
用晚米一斗為飯青蒿晉三日出黃每飯一碗冷水二  
碗燒酒麴四兩入瓮封固一七後用柳木棍每早攪之  
四十九日後去渣煮熟其醋不甚鹹初甚苦故謂苦酒

醬味鹹酸雖冷利將和五臟有名義除熱止煩解藥傷火

燒蜂蠆痛掣指

醬將也將和五味以安五臟故聖人不  
得不食以豆作醢久者良無毒除熱止

煩補殺百藥湯火灼毒及一切蛇虫蜂蠆魚肉蔬菌毒  
發小兒無辜。又有肉醬魚醬皆呼為醢不入藥用榆  
仁醬亦辛美殺諸虫利大小便心腹惡氣不宜多食蕪  
黃醬功力強於榆醬多食落髮孕婦食令兒面黑  
飴糖甘溫補肺虛止渴消痰咳白除溫胃進食更消痰脹



嘔濕熱休

含諸

以糯米煮粥候冷入麥芽澄清者再熬如琥珀紫色較者謂之膠飴建中湯多

用之其牽白凝強者謂之節糖不入藥用諸米皆可作飴惟糯米者佳無毒入足太陰經補虛乏潤肺止渴消痰止咳嗽飲又補中氣健脾胃進飲食去留血止吐血又打損瘀血熬焦和酒服之能下惡血骨髓痠中及誤吞錢鏰服之便出惟中滿及嘔吐忌之丹溪云屬土而成於火大發濕中之熱衍義謂動脾風是言其末也

甘蔗甘平能潤肺消痰下氣和脾胃利大小腸解熱煩沙

乳諸糖性相似

其莢無毒出江東者勝潤肺消痰止咳止渴補脾和胃主卒乾嘔不息取汁溫

熱服又以生薑汁和服主胃反朝食暮吐暮食朝吐旋旋吐者亦効日華云冬利大小腸除心煩熱臘月害糞坑中患天行熱狂人絞汁服甚良口瘡痛者亦搗汁飲之又殺虫鮮酒毒○諸糖皆蔗汁煉成味皆甘性微溫惟乳糖冷利俱無毒○沙糖治與甘蔗同但小兒多食生蟻虫消肌損齒發痔瘻以味大其故也丹溪云其生



濕濕生火胃火盛則損齒非土制水乃熱土生火熱也  
中滿家禁用與笋同食成癥不能行乳糖乃沙糖和  
牛乳煉者主心腹熱脹口渴潤肺生津明目去熱膜  
白沙糖水糖俱能潤肺補脾砂仁八寶往更溫不入藥

性

**甘平喜入脾補中止痛痢癰奇消煩除渴潤便燥目**

**赤口齒諸瘡宜**

有木中作者有土中作者有石上作者  
有入家養者其蜜一也但土蜜味酸家

養者取之數而氣味不足山蜜多石中古木中經一二  
年得者氣味純厚衍義云蠟取新蜜取陳也新收者稀  
黃經久則白而砂無毒耳喜入脾故能養脾氣補中諸  
不足止腹痛治腸澼赤白痢諸驚癇瘵除心煩悶不能  
飲食潤肺燥消渴便難及肝門腫塞又治目生珠管膚  
翳未腫口舌生瘡牙齒疳腫火燒湯泡熱油燒丹毒陰  
頭生瘡諸惡瘡癰俱外傳之兼和百藥解諸毒安五臟  
久服強志不老惟中寒有濕者禁用孫真人云七月勿  
食生蜜令暴下發霍亂多食亦生諸風凡煉蜜必須  
用火熬開以紙覆經宿紙上去蠟盡再熬變色太約一



片只得十二兩  
為佳不可過度

菜部

葵菜 韭菜 芥菜 蘿蔔 生姜  
紫蘇 薄荷 菖蒲已上俱見前卷

葱白辛平發傷寒陽明額痛痢腸寬除風腫治腹心痛通

腎和肝胎自安實性辛溫補中氣汁止衄溺血相干空葱

也其葉中空惟虛乃聰也一云葱青白色也葱白即莖也無毒氣厚味薄升也陽也手太陰足陽明經主傷

寒傷風頭痛欲破骨節痛寒熱出汗東垣云散傷風陽明頭痛之邪止傷寒陽明下痢之苦又治中風面目浮

腫喉痺不通霍亂轉筋及奔豚脚氣心腹痛此藥利關節通大小腸又能通腎陽氣痺陰症回陽除肝邪氣明目安胎止血和中利五臟殺百藥毒及一切魚肉毒又

莖葉用鹽搗晉射工溪毒蜈蚣狐尿刺蛇虫傷并撲損

金瘡水入數腫痛大抵發散為功多食昏入神救氣上衝虛人正月食之發面上遊風若燒葱和蜜食殺人的



葱實主明目溫中補不足益精○葱汁平主吐衄瀉血  
解藜蘆毒葱有數種惟經冬不死分莖栽植而無子者  
入藥  
最佳

大蒜有毒攻癰毒辟惡散暑止痛腹化魚肉吐衄癰痰過

服傷臟損人目味辛溫主癰腫惡瘡疥痛人所不識者

取獨頭蒜三四枚搗爛入麻油和研厚貼腫處乾即易之  
一切疥癬丹毒蟹瘡蛇虫蜈蚣咬並搗貼之或隔蒜  
用艾炙之亦好辟水惡瘡氣疫氣蠱毒勞瘡中暑霍亂  
轉筋腹痛癰爛水送下性屬火善散化肉食故人喜  
食之破冷氣爛癰瘰癧昔有患癰及食鷄子過多者每日  
食二三枚口吐涎物下部如火即効此物氣味極重煮為  
羹腫極俊美熏氣亦微下氣溫中消食傷肉食者喫之  
食最妙醋浸經年者良熟食亦可若生食久食傷肝損  
目傷肺引痰傷腎竭精傷心清血傷脾損氣四個月食  
之傷神損膽腎氣又合青魚鮓食令腹內生虫或腫或



成痼疾有目疾者宜忌之損性代命莫此為甚

小蒜有毒歸脾腎下氣溫中霍亂定更消穀食除痺風多

服損心口亦病氣味似大蒜其形小者是也歸脾腎下氣溫中止霍亂腹中不安消穀殺蟲除

風邪痺毒氣諸蟲毒傳疔腫蛇虫沙風瘡久服損心口力損目合生魚食令人專氣又一種山蒜似大蒜而臭

山人以治積塊及婦人血凝醋摩服之効

薤味辛苦止吐痢定喘散水消結聚外傳金創湯火傷瘡

中風寒水腫治薤解也能也薤雖辛不輩五臟乃能去腥葉似韭而潤多白無實有赤白二種

赤者療瘡生肌白者食補皆春分時之至冬葉枯凡用葱薤皆去青留白白冷而青熱也無毒人手脚明經止

霍亂乾嘔久痢冷瀉產後諸痢痔痢婦人赤白帶下月隔卒痛肺氣喘急俱搗汁飲之取其滑而泄滯氣也又



能除水氣溫中散結去寒熱安魂益氣宣心歸腎續筋力利病人藥芝也養生家常食之煮羹作羹炒食並得惟生食引涎唾若合牛肉食成瘕疾單方治金創瘡敗諸瘡中風寒水作腫生搗熱塗之與蜜同搗塗火瘡効

菰菜味甘溫無毒通利腸胃解酒宿更止熱嗽除胃煩中

虛冷人不可服主通利腸胃解酒酒渴消食下氣治瘴氣止熱嗽除胃中煩殺魚腥和羊肉甚

美中虛者食之過多發冷病惟生薑可解有熱者可常食之又菜晒令半乾次早取入坛內以熱飯浸之三日後則酸如醋謂之齏水入藥可吐痰一

苋實甘寒入血分能除寒熱利二便散肝風熱青盲翳葉

補陰氣益產前言其莖葉皆高大可見故字從見指事也或云其子去翳膜眼有所見也苋有

六種惟白苋入藥無毒丹溪云下血而又入血分且善走散寒熱利大小便性寒滑故也治肝風客熱青盲赤



暗白翳黑花為末每夜茶下方寸匕又殺蛔虫益氣益  
 精○葉蒨陰分氣虛除熱通九竅多食動氣令人煩悶  
 冷中損腹若與蠶同食生蠶瘕又素難產者取莢煎馬  
 齒莢臨月常食令滑胎易產○赤莢莖純紫味辛寒無  
 毒主疥癩氣痢  
 射土砂風束毒

馬齒莢味酸大寒散血涼肝退翳漫止渴利便攻赤痢風

熱癰瘡搗汁食

形如馬齒兼治馬疥故名無毒能束肝  
 血治目盲白翳退寒熱止煩渴破癰瘕

殺蟲利大小便治大人血痢小兒疳痢產後血痢又治  
 諸淋脚氣心腹脹滿頭面浮腫反胃治三十六種風結  
 瘡七十二等癰腫毒生搗汁服二碗即下所積惡物細  
 虫外又煎膏塗之此藥雖寒滑能行血調氣肥腸亦美  
 劑也燒灰和陳醋查先灸疔腫以封即根出馬汗毒瘡  
 有虫內服外敷凡使勿用大禁者當用葉小節間有水  
 銀者每乾之十片中得水銀八兩者佳然至難燥當槌  
 碎晒兩三日即乾入藥去莖節○子主青盲白翳明目



除邪氣去寒熱為末每一錢  
煮葱豉五味調和食之効

葛根寒治骨蒸更醫一痢面黃凝疔腫用汁莖中取欲

治蛇傷葉止疼莖大也莖葉大而味苦又名苦莖即野  
莖也人家常食者為白莖汗外嶺南吳

人無白莖常植野莖以供厨饌無毒根主骨蒸赤白痢  
並煮服之更除面目及舌下黃又折取莖中白汁傳疔

腫出根取汁滴腫上立潰碎莖葉蛇觸之則目盲故傳  
蛇咬有驗今人種為菜生食之開胃強力利五臟調十

二經脉多食輕身少睡霍亂後胃氣逆煩生搗汁飲之  
雖冷甚益人惟同血食作痔疾衍義云傳疔腫甚効青

苗陰乾以備冬月為末水調敷之白莖苦平補筋骨利  
五臟開胃隔壅氣通經脉去口氣令人齒白聰明少睡

可常食之惟患冷氣  
及產後食之寒中

苦蕒無毒性亦涼壯力能治面目黃尿血單煎酒水服按



薪菓子

疔爛蠱傳蛇傷

強力止困治面目黃汁傳并腫即出根

又傳蛇虫咬蚕蛾出時切不可取初令  
蠶青爛蚕婦亦忌食野苦實五六回拗後味甘滑  
於家賣○單苦實采飲治尿血酒與水煎服之効

薺味甘溫能和中疏利五臟九涼肝子治目痛青盲翳根

葉燒灰痢疾安

薺薺齊也好也詩云其甘如薺葉作薺薺  
味佳無毒和中利五臟及肝氣凡患氣

及服丹石人食之動痼疾又與麴同食令人背悶○子  
亦呼為薪菓子味甘平主目痛青盲翳膜解熱毒補五

臟不足四月八日收之良○根葉燒灰為末蜜湯下治  
赤白痢極効根汁點暴赤眼痛○薺薺法取薺一二十升

許淨洗入淘了米三合冷水三升生薑二指大牛油一  
塊壳不用鹽醋又不須攪動俟羹熟取食能引血歸肝

明目治瘡癰夜讀服能膽之意  
同此幽人山居之祿不可忽也

薺

味甘平微毒利水消浮止渴煩熱雖稍苦性無異虛



脹冷人切莫吞者葫蘆亦執也詩謂之壺者可為壺者可為壺

不堪食與入藥主大水而自浮腫下水令人止渴治心熱利小腸潤心肺下石淋吐蛔虫療蠱毒吐血

又患脚氣及腫脹冷氣人不可食惟服卅石人相宜○花日乾為末傅鼠瘻

茄味甘寒能緩火大治風熱腰脚跛化痰逐痰消乳癰發

癰發瘡非相左腸風口糜蒂燒灰根洗凍瘡煎數朶者

連莖之名有數種入藥多用黃茄無毒治大風熱痰取黃茄不計多少以新瓶盛貯埋土中經年盡化為水取出入苦參末為丸食後臨卧酒下卅丸甚效又治腰脚風血積冷筋急拘攣疼痛取茄子五十片細切洗淨以水五斗煮濃去渣再煎至一升入粟粉同煎令稀稠得所更入麝香硃砂末為丸梧子大每旦及近晨酒下卅丸一月乃瘥男女通用此膏又見傳發背乳癰惡瘡冷如冰雪又治撲損肌膚青腫用老黃茄種切片瓦上焙



為末臨卧酒下二錢惡血散而痛腫止一夜消盡無痕  
本草又云久冷人不可多食損入動氣發瘡發癰疾不  
與前膏傳瘡之說相左耶蓋熱瘡塗之則愈體冷服之  
生瘡夏月常時食之皆可○帶燒灰和蜜調敷口瘡牙  
痛酒調服治腸風下血皆甘以緩火之意也○根及枝  
莖葉煎湯漬洗凍瘡良○又苦茄樹小有刺其子主痺  
醋磨塗  
癰腫効

白冬瓜寒無毒除熱止渴性最速更利水脹治諸淋久

病瘦人最忌服子醒脾胃悅人顏更消膿血聚腸腹初

青綠經冬則皮白如塗粉故名主解胃中積熱煩悶止  
消渴除小腹水脹療五淋利大小便壓卵石毒魚毒並  
絞汁服之又煮食練五臟為下氣故也欲瘦健者可長  
食欲肥者勿食甘淡云性急而走久病與陰虛者忌之  
衍義云發背一切癰疽劑一大塊置瘡上熱則易之  
散熱毒亦取其走而急也九月食霜瓜令反胃○葉殺



蜂螫腫毒○藤燒灰洗黑點并瘡疥濕○子其平無毒  
醒脾滯除煩滿不聚令人悅澤好顏色別錄云主腹內  
結聚破潰膿血最為腸胃內壅要藥又去皮膚風刺黑  
點潤肌膚可作面脂多生損傷不差熬末溫酒調服入  
藥須霜後取置之經年破出核洗燥去壳取仁  
微炒用之凡瓜皆能寒中惟木瓜則溫中

胡荽辛溫微有毒善止頭疼熱四肢消穀更通心腹氣噴

痘酒煎不用醫

胡荽也荽藤也久食令人腰氣如狐臊也止頭疼按四肢熱消穀通心竅通大

小腸通小腹氣小兒痘瘡不出用酒煎沸以物蓋定候  
去查微微從項已下遍身噴之除面不噴其痘速出  
久食損人精神多忘發胡臭脚氣痼疾○子主腸風五  
痔蠱毒及食肉中毒下血不止頓瘡黃者煮冷汁服之  
齒痛煎湯含之小兒禿油煎傳之入藥炒用○又石胡  
荽俗名鷲木食草氣寒無毒通鼻氣利九竅吐風痰不  
在食又熟按內  
鼻中去翳膜



水芹味甘平無毒能益氣血養精神更消煩渴除黃疸帶

下崩中治婦人

芹英也產於水澍而英秀異於他菜可作蔬食無毒益氣保血脈養精神壯筋

力令人肥健嗜食除身熱煩渴利大小腸治五種黃病  
女人赤白崩中漏下小兒霍亂吐瀉兼去頭中熱風殺  
石藥毒醋和食之損齒患齩瘕人不可食又三月八月  
龍帶精入芹菜中人遇食之變成蛟龍瘕發則似顛而  
色青小腹滿痛狀如懷胎服硬糖  
二三升或一二服吐出如龍子遂愈

芸薹最不宜多食發病生虫極損陽主破瘕瘕通結血更

除丹腫乳癰瘡

衍義云芸薹不甚香經冬根不死辟蠹於諸菜中亦不甚佳此人間所啖菜也

味辛溫無毒久食損陽氣發癰疾發瘡口齒痛生腹中  
諸虫先患腰脚及胡臭人不可食但能破瘕瘕血結產  
後血風瘕血瘕遊風甘腫乳癰子壓  
油傳頭令髮長黑婦人經後食之斷產



竹筴化痰更利水爽胃利膈消渴止冷瘕脚氣人休食乾

者難化滯脾土地笋卽是澤蘭根吐血衄血病堪作主

無毒下氣消痰利水爽胃氣利膈化熱止消渴益氣可

常食惟有小瘕動氣脚氣人不可食新者稍可食陳者

難化不益脾昔有小兒食乾笋壹啜中喘急瞋目似慢

驚以巴豆藥吐出乃愈諸笋皆發冷血及氣惟苦竹笋

不發痰主不睡去面目舌上熱積止渴除熱解酒毒明

目健人利水道理風熱脚氣取蒸煮食之○地笋甘溫

無毒利九竅通血脉止吐血衄血治產後心腹痛一切

血症食之肥人○蒲笋卽樓笋也甘寒無毒去熱燥

利小便○薑笋卽薑根也

茵味甘芳性本溫開胃止瀉悅神魂木耳涼血故止血石

耳清心養胃元

為葷茹不芳者呼為荒茹生滑乾滋有



地生者有木生者或又各木鷄有土穰糞灰中或竹林  
虛塚處後雨後盡生此乃濕熱相感而成多食發濕熱  
少食其氣芳香悅神開胃其味稍澁能止瀉止吐冬間  
及春初無毒夏秋有毒為蛇過也誤中脹悶欲死者急  
與甘草湯或黑豆煮汁飲解之又楓樹上菌食之令人  
笑不止地漿水解之亦解諸菌毒○木耳性冷無毒涼  
血止腸辟下血勿與小兒食不能消化○石耳甘寒無  
毒清心養胃止血○蘑菇甘平無毒何南產者佳可食  
無甚  
益損

芋

園圃時者佳味辛平有毒主寬腸胃充肌膚滑口令人  
肥白產後煮食破宿血去死肌汁止血渴和魚煮甚下  
氣調中補虛治煩止渴多食動宿冷滯氣困脾虛勞無  
力煮汁浴身上浮風及洗膩衣白如玉○葉冷無毒除  
煩止瀉療妊孕心煩迷悶胎動不安又搗搗傳蛇虫咬  
箭毒并癰瘡腫毒止痛梗擦蜂蟻甚効○野芋生溪澗  
兆人所種根葉相似有大毒入口殺人飲  
地漿真汁解之其根醋摩傳虫瘡疥癬



藜

藥似老藜根如紫草粉味甘寒滑土之律也最難化  
脾土盛者服之則脾氣愈盛五臟有補鮮暴熱利水道  
胃弱者服之氣壅經絡筋骨間冷中腹脹令人脚弱不  
能行消陽事眼闇鼻塞髮落多瞽其嫩莖山間人作蔬  
食之昔有獵士折食一技心中淡淡成疾後吐一小蛇  
漸乾成嚴遂明此物不可生食○藜生水傍葉似莢味  
甘寒無毒久食不飢調中  
潤大小腸利水道下浮腫

甜瓜

其寒有毒多食令人陰下濕痒生瘡動宿冷病發  
熱破腹脚手無力少食除煩止渴利小便通三焦間

壅塞氣

兼主口鼻瘡疔義云貧下暑月多食避暑至深

秋作瀉難治為其損陽氣故也○藥治人無髮搗汁塗

之即生○予止女子月經太過去油為末水調服

野甜瓜又名馬剝兒味酸似家甜瓜治噎膈有功

胡瓜

亦呼為黃瓜味甘寒有毒冷中不益治熱水腫傳蛇  
傷多食動寒熱疔瘡脚氣百病發瘡疥損陰血天行

後尤不可食小兒食之滑中生痔虫不與醋同食宜毒  
蒜佐之○葉苦平小毒主小兒閃癖二歲服一葉生搗



汁得吐下瘥其

根搗傅紙刺毒

西瓜

其寒無毒消暑熱解煩渴寬中下氣利小便治血痢病熱口瘡者食之立愈

絲瓜

治男婦一切惡瘡小兒痘疹餘毒并乳疽疔瘡等病只用老苦絲瓜連皮筋子全者燒存性為末饅生此等疾起使用末二三錢白蜜調服日二夜一則腫消毒散不致內攻毒入

豆角菜

味甘溫無毒開胃解暑多食久食滯氣困脾

胡蘿蔔

味甘辛無毒寬中下氣散胃中宿食邪滯

萵菜

味甘寒無毒主消渴熱痺熱道厚腸胃安下焦補天小腸匿氣逐水解百藥毒蠱毒合鮓魚為蔬食之主胃氣弱不下食者至効久食損齒髮昔張翰思鱸魚萵菜以下氣也

菠菜

性冷微毒利五臟通腸胃熱解酒毒服丹石人食之佳多食冷大小腸久食令人脚弱不能行發腰痛



茗蓬

平微毒補中下氣理脾氣去頭風利五臟冷氣多食動氣先患腹冷食必破腹莖燒灰淋汁洗衣白如玉

同蒿

平主安心氣養脾胃消水飲又動風氣熏人令入氣滿不可多食

苦菜

即小滿節後苦菜秀者是也莖似苦苣而細折之自汁出常常點瘰癧子自落花黃似菊陵冬不死味苦寒無毒主五臟邪氣厭穀胃痺腸辟渴熱中疾惡瘡久服安心益氣聰察少卧二月三日採陰乾

恭菜

其餅大寒葉似紫菊而大花白食之宜婦人開胃通心膈治天行疫癘鮮風熱毒暑毒痢毒夏月作粥最良南人蒸食大香美

蘼菜

味其平無毒主解野葛毒煮食之

首宿

其苦平無毒北人甚重江南不甚食之以無味故也去臟腹邪氣脾胃間熱氣通小腸治酒疸多食令人吐利少食則安根名土黃芪安中利五臟



鹿角菜

出海州海中。性大寒無毒。下熱風氣。療小兒驚風。蒸勞熱。丈夫不可久食。發痼疾。損經絡血氣。令人脚

冷痺。損腰腎。少顏色。服丹石人食之下。石力也。又能解熱。熱。

石花菜

大寒無毒。去上焦浮熱。發下部虛寒。

果部

桃

杏

枇杷

梅子

松子

木瓜

山楂

胡椒

川椒

食茱萸。已上俱見前卷。

茶茗

苦消痰熱渴。爽神頭目。自能清消積止瀉。利小便。更

療腰痛卒心忪

早採為茶。晚採為茗。微寒無毒。入手足厥陰經。主去痰熱煩渴。清頭目。悅神醒

神。令人少睡。下

氣消食止瀉。及赤白痢。利大小便。兼治

氣壅腰疼轉動不得。心痛不可忍。並臘煎熱服。冷則聚

痰液。云陰症湯內用此。去格拒之寒。與治伏陽。大意相

似。諸爛瘡及湯火瘡。細嚼敷之。或為末。香油調搽。療癰

已破者。用細茶。蜈蚣等分。炙令香熟。為末。先煎甘草湯。

洗後以此末傅之。目熱赤溢痛。嚼爛貼目。兩角其痛即



止久食損人去人脂令人瘦茶后云釋帶消壅一日之  
利暫佳養氣侵精終身之累斯大又解炎炒毒甚妙

**大棗**

甘溫和胃脾腸滯癖氣故能醫潤心肺令神液足助

十二經百藥宜生棗甘辛動濕熱令人脹泄瘦人肌無

降也陽也養脾平胃安中補中益氣治四肢重及腸癖  
下痢腸胃間癖氣一切心腹邪氣更療心懸大驚煩悶  
壯神潤肺止咳補津液補氣珍云味甘補經不足以緩  
陰血血緩則脈生故能助十二經脈補五臟通九竅和  
百藥殺烏頭毒不但心肺脾三經劑也惟心下痞中滿  
嘔吐有齒病者忌之又下合生葱食多食動風脾反  
受病屬土而有火故也入藥用紅棗蒸去皮棧生棗  
動濕熱多食令人氣滿脹多寒熱注泄羸瘦者勿食  
葉溫覆麻黃能令出汗散服使人瘦久即嘔吐搗爛搗  
熱麻黃煎湯浴小兒壯熱○三年陳核中仁燻之味苦  
主腹痛邪氣惡氣症忤小  
兒患秋痢與重棗食之良



胡桃甘溫滋肺腎潤肌黑髮解腰病通經活血治撲傷多

食動風痰火盛出羌胡生時外有青皮形如桃也無毒

酒服之補腎治腰痛黑髮通經絡活血脈療壓折損傷

搗爛和酒頓服便差多食動風利小便能脫人眉生髮

傷肺助右腎相火丹溪云傷土而有火性熱也單方治

瘰癧取肉燒存性和松脂研傅湯泡去肉上薄皮研

去油用夏至後不甚食

荔枝肉散無形滯治背勞悶消瘰贅止心煩燥更清頭健

力生津通神智核可燒灰調酒食專主心疼并疝氣結

時枝柔而蒂牢不可摘取以刀利取其枝故名又云其

實離本枝一日而色變二日而香變三日而味變離枝

之名本此味甘平無毒屬陽主散無形質之滯氣故治

背膊勞悶瘰贅赤腫者亦用之更止心燥煩渴頭重從



氣生津通神益智和悅顏色多食亦能發虛熱熱瘡亦以其屬陽而近火故也飲蜜漿一杯即解之核慢火燒存性為末溫酒調服治心痛及小腸疝氣

**龍眼**味甘平無毒歸脾寧心益神智五臟虛邪從此安除

蠱殺虫核止涕形如龍之眼也味甘歸脾而能益智寧心去五臟邪氣厭食除蠱毒去三虫又

服聰明通神之核燒烟熏鼻治流涕不止

栗味鹹溫厚胃腸耐肌益氣火煨良生乾補腎堅腰脚

普能除箭刺瘡栗糗專醫筋骨痛鈎栗令人體健康

也本草云人有脚弱啖栗數升遂能行立此補腎之義也無毒主益氣厚腸胃令人耐肌凡食栗於灰火中煨令汗出食之下氣補益熱則壅氣生則發氣若氣盛懸風乾食之補腎氣治腰脚無力破冷痼癖又生噉音惡



刺出箭頭及斷筋骨碎瘀血腫痛深癰腫毒小兒毒瘡  
熊虎爪傷馬汗毒瘡皆效孫真人云味鹹腎病宜食惟  
小兒不可多食生者難化熟者滯氣隔食生魚往往致  
病又患風水氣人不宜食者味鹹故也○壳煮汁飲之  
止反胃消渴瀉血療火丹毒腫○栗槩凡栗一銖三顆  
其中心一枚乃槩也治腎虛腰脚無力筋骨風痛○鈎  
栗味甘平主不饑厚腸胃令人肥健○苦楸味苦澁止  
洩痢口渴破惡血食之不饑令健行其木皮葉煮汁與  
產婦飲之止血

橄欖甘溫微澁酸消酒食療毒魚肝開胃止瀉又止渴核

仁研爛傳唇乾無毒醉飽者宜之能開胃下氣消酒止瀉

肝迷悶者煮汁飲之魚鯁者嚼鹽橄欖含津嚥之立下昔  
有舟人用橄欖木作漿魚逐之則死是以知橄欖能解諸魚  
毒也蜜藏之味佳炙食能致上  
壅○核中仁研傳唇吻燥痛



葡萄味甘平滲下利便通淋水氣化更治筋骨濕痺痰

酒調中味不亞根止嘔噦達小腸能安胎氣衝心罈毒

升溪云屬土而有水木火東南人食之多病煩熱眼闇

西北人稟氣厚服之健力耐寒蓋性能下走滲道也故

經云通小便治淋澀逐腸間水氣主筋骨間濕痺兼治

痘疹不出研和酒飲之酒甘溫收其子汁釀之自成

除濕調中利小便多飲亦動痰火魏文帝云醉酒宿醒

搔露而食其而不飽酸而不酢冷而不寒味長汁多除

煩解渴他方之果寧有配乎根主嘔噦及胎氣上衝

煮濃汁飲之俗呼其苗為土木通逐水利小腸尤佳

又一種山葡萄亦甚為酒性亦大同

覆盆子甘性微熱陰痿腎虛精氣竭補肝明目治肺虛婦

人宜子須頻啜行義云益腎臟服之小便當覆溺盆無

毒主男子腎虛精竭陰痿能令堅長治



肝經風虛明目去翳治肺氣虛寒少力取汁入蜜作煎  
點眼婦人食之有子久服輕身髮不白悅顏色和臟腑  
入藥水洗去皮蒸酒蒸日乾。苗名蓬蘽味酸鹹平功  
力同子療中風身熱太驚又爛弦血風冷淚侵淫青盲  
目暗或有虫等症取苗日乾為末薄綿裹之以男乳汁  
浸如人行七八里久用注目中仰卧不過三四日視物

如少年  
忌酒麪

**芡實甘平**主益精足腰膝痛不能行治痺補中除暴疾強

**志還令耳自明**頭故又名雞頭實無毒東垣云芡實益

精治白濁兼補真元內虛脊腰膝痛外濕痿痺補中氣  
開胃進食除暴疾強志意令耳目聰明久服輕身耐老  
但單服多服亦難消化生食動風冷氣  
蒸熟去壳春粉益人。根軟可作蔬食

**蓮子**無毒甘平味澁精養神補中氣止渴止痢治腰疼遇



食須先去苦蕒

鮮者綠芳紫的相連而成實也止洩精白濁安心養神補中益氣醒脾內滯止

渴止痢治腰疼下切五臟不足傷中內絕補十二經氣  
血除百病生食散動氣蒸食之良令人歡心食與入藥  
俱宜去心免成霍亂祖局方亦有用水浸裂生取其心  
以治心熱及血疾作渴產後作渴暑熱霍亂者蓋有是  
病服是藥也○蓮花蕊煖無毒鎮心固精益氣駐顏催  
產忌地黃蒜○石蓮子即鮮蓮經我乾蓬中乾而皮黑  
泥水者味苦寒取其肉於砂盆中乾擦去浮上赤色留  
青心為末少入龍腦為湯點服寧心志清神單用炒為  
末止痢治腰痛止噎逆市中一種皮黑堅而肉多  
多油者不用方書言石蓮子者皆老家蓮子也

藕能解熱除煩渴更消酒食開胃胃寒實下補五臟節

冷搗汁止吐紅安胎用帶催胎葉逐瘀生新根葉同

平無毒生食解胸中熱毒消瘀血止煩渴主霍亂後虛  
悶不食產後血悶作渴亦用此冷物者藕不同生為破



血故也。蒸熟，消食，止泄，開胃，寬中，實下焦，補五臟，與蜜同食，令人腹脹，肥而不生諸虫，常食悅神，又解蟹毒。藕節，冷，搗汁飲之，治傷寒時氣煩燥，大渴，太熱，主吐血，衄血，不止，產後血悶，上衝腹痛，合生地，溫酒，或童便服之。搗爛，晉金瘡折傷，熱傷，散血，止痛，生肌，節少，同藕，搗亦好。荷葉，蒂又各，荷葉，味苦，平，無毒，主安胎，去惡，血，留好血，止血痢，煮汁服。荷葉及房，主吐血，咯血，瘀血，米飲下，產後胞衣不下，血脹腹痛，酒煮服之。內傷脾胃，陽氣不升，口乾，心脾燥悶，易老，用以為丸，兼殺野菌毒，洗漆瘡，大抵根葉功用，主血多，効乃因宋室庖人削藕皮，誤落血中，遂散不疑，自後醫方常用，遂發生新之妙劑也。

菱角性冷味甘美重則損陽令陰痿輕者傷臟脹腹中姜

酒熱投方可止

無毒體實者服之解熱清心安五臟又壓并石毒體薄者服之多則損氣令人

陰痿輕則腹中脹滿臟冷作泄可煖酒和姜飲一兩盞即消者熱食之雖不冷亦不益脾



梨果食多脾氣傷金瘡乳婦不宜掌寬胃止消煩渴若

吐風痰可作漿

味甘酸平無毒丹溪云梨者利也流利下行之謂也酒病煩渴者宜多食動脾

金入中寒下利產婦金瘡并血虛者戒之除心脾客熱煩熱胸中痞結咳嗽氣喘止渴搗汁作漿服之吐風痰治中風失音不語及傷寒發熱驚狂利大小便孕婦臨月食之易產○葉主霍亂吐利不止煮汁飲之亦治小兒寒疝腹痛汗出○樹皮治瘡癰疥癩甚效

石榴實壳能收痢更治筋攣脚痛風花主止血及傷損根

皮可去腹中虫

安石國名張寒使安石國得其種丹溪云榴者留也性滯慈膈成痰病人須戒

之多食傷肺損齒少食亦能潤咽止渴有甘酸二種其者可食酸者壳可入藥○實壳酸無毒主瀉腸止赤白痢收目淚治漏精及糞前見血又治筋骨風腰脚不遂行步寧急疼痛陰乾微炒用之○花百葉者主心熱吐



血及衄血等陰乾為末吹鼻中立止金瘡刀斧傷破流血取半升入石灰一升為末傳之少時血斷便差○東行根皮療癰腫疔白虫治女子血脈不通赤白帶下冬乾濃煎服之凡使根壳先漿水浸一宿微炒陳久者良

紅柿無毒味甘寒解酒止渴除胃熱與蟹同食腸中疼蒸

治小兒秋痢泄瀉止欬逆聲連連皮甘益脾和米屑

果也故有牛心紅珠之稱曰乾者名白柿火乾者名烏柿其白柿皮上凝厚者謂之柿霜○紅柿解酒毒止口渴除胃熱與蟹同食令腹痛大瀉蒸熟與小兒食治秋痢○柿蒂瀉主飢逆嘔噦單煮服之一云凡使須極小柿蒂故謂之丁香柿蒂○柿實皮甘補脾厚胃瀉腸和米粉蒸糕與小兒食之妙

柿乾性平潤肺心化痰止咳又止血耳聾鼻塞氣可通建

胃厚腸止痢洩火乾稍緩性亦同服藥欲吐者堪嚙乾



者性平療肺癆心熱化痰止咳止吐血潤喉聲丹溪云  
屬金而有土為陰有收之義止血治嗽可為助也耳聾  
鼻塞者乾柿三枚和粳米豆豉煮粥食之即通其氣又  
建脾厚胃消痰澀中治腸澼不足止瀉止痢殺腹中蟲  
多食去面斑及金瘡火瘡生肌止痛單方乾柿三片用  
蜜半斤酥一斤煎之每日食三五枚療男婦脾虛肚薄  
食不消化又產後效逆氣亂水煮熱呷之○火乾者性  
煖功用大同服藥口苦欲吐者食少許立止○一種押  
色青性冷甚於柿味甘無毒主壓石療發熱利水解酒  
熱去胃熱止渴潤心肺除腹臟冷熱久食寒中不入藥  
用惟油  
甚作藥

橙皮味辛甘且芳能消惡氣滿胃腸醒酒化食祛風氣穰

主惡心去汁良

橙大於橘而香皮厚而皺氣平無毒散  
腸胃惡氣醒酒消食去胃中浮風氣療

麝氣殺魚虫毒發虛熱瘰癧○饅味酸多食傷肝氣又  
洗去酸汁細切和益蜜煎成膏食之治惡心胃中浮風



橘肉甘者能潤肺酸者聚痰不足貴諸柑醒酒渴最佳臍

虛寒人莫貪味

或煨或蒸食之○柑有蜜陀柑木柑黃

柑乳柑石柑沙柑朱橘乳橘山橘金橘之類大同小異  
味皆甘酸而寒解熱止渴潤燥生津多食癰腫生痰滯  
肺傷脾冷中作  
濕病者忌之

櫻桃甘溫百果先益脾悅志顏色鮮止痢澀精扶陽氣多

食發熱吐風涎

以其形肖桃故曰櫻桃三四月間最

益氣悅神美志

令人好顏色止水穀痢洩精回陽氣丹

後云屬火而有土性大熱而發溫多食發虛熱吐痰舊

有熱病嗽喘及闔風人忌之○葉搗傳蛇毒

絞汁服防蛇毒內攻○東行根殺寸白蛇虫

楊梅乾酸溫微毒善止酒嘔消宿食化痰和臟滌胃腸刀



斧傷時無痕迹

生者酸甚聚痰發熱損齒及筋乾作風  
臨飲酒時服方寸匕止吐酒消宿食化

痰和五臟蕩滌腸胃煩憤惡氣燒灰服能斷下痢之根  
皮煎湯洗惡瘡疥癬忌生葱○魯般方治一切刀斧傷  
損瘡不可者用鹽楊梅不拘數連枝杵如泥捏成餅子  
收竹筒中遇損破即填補之止血生肌無癰痕絕神

李子苦甘治肝病骨間勞熱須臾淨核仁消痰通小腸根

皮止痢奔豚定

無毒肝病宜食去骨節間勞熱除癰熱  
調中久食令人虛熱臨水食發痰癰又

不可與白蜜雀肉同食枝仁苦平無毒主僵仆踠瘳  
血骨痛肉傷利小腸下水氣除腫滿及女子小腹脹滿  
入藥泡去皮尖○根白皮本寒主消渴止心煩逆氣奔  
豚脚氣熱毒煩燥女人卒赤白下男子赤白痢去粗皮  
炙黃色水煮服之○花平主小兒  
兒壯熱疳疾驚癇作湯浴之

榛子味甘無毒平益人氣力健人行若令多食難饑饑厚



胃寬腸四體輕揉盛也云從秦生於秦地也主益氣

行食之以當糧

樵實甘平進飲食能通榮衛助筋力五痔三虫是主方啖

多引火傷肺極樵文木也爾雅翼云有美實而材光文

能食行榮衛助筋骨明目輕身五痔人常如果食之愈

東坡詩云驅除三彭虫已我心腹疾治寸白虫日食七

銀杏俗名白果味甘寒有毒清肺胃濁

柰子味苦寒無毒補中焦諸不足和脾益

抹橘樹似柰實比柰差圓六七月熟亦有甘酸二種其若



主消渴下氣消痰止痢泄精霍亂肚痛多食  
發熱泄氣好睡發冷痰生瘡癰脉閉不行

茨菰

葉似箭鏃根黃似芋而小煮熟可啖本草名烏芋味  
苦甘微寒無毒主消渴胃痺胃熱温中益氣消黃疸

風毒開胃下食明  
月且不可多食

勃肭

苗似龍鬚草青色根黑如指大皮厚有毛味甘可生  
啖下石淋服卅石人相宜以其能解毒也若作粉食

之厚腸胃令人不饑但此二物皆非美味多食發百病  
生瘡癰小兒食之臍下痛孕婦食之動胎得生甚良

獸部

猪肉

寒中味甘鹹昏神閉血引風痰四蹄五臟并腸膽補

虛治病還相兼卵主五癰乳主癰膏肓潤肺補漏若水

畜也其味甘美而鹹其氣微寒先入腎其性暴悍故食  
之多者昏神氣閉血脉弱筋引風痰動火令人暴肥少



子臟疾心氣瘡病金瘡人忌之養生家不與牛肉蕎麥  
 同食○四足并寒補中氣滑肌膚去寒熱下乳汁者汁  
 洗切齊直傷捷○懸蹄即前蹄腕性平主五痔伏熱  
 在腸腸癰內飽○心熱主驚邪憂悲血虛多食反耗心  
 氣忌與豆同食○肝溫主冷泄赤白臟虛脚氣水腫  
 肝熱目赤女子陰中痔痛灸熱內之當有虫出以五味  
 和食則補肝氣○脾主脾胃虛熱和陳皮人參姜葱陳  
 米煮麥去陳皮等食之○肺微寒補肺與白花菜同食  
 令發霍亂○腎即腰子性冷和腎氣利膀胱補虛勞消  
 積滯單食久食令人少子冬月食之損真氣○肚微溫  
 補虛羸骨蒸癆熱血滯氣弱大補中氣止渴止痢并小  
 兒痔瘡殺癆虫○婦人箇月宜食之○腸臟補下焦虛  
 竭去大小腸風熱止小便數口渴○膽苦寒主傷寒熱  
 渴潤燥通便入心通脉內傷骨蒸勞極小兒疳蛔熱瘡  
 其膽中藏主金瘡血痢○脾其溫無毒主五癰邪氣癰  
 縮奔豚驚癰顛狂鬼住陰乾勿令敗○乳汁主小兒驚  
 癇天吊大人猪鷄癰病乳頭治同○肪膏潤肺利血脉  
 治皮膚風熱殺虫及諸癰疽惡瘡治五疽下胞衣蒸食

胃  
 性平  
 即後  
 懸甲



或浸酒服之。漏瘡鼠瘻及頭髮不生並外傳。或煎膏藥貼之。吹煉惡寒壯熱冷水浸貼熱則又易。蜈蚣蟻子入耳灸令香安耳孔自出。臘月亥日收之不壞。忌烏梅解。夾猪元菁毒。脾膏主肺痿咳嗽膿血和棗肉浸酒服之。亦主冷痢瘰癧多服損腸。舌健脾令人能食。齒主小兒驚癇。燒灰服。兼治蛇咬。腦髓主風眩腦鳴。塗東蒼手足皸裂。血主奔豚氣風頭眩淋瀝及海外瘡。氣又蛇入口并七孔中割母猪尾血滴口中即出。骨燒灰為末水下。方寸匕解諸果毒。耳中填主蛇傷。猪膚即皮上垢膩其寒無毒治傷寒客熱下痢咽痛胃滿心煩。尿主天行熱病寒熱黃疸濕痺蠱毒。取東行此猪者水浸一宿去查服之。又燒灰傅諸瘡并小兒白无已上俱用。猪猪者佳。

野猪肉勝似家猪。久痔腸風人可咀黃止諸血痔與癰脂飲產婦乳有餘。形如家猪但腰脚長毛褐雄者肉甘美無毒青蹄者勿食肉色赤者補五臟長。



肌膚及痔腸風下血炙食不過十頃。顛癩病水煮服之。  
不動風氣所以勝家猪也。○黃在膽中味辛甘平無毒。  
主金瘡止血鬼疰顛癩及小兒疳氣客忤天吊陰乾研  
水服之。○脂除風腫毒瘡疥癬浸酒服之令婦人多乳。  
連進十日可供三內孩兒本來無乳者亦有。○外腎和  
皮燒灰存性米飲下。治崩中帶下腸風下血血痢。○豪  
猪肉其美多膏不可多食發風氣利大腸。○人虛羸肚  
肭蠟皮條下。○權猪肉甘美作羹食之下水腫。治久痢。  
大効瘦人食之長肌肉肥白其脂治傳尸鬼氣肺癆。○  
江猪肉平酸補氣食多令人體重。○健脾胃令人能食。  
牛肉甘平益胃脾消腫止渴洩尤宜更健筋骨輕腰脚髓。

溫骨髓補中衰肚棄和中肝明目膽治驚風痰熱兒

云牛者稼穡之資不多屠殺自死者血脉已絕骨髓已竭不堪服食黃牛發藥盡動病不如水牛蓋黃牛溫而水牛冷故也常食黃牛為妙瘡疾後亦忌之養生者忌與黍米韭薤同食十二月食之傷神。○肉無毒安中益



氣養脾胃消水腫除濕氣止消渴并吐洩補虛弱強筋骨壯腰脚○髓耳無毒填骨髓補中益氣續絕傷止泄瀉消渴以酒服之止吐衄崩帶腸風瀉血水瀉燒灰用又和地黄汁白蜜等分作煎服治癆瘦○肚耳平和中益脾胃百葉肚主熱氣水氣丹毒解酒勞并痢○肝其來明目平肝氣此人牛瘦多眦從鼻灌之則為獨肝有大毒食之痢血至死○膽苦大寒可和丸藥除心腹邪熱煩渴口舌焦燥益目睛利大小腸治小兒驚風痰熱疳濕○心主虛忘○腎補腎精天抵五臟主入五臟也○懸蹄主婦人崩中漏下赤白無子陰莖功同○腦髓主消渴風眩○齒主小兒牛癰○口中涎主反齒終身不噎○耳中垢封癰腫鼻痔瘡○尿寒主霍亂消渴黃疸水腫鼓脹癰疽脚氣小便不通微火煎如糖服之湯火灼頭瘡白禿五色丹毒及鼠瘻惡瘡已有膿血者以熱尿傅之或燒灰雞子白調傅又塗門戶辟惡氣置席下止小兒夜啼○尿主水腫腹脹脚滿利小便漸漸以銅器取新者服二三升愈○牛黃牛角腮另見  
前卷○正胃散用牛喉末陳米飲調服治膈食



羊肉味甘性大熱補臟虛寒形羸劣安心止汗又止驚益

腎壯陽堅骨節骨治寒中頭退熱血止諸血及暈血有羊

三四種以北地青色者入藥有一種無角白羊亦甚食

北地驅至南方筋力勞損亦不益入南方羊受濕熱毒

草故不及之殺羊肉無毒治五勞七傷臟氣虛寒形體

羸劣補中益氣安心止汗止驚益腎氣壯陽道堅筋骨

健腰膝婦人產後虛羸脾胃冷氣字乳餘疾及頭腦風

眩小兒驚癇惟素有痰火者食之骨蒸殺入時疾瘧疾

瘡瘵初起皆忌孕婦亦不可多食皆以其熱也若虛久

癰疽潰後則宜古人以之北黃芪養生者忌與酒同食

六月食之傷神○心主憂悲膈氣有孔者殺入○肝冷

主肝風虛熱目赤及天行後嘔逆不食若合猪肝梅子

小豆同食傷人心○肺主咳嗽止渴三月至五月其中

有虫如馬尾不可食○腎主補精壯陽陰痿治耳聾盜

汗脚膝無力○壯補胃治虛羸盜汗溺數及水氣在脇

不食煩熱和百木作湯食之○膽平主青盲赤障白膜



風淚。骨熱主虛勞寒中羸瘦。嫩脊骨治腎冷腰痛轉  
動不得搗碎煮爛和蒜薑或酒空心食之。○脛骨熱治  
牙齒疎豁疼痛火煨為末入飛鹽二錢和勻每早擦牙  
齒上以水漱去。○齒主小兒羊癩寒熱。○頭涼治骨蒸  
腦熱頭眩明目止小兒驚癇。○血主友人產後中風血  
悶血暈欲絕或下血不止飲一升即愈。卒驚悸九穀出  
血取新血熱飲即止治硫黃毒發氣悶飲二合効。○脂  
治逆風并黑黯又能柔銀軟銅。○髓甘溫無毒主男婦  
陰氣不足利血脉益經氣以酒服之。○皮補虛勞去  
切風治脚中虛風去毛作臍食之。○尿燐之主小兒洩  
痢腸鳴驚癇兼理脾胃生髮毛及箭鏃木刺入肉猪脂  
和塗自出煮湯服治大小便不通燒烟熏鼻主中惡心  
腹刺痛熏瘡療諸瘡痔瘻等。○角治見前卷。○羚羊肉  
肥軟益人兼主冷勞山嵐瘴癘婦人赤白帶下但此羊  
多啖石香薷故腸臟熱久不宜多食。○山羊肉  
味甘於家羊食之健人筋力其皮可為靴履。

**馬肉**有毒味苦冷除熱壯筋馬癩惺脛骨降火代芩連莖



益精氣陰強猛驢肉甘涼療風狂尿治反胃吐不省日

乾爲馬言行健也入藥用白者爲勝得金之正色也○  
馬肉主消熱下氣壯筋骨強腰脊強志輕身又馬糞動  
發無時筋脉不收周痺肌肉不仁用肉煮粥或五味和  
食之凡食須清水搗洗三五次以去毒煮得爛熟方可  
食食後以清酒殺之忌與蒼耳生薑同食有蒼芥入勿  
食馬病疥及馬自死者不可食五月食之傷神○脛骨  
并寒可代黃芩黃連以治痰火之疾中氣不足者用之  
火煨過細研用○陰莖味鹹并平無毒主男子陰痿不  
起益精氣有子凡使須當春避此時力勢正強者生取  
得陰乾百日剉用○心主喜忘患痢人忌食○肝有毒  
食之殺人○肺主寒熱莖痿○懸蹄白者主白崩赤者  
主赤崩○眼主驚癇○齒主小兒驚癇水摩服○頭骨  
主多睡作枕枕之○兔主小兒馬毒客忤取尾於兒面  
前燒之令兒吸烟氣而愈○屎微溫主吐下血鼻衄及  
婦人崩中金瘡止血男子易病產後百病絞汁和酒服  
之又艾葉打損患疔腫中風疼痛者炒炙五十遍極



多年惡瘡痛及刺馬被骨刺中毒欲死者傳之或燒灰  
傳之効馬咬馬汗毒亦効○尿微寒主消渴破癰痕積  
聚男子伏梁積病婦人瘰癧銅器承飲之頭瘡白禿惡  
刺磨乳腫取尿熱漬洗之○驢肉無毒黑者最良主療  
風狂解心煩治憂愁不寐安中心氣多食動風脂肥尤甚  
○尿離平小毒主反胃吐食不止每一合早晚溫飲之  
効兼破癰癰下水毒治牙齒痛○尿熬之製風腫瘰癧  
絞汁服主心腹卒痛諸症性○脂治久瘡久癰久聾顛狂不  
語不識人和酒服之惡瘡疥癬風腫研爛傳之眼中息  
肉和石鹽點兩背頭一月即効○皮和毛煎膠治一切  
風毒骨節疼痛取其發散皮膚之外也仍須烏者取其  
水色以制風熱之義也凡腹中物食之皆令筋急○驟  
肉辛溫小毒性頑劣食  
之不益人孕婦忌食

牛乳甘寒補血虛清熱止渴潤肌膚羊乳性溫補腎氣更

潤心肺咬蜘蛛酥酪醍醐俱乳作馬驢乳同治熱軀



方云乳酪酥燔常食之令人有筋力膽幹肌體潤澤多  
食亦令人膨脹泄利臍寒令氣人禁服之牛乳無毒補  
虛羸解熱毒養心肺止煩渴潤皮膚煎車撥服治氣痢  
凡服乳必煮一二沸停冷服之熱食即壅不欲損服欲  
得漸消與酸物生魚相反令人腹中結癖凡用牛乳尿  
尿黑牛勝黃牛○羊乳并無毒補腎虛益精氣仍潤心  
肺止消渴利大腸兼治卒心痛及男婦中風小兒驚癇  
口瘡舌腫又蜘蛛咬腹大如孕遍身生絲生飲之即愈  
蜥蜴入耳取灌耳中即化成水○馬鱸乳性治大同○  
酥味甘微寒白肥補五臟除肺癆心熱吐血○酪味甘  
酸寒無毒主熱毒止渴除胃中虛熱臍痛身面上熱瘡  
疔疹和鹽煮熱摩之餘與牛羊乳治同○醍醐作酪時  
上一重凝者為酪其面上如油者為醍醐熬之即出不  
可多得性滑以物盛之皆透惟鷄子壳及葫蘆盛之不  
出味甘平無毒治一切肺病咳嗽膿血不止及風濕痺  
氣皮膚瘙癢通潤骨髓止驚悸明日補虛其功優於酥  
也○乳腐微寒潤五臟利大小便益十二經脈微動氣  
小兒赤白痢細切醋漿水煮二十餘沸食之効已上四



種乃牛乳羊乳馬乳或各或合為之四種之中牛乳為上羊次之馬又次之而鱷乳性冷不堪入品矣

**狗肉**

鹹溫最補陽陰虛孕婦宜嘗薑治男痿并女帶血

醫橫產及顛狂孔點青首經十載頭骨壯陽傳諸瘡

也叩聲吠以守也肉鹹酸有毒壯陽道補下元益氣血煖脾胃厚腸臟食近腰連腎者佳黃色壯狗為上黑白次之血極香美去血食之不益人狂犬及自死者不可食陰虛人食之發熱難治孕婦食之令兒無聲又不可與大蒜同食九月食之傷神古云山藥涼而能補羊肉煖而不補○陰莖鹹平無毒六月上伏日取陰乾百日用治勞傷陰痿不起令強大有子除女入帶下十二病○白狗血鹹溫無毒主臨產橫生血上搶心若孕時服之令生子不出又治瘰癧疾發作及鬼擊腹痛失血取熱血飲之并塗身上卒得瘡瘡常對在兩脚塗之立愈○乳汁主十年青首取白犬生子日未開時乳汁注目中狗仔眼開即愈○頭骨平補虛壯陽治頭風眩主崩中



帶下血痢燒灰酒下金瘡止血生肌諸瘡瘻如乳癰腫  
燒灰傳之附骨疽及魚眼瘡燒烟薰之餘骨主補虛止  
小兒客忤驚癇婦人有子黃色者佳火煨研用腦  
髓主頭風痺下部瘻瘡鼻中息肉膽苦平小毒主明  
目鼻鼈鼻中息肉去腸中膿水又治撲損刀箭瘡熱酒  
調服瘀血盡下塗諸惡瘡癰瘍有効又膽中黃謂之狗  
寶治肺經風毒瘰癧惡瘡大夜吠月發狂者多有  
之然必自採乃得其真入藥用乾豆腐按入黃於  
中間合定水煮半日細研用○心主憂恚○肝主脚氣  
衝心○腎主腎冷○齒主齩癰瘰癧○四脚蹄煮飲之  
下乳汁○山狗形如豕狗脚微短好食鮮果肉  
味甘美皮可爲裘在麕有之蜀中出者名天狗

象肉味淡不堪食皮可煎膏貼瘡癰牙調游弱祛癰癰屑

善生肌出刺鑽骨前橫骨能浮水膽用塗瘡目疾安

也大也言其形也肉味淡不堪噉多食令人體重身有  
十二種肉以配十二辰屬皆有分皮惟鼻是其本肉象



孕五歲始產六十歲骨方完足○皮煎膏藥土腐生新  
易於斂口○牙治小使不通生煎服之小便多燒灰服  
之骨蒸勞風癰熱灸令畧黃到末用之生為骨主諸瘡  
痔瘻生肌填口最速又諸鉄及雜物刺入肉刮骨和  
梅水研傅之立出若刺及諸骨腫在喉中者水調服之  
凡使舊牙梳尤佳○骨前小橫骨燒灰酒下令人能浮  
水出皮○膽不附肝隨四時在四腿諸肉中春前左夏  
前右秋後左冬後右主明目治毒以清水和塗瘡腫上  
差含口中治口臭○眼  
睛主目疾和乳洗點之

虎肉酸平祛邪瘡壯氣又能止嘔惡豹肉大同健骨筋脂

善生髮塗腦角

虎肉無毒治瘡疾益氣力止嘔吐惡心  
食之入山辟邪魅虎見益畏藥箭射處

有毒熱食損齒小兒齒未生不宜食正月食之傷神其  
脛骨等見前卷但虎鹿兔壽俱千歲五百歲毛俱變白  
熊五百歲能化為狐狸獼猴八百歲化為獾獾五百歲  
變為獾獾一千歲變為蟾蜍狼壽八百歲三百歲善變



人形○豹肉酸平無毒主安五臟補絕傷輕身益氣壯  
筋骨強志氣久服耐寒暑令人猛健正月食之傷神寢  
其皮可以祛癰疫辟鬼魅神邪○脂合生髮藥朝塗暮  
生○頭骨燒灰淋汁浴頭去風屑齒骨極堅刀不能砍  
火不能燒有詐  
為佛骨以誑俗

熊掌食之風寒當膏肉治痺急筋強膽苦明目至瘡痔小  
兒驚風積癰良殺蟲消疽止久痢古人夜讀作九掌熊ハ

也猛獸多力能拔大木故書曰以有熊羆之士テ力言

也熊掌是八珍之數須用酒醋水同煮乃可熟此物能

舉木引氣不食飢則自舐其掌故美在其掌久食之可

禦風寒諸疾○膏與肉味甘微寒無毒主風痺筋骨不

仁補虛損殺癆虫去頭瘍白禿面上好蛇久食強志輕

身凡腹中有積聚癰疾者食之終身不愈十月食之傷

神雷公云每脂一片入生椒十四粒同煉去革膜取瓶

中任用若與猪脂燃燈烟入目中即失明但熊惡益食



之即死。○膽苦寒，點眼去翳，開盲塗惡瘡，痔瘻最良。治小兒風熱驚癇，殺疳蟲，療黃疸，止久痢。古人教子夜讀，粉苦參熊膽為丸與之吞，一二枚以資勤苦者，蓋夜讀久則血不歸肝而火衝頭目，朝旦面黃，用此降火和肝，則血脉流通，津液暢潤，痰火瘡疥之病從何而生。服藥之意與此相同。又云其膽青在首，夏在腹，秋在左，足冬在右，是然亦多偽，欲試之取粟顆許滴水，中二道若線不散者，真入藥另研。○熊大於熊，貌似虎，猫小於虎，而淺毛，三獸俱陽物，功用同。熊虎

鹿肉補虛，又療風血止諸血，治肺癰陰痿腰疼，俱可服髓。

堅筋骨，治傷中，麋肉補氣，脂逐痺，虛勞血病，菱角茸肉。

茸溫無毒，益中氣，調血脉，補虛羸，生肉，貼中風口偏左患貼右，右患貼左，正即除之。蹄肉主諸風脚膝疼痛，頭肉主消渴夜夢，九月後正月前食之，則宜五月食之，傷神凡餌藥之人不可多食，能解藥力。○血主肺痿肺癰。



吐血衄血及崩中帶下止飢渴充氣血逆陰痿止腰痛  
生刺和酒服之○髓甘溫主男婦傷中絕脈筋骨急痛  
效逆以酒和服又同地黃煎膏填骨髓蜜煮食壯陽令  
久有子腦髓堪入面脂○脂主癰腫死肌四肢不隨治  
頭風通腰理○腎平補腎壯陽及腎氣虛損耳聾依酒  
及煮粥食之○筋主勞損續絕○骨甘熱補虛勞安胎  
下氣浸酒療風虛○齒主留血氣漏痿心腹痛○角茸  
膠見前卷本抵鹿之一身皆能益入野族第一品也或  
脯或煮或蒸俱宜和酒食之○麋肉甘溫補中益氣健  
腰脚不可合雉鰕生菜梅李果實同食○脂辛溫通膝  
理柔皮膚療癰腫惡瘡死肌風寒濕痺頭風腫痛如面  
生皰瘡塗之即差○骨除虛勞最良者煮骨汁釀酒飲之  
令人肥白美顏色○角茸溫無毒補一切血病止血益  
氣添精壯陽治風痺腰脚不仁亦可煎膠○茸服之功  
同鹿茸先輩云鹿茸補陰麋茸補陽一云鹿勝麋一云  
麋勝鹿要知麋性與鹿性一同盡皆甘溫補陽之物有  
謂鹿骨麋肉近  
陰則痿者全非



鹿肉益久治心麓骨止洩精釀酒哺臍下有香仍補損

鹿

肉甘平痔可除

道家以鹿肉為白脯不是腥臍故也味甘溫無毒補入心麓者食之裁性膽

小者食之愈怯八月至十一月食之甚美餘月食之多

則動氣○骨鹹平主洩精益精釀酒有補下之功○髓

益氣悅顏○脂下有香治一切虛損○鹿肉無毒主五

痔病以姜醋食之大効多食發痼疾瘡癰墮胎○頭骨

燒灰飲下治鬼疰

飛尸○皮可作履

兔肉甘平不益人腦髓皮毛救產毛頭止頭眩肝明目尿

ウサキ

治痔疾血來頻

鬼吐也言生子從口中吐出肉多食損元氣弱陽事令入癆黃若食白鷄肉食

面發黃合獺肉食病過中合姜橘食令心痛霍亂孕婦

忌食○月食之傷神兔死眼合都殺入衍義云兔有白

毛者全得金氣也入藥尤効餘兔至秋深時則可食金

氣全也纔至春夏其肉味變○腦髓滑產塗凍瘡手足



戰裂○頭骨平無毒主頭眩痛顛疾和皮毛燒灰為丸  
酒下主難產催生并產後胎衣不下瘀血衝心脹痛欲  
死者極効產後陰下脫單燒頭末傳之○骨主熱中消渴小便不  
細剉醃肉蒸熟塗帛上貼之○肝主明目退翳和決明子末為丸每晚白湯送下  
○屎主痔瘡疼痛下血不止慢火炒黃為末每三錢入  
乳香末五分酒下小兒月蝕爛  
瘡取屎內蝦蟆腹中燒灰傳之

狸肉甘溫味最佳骨醫痔瘻効堪誇諸症刺皮攻心腹頭  
骨治噎及風邪家狸甘酸主癆瘵能消鼠瘻滿頸遮

也脊間有黑理一道其類甚多有九節狸玉面狸風狸  
香狸肉其無毒食品佳者也或作羹食或炙未酒下治  
與骨同○骨主痔瘡鼠瘻灸為末和麝香雄黃為丸服  
甚効又治風症尸症鬼症毒氣在皮中淫躍如針刺者  
心腹痛走無常處及惡瘡游風食野鳥中毒俱燒灰服  
頭骨尤良單炒為末治噎病不通飲食燒灰酒下治



切風又頭蹄骨等分酥炙為末空心粥飲下一錢治瘰癧腫硬疼痛久不愈者效○陰莖主女人月水不通男  
子陰癰燒灰東流水送下○尿主寒熱鬼瘡發無期度  
者燒灰用之極效○家狸即猫也肉微寒主瘡瘰骨熱  
痰多又治鼠瘻腫核疼痛已有瘡出膿血者  
煮作羹空心食之蝟螫人痛不止以尿塗之

狐肉補虛治健忘更消冷積及惡瘡心肝生服治妖魅莖

主絕產陰中痒狐性疑疑則不可以合故從狐肉其溫  
有毒主補虛勞精神恍惚健忘諸言無

度兼消五臟積冷治惡瘡疥蠱毒作瘻食之○心肝生  
服治狐魅肝燒灰治風五臟及腸主小兒驚癇○陰莖  
主女子絕產陰痒小兒陰癰卵腫○膽主卒暴亡溫水  
微研灌入喉中即治臘月收雄者佳○尿燒之辟惡去  
瘟病治一切惡瘡中冷息肉為末新汲水下一錢正月  
取在木石上尖頭硬者佳○頭尾灰治牛疫以水飲之  
獺肉甘寒療時疫逐水通腸宜少食肝治咳嗽傳尸瘵尿



主魚臍瘡浸蝕

無賴者肉及五臟主時疫瘟病及牛馬

瘡皆煮汁傳冷灌之消水腫脹滿利大小腸女人經絡不通血脈不行亦治男子多食損陽○肝耳溫有毒主

虛勞骨蒸上氣咳嗽傳尸癆瘵腸風下血并鬼疰蠱毒魚臍並燒灰服之諸畜肝皆藥數定惟此肝一月一葉

十二月十一葉其間又有退葉用之須見形乃可不然多爲○腎主益男子○膽主眼翳黑花不明○骨治嘔

噦不止○瓜主魚骨鯁取爬項下或者煮汁飲之即下○皮毛作服領不着塵垢孕婦帶之易產作褥及機主水

瘡病亦可煮汁服之○屎主魚臍瘡研爛傳之○

駱駝

生西北界人家畜養者峯蹄最精入藥不及野者其脂在兩峯肉間性溫無毒治風下氣壯筋潤皮膚可

柔金又主一切風疾頑痺皮膚搔痒死肌筋皮癢縮踠損筋骨火灸摩之取熱氣入肉和米粉作煎餅食療痔

又惡瘡毒腫漏爛並和藥傳之○屎爲末搐鼻中治鼻衄○



豺 肉酸食之無益瘦人脂肉損人精神。○皮熱有毒主冷痺脚氣炙熱纏病上即差。痔痢腹中諸瘡燒灰酒下。

狼 肉辛可食。若狼領下有懸肉行善顧疾則不能鳴則諸孔皆沸其喉結日乾為末入半錢於飯內食之治噎病甚効。○屎燒烟直上故烽火用之。燒灰傅瘰癧其屎中骨燒灰服黍許止小兒夜啼。○腔下筋如織絡小囊大如鴨卵人有犯盜者重之脚攣因之獲賊也。○狼前足短先知食所在以示狼狼負以行匪狼不能動肉可食。

狢猴 肉酸平無毒主諸風勞釀酒弥佳為脯主久瘡。○頭骨燒灰酒下主瘡瘡鬼瘡不定作湯辟驚邪鬼魅寒。

熱○手主小兒驚癇口瘡。○屎主蜘蛛咬。○皮主馬疫氣入家養者並不主病為其食息雜違其本真也。

諸血 諸獸之血主補血不足及血枯皮皴面無顏色並生飲之又解諸藥毒菌毒止渴除煩熱食筋令人多力。

### 六畜毛蹄甲

鬣牛 馬猪羊狗鷄也味鹹平有毒主鬼疰蠱毒寒熱驚癇顛狂更宜於各品類中參之。

### 敗鼓皮

平以黃牛皮者為佳主蠱毒用穿敗者燒灰酒下病人即呼蠱主姓名仍往令其呼取蠱便差。



禽部

丹雄雞甘溫無毒女子崩中赤白決止血補虛更溫中冠

血滴口自縊復冊言色也雄壯也陽氣壯也鷄積也積候日將至聖位感動其氣而鳴故異為

鷄為風肉主女子崩中漏下赤白決止血補虛溫中父

傷之瘡冠血主自縊死心下溫者刺血滴口中男雖

女雄即活百虫入耳滴之即出小兒卒驚似有痛處而

不知疾狀臨兒口上滴少許差兼療乳難白癰風諸瘡

浸淫瘡馬咬人瘡毒腫

胎續骨排瘡膿肝能強陰膽明目腸胫瀝泉與腸風微

無毒主補虛弱取一隻治如食法以五味攷爛食之生

即反損又止心腹痛除風濕麻痺安胎治折傷攻癰疽



○肝及左翅毛主強陰。○膽療目不明肌瘡。○腸主遺  
溺小便不禁。○脰脰裏黃皮微寒無毒主洩利小便遺  
溺除熱止煩止洩精尿血腸風瀉痢婦人崩中帶下小  
兒瘡疾驚口不乳並宜燒灰用之。○頭主殺鬼。○心主  
五邪。○肪主耳聾。○翮羽主下閉血。○血主中惡腹痛  
踣折骨痛乳難痿痺及馬咬瘡剥馬被刺熱血浸之。○  
采白微寒主消渴破石淋消鼓脹風痺又齒痛燒末繇  
暴安痛處咬之蜈蚣咬醋和傅之。子死腹中濃煎煮粥  
食之產後小便不禁及奶乳離腫燒灰酒下。○抑論諸  
鷄補虛羸之最要故食治方中多用之。有風人及患腎  
熱人不宣食小兒未斷乳食之生蛔虫又不可合犬肝  
腎芥菜同食。合兔肉食成泄痢。合水鷄食作瘡戶六指  
玄鷄白頭及自死足爪不伸者不可食抱鷄肉及蜈蚣  
傷者食之殺入發疽凡用鷄膽心肝腸肪脰脰裏等以  
烏雄鷄為良。卵以黃雌頭以丹雄翮以烏雄鷄為良。大  
抵丹者入心白者入肺黑者入腎黃者入脾總皆歸於  
肝也。丹溪云屬土而有金與木火性補故助濕中之火  
病邪得之則劇然非但鷄而已魚肉之類皆助病者也



烏雌鷄要骨亦烏下乳治痺攻癰疽安心定志益胃氣破

瘀生新最補虛骨毛俱黑者為上治乳難乳癰風寒濕痺攻癰疽掛臙安心定志除邪辟惡氣

益胃氣壯顏色破腹中宿血生新血補產後虛羸

白雄鷄甘酸微溫調中下氣療狂言止渴利便消丹毒雌

者味同補下元止渴澀腸止漏血男勞女產入藥白

鳥骨者佳主調中下氣安五臟療狂邪傷中消渴利小便消丹毒白雌雞補五臟勞傷潤肺益腎止消渴腸

僻洩利及小便不禁婦人崩中下血赤白漏下產後虛損等症

黃雌鷄甘酸助陽止洩止精煖小腸更消水癖并水腫助

骨又治兒瘦黃性平無毒補精助陽氣補益五臟續絕傷止腸僻洩利止洩精小便不禁又和



赤豆同煮爛并汁食之主腹中水癖  
水腫其肋骨主小兒羸瘦食不生肌

鷄子甘平除煩熱淡黃却痰益氣血蠟煎治痢酒治風白

療目赤火燒裂壳能出汗磨翳睛衣止久嗽敷瘡癰生

入藥除煩熱及孕婦天行熱疾狂走豁開淡者大能却  
痰潤聲養胃益心血止驚和蠟炒止久泄痔痢和黑豆

入酒服治癰瘡賊風麻痺黃熬油和粉傅頭瘡○外白  
微寒療目赤火燒瘡除心下伏熱止煩滿欬逆小兒下

洩婦人產難胞衣不出醋漬一宿療黃疸多食動心氣  
和葱食氣短和醫食損人又不可合獾肉蒜李同食○

外壳細研磨障翳又傷寒勞復炒黃為末熱湯下汗出  
即愈○外中白皮名鳳凰衣主久欬結氣得麻黃紫苑

和服之立已小兒頭身  
諸瘡燒灰猪脂調傅

白鵝肉冷全無毒解熱止渴煮湯服膏潤肌膚灌耳聾毛



燒灰治噎氣促蒼鵝有毒發瘡膿水毒射工効更速自

鳴聲也有蒼白二種白鵝肉解五臟熱止渴煮汁飲之  
多食令人霍亂發痼疾惟丹石人相宜○膏微寒潤肌  
膚療手足皸裂卒耳聾以膏灌之○毛燒灰主噎及小  
兒驚癇極者○蒼鵝肉冷發瘡膿毛主水毒射工又飲  
其血及塗身屎可傳蛇虫咬毒陳藏器云白鵝不食虫  
主渴為勝蒼鵝食虫主射工為勝○外溫補中益氣補  
五臟食多傷胃  
滯氣發癰疾

白鴨肉寒補勞虛和臟利水熱風祛屎消蓄熱并療痢卵

冷能令背悶拘野鴨補中消食毒專治小瘡遍體軀鴨

自呼名也或曰可押故謂之鴨有家野二種○家鴨肉  
味甘無毒補虛和臟腑利水道療風虛寒熱消熱毒止  
驚癇解丹毒止痢血○屎主散蓄熱熱毒瘡痢解結縛  
殺石藥金銀鉄毒為末水調服之熱毒瘡腫并蛇蝎咬



和鷄外白傳之。○外微寒，治心腹胃隔熱，多食發冷氣，令背脾悶，小兒食脚軟，惟鹽淹者稍可。○血主解諸毒，野鶩毒刺項中，熱血飲之。○頭主水腫，通利小便，煮服之。凡鴨白毛鳥骨皆為上，黃雌鴨最補，綠頭青頭鴨佳。黑鴨滑中發冷，刺脚氣。凡鴨老者佳，嫩者有毒，肉與外同，驚食害人。○野鴨名驚，性涼，無毒，肉主補中益氣，補虛助力和胃氣，大益病人，消食利水道，熱毒去風氣，及惡瘡癰腫，殺臟腹一切虫，又身上諸小熱瘡，多年不可者，多食即差。九月後立春前食之，絕勝。家鴨雖寒，不動氣，但不可與木耳胡桃豆豉同食。○肪主風虛寒熱水腫。一種小者名刀鴨，味最重，食之更補虛。又一種名油鴨，其味更佳。

鴈

無毒味甘平拘急風攣氣不盈血滯偏枯須久服肉

性相同食不輕

雁陽鳥也從佳在天下宿于水厓也從人何也取執摯莫摯為意也所厚脂也

主風攣拘急偏枯麻痺血氣不通利取四兩煉洋灑過每日空心煖酒調服一匙久服益氣力壯筋骨長鬚髮



聰耳輕身補老殺諸藥石毒又和黃豆作丸補勞瘦肥  
白人六七月食之傷神衍義云人不輕易食者謂其知  
陰陽之升降分長少之行序熱則即北寒則即南以就  
中和之氣所以為禮幣者取其信也其毛自落者小兒  
帶之療驚癇

雉肉微寒却補中止洩止渴最有功更除痰壅氣上喘疥

瘡五痔食之

俗名野雞無毒主補中益氣力止洩痢  
小便多治消渴及痰氣上喘除蟻瘻衍

義云雖野味之貴食之損多益少秋冬食之有補餘月  
有小毒食之發諸瘡疥五痔痼疾又不可與胡桃木耳

葷菌蕎麥麴葱豉同食發頭風心痛久食令人瘦

鵲鴝甘溫微有毒能補五臟更明心專救癰瘡欲死者酒

煮服之自酌

鵲鴝也鵲苦也謂啼聲極苦也肉補五  
臟益心力解嶺南野葛生金蛇菌等毒



父瘰癧蠱氣病久欲死者含毛熬酒漬之或生搗取  
汁服之最良食之忌筍自死者不可食脂澤手不裂

斑鳩明目助陰陽久虛瘦人食最良青者仍能補五臟排

膿消痰治諸瘡衍義云有斑無斑灰色大小之數種其用則一也斑鳩味甘平無毒主明目

益氣助陰陽久病虛損人食之最補○青鳩主安五臟

助氣補虛損排膿血并一切癰癤惡瘡蟻螫以五味淹  
炙食之極甘美一種黃褐候鳩功同○鵠屎丸野鵠糞

炒微焦一兩麝香白朮各一分赤芍青木香各五錢柴  
胡三分玄胡索一兩為末溫酒調服一錢

治帶下候膿盡即止後服他藥補血臟

白鵠味鹹氣亦平益氣調精解藥毒瘡疥食之立消除白

癰風痒炒酒服肉煖無毒益氣調精鮮一切藥毒止消渴食之益人若服藥人食之戒藥力無

効又治惡瘡疥癰風痒白癰風癰癰瘡炒酒服之即愈

○屎主頭極痒不痛生瘡醋調成膏煮二三沸傅之白



禿先以醋米泔洗淨為末傳之馬患疥  
取屎炒黃為末和草飼之亦可外傳

雀肉太溫益元陽卯起陰痿大且強腦主耳聾血眼暗決

癰治翳白丁香

即小麻雀也肉耳無毒壯陽道益氣益  
精令人有子煖腰膝縮小便治崩帶十

月以後正月以前宜食取其陰陽未泄之義也今人取  
肉以蛇床子熬膏和合衆藥丸服補下有効肉不可合

李子醬同食為婦尤忌○如酸溫無毒主下氣男子陰  
痿不起強之令熱多精有子雀性利陰陽故卵亦然和

天雄為丸服之令熱大不衰入藥取第一番者佳○腦  
髓主耳聾塗凍瘡○頭血主雀盲雞瞎眼是也○白丁

香即雄雀屎兩頭尖者是主諸癰癰已成膿不得破者  
塗之立潰目熱痛及齧肉白膜赤脉貫瞳用男首生乳

和如薄泥點之即消又女子帶下溺不利蜜丸服除病  
瘕久病冷病爛疥癬諸塊伏梁又急黃欲死及喉閉口

噤細研水下半錢婦人吹妳酒下一錢齒痛有虫綿裹  
塞孔中凡使細研甘草湯浸一宿焙乾用臘月者佳



烏鴉無毒味鹹平專祛癆嗽骨熱蒸臘月確中煨末服更

醫兒癰治目睛主勞瘦骨蒸咳嗽臘月取翅羽當足全

兒驚癰兒魅目睛汁注目中治目暗頭骨燒灰傳

土蜂癰慈鴉似鳥而小多群飛作鴉鴉聲者是北土

極多不作臘臭即今之寒鴉主補虛勞瘦弱止上氣咳

嗽及骨蒸發熱和五味炙食之良其大鴉肉盡只能治

病不宜常食又廣東一種白鴉

補陽氣令人有子治癆瘵尤佳

喜鵲甘寒主石淋燒灰取汁熱能清多年巢療頭狂魅蠱

毒燒之呼崇名以翼左覆右是雄右覆左是雌又燒毛

只取雄者肉耳無毒土消渴下石淋消結熱燒灰淋汁

飲之石即下又主風秘四肢煩熱即月臘瘳結婦人不可

食巢多年者主頭狂鬼魅及蠱毒

等燒之仍呼崇物名號亦可傳瘳瘳



雉鷄肉甘平無毒老嗽吃噫取蒸服痔瘻下血尤其靈乳

汁和睛可點

格物論云雉鷄慧鳥也端午日取子去舌端能効人言句若谷聲有應也主老

嗽吃噫下氣取一箇蒸食或者煮作羹食或炙為末蜜丸服之痔瘻下血五味炙食之俱以臘月臘日得者有效

○目睛和乳汁研點

眼能見雲外之物

孔雀

肉鹹涼微毒解藥毒盡毒○血治毒藥生飲良○屎主女子帶下小便不利傳惡瘡○尾入眼令昏翳

鷓鴣

肉甘平無毒食之治驚邪養之辟短從古云鷓鴣尋邪而逐害是也

鴛鴦

肉鹹平小毒主諸瘰癧癰酒浸炙食或炙熱傳瘡上冷則易食之令患大風又夫婦不和作羹秘與食之

白鷓

肉可食色白而背有細黑文亦堪畜養或疑即白雉也

錦雞

肉食之令人聰明文采形狀畧似雄雉毛羽皆作圓瑛點尾倚長喙有肉綬睛則舒於外人謂之此錦



天鵝

肉甘平無毒性冷醃食佳絨毛療刀杖瘡立愈

白鵠

肉鹹平無毒益氣力之血益血虛補勞之去風補肺

鷺鷥

肉鹹平無毒主虛羸益脾補氣炙食之

鵲

似鶴但頭無耳項無鳥耳骨甘寒無毒主鬼疰蠱毒

心腹痛灸黃為末空心酒下之脚骨及諸主瘰癧飛

鷹

肉食之主邪魅狐魅之甯瓜頭燒灰服主五痔之屎白

平小毒主中惡小兒乳癰和姜蚕衣魚之屬為膏滅傷

鷓鴣

肉甘無毒主躁渴狂邪五味淹炙食之

鸕鶿

頭微寒主魚骨鯁及壹燒灰服之効之屎主面癰酒



蘇末食之奇効其屎多在山石上色紫

如花就石上刮取白者用之市者多偽

鷓鴣

味甘平補五臟益中續氣實筋骨耐寒溫消結熱水

豆和生薑煮食之止洩痢酥煎令人下焦肥和猪肉

竹雞

味甘平無毒主野雞病殺虫煮炙食之

山鷓

味甘溫食之解諸果毒

藥屎

味辛平有毒主鬼疰蠱毒破五癰利小便入藥當用

胡燕者佳○藥中土主卒得浸淫瘡有汁水和塗之

鷓鴣

鹹平無毒助氣益脾胃去頭風目眩煮炙食之

翠鳥

鹹平無毒主鱧及魚骨入肉痛甚者燒令黑末頓服或煮汁飲之亦佳



啄木

此鳥有大者有小者有褐者是雌是雄又有黑者頭上有紅毛大如鵲如鵲嘴如錐長數寸常穿木食蠹故各

性平無毒主痔漏有頭膿水不止取一隻燒灰酒下錢牙齒疳蟻蚋牙疼痛燒為末內牙孔中不過三次或取舌尖綿裹於痛處咬之俱以端午日得者佳

練鵲

味甘平無毒主益氣治諸風疾冬間取去毛炒香用絹袋盛以清酒浸一月每日溫飲之

百舌鳥

主虫咬心胃痛多食之亦主小兒久不語

布谷鳥

食之令夫妻相愛以爪并頭五月五日取帶之各一男左女右

鷓鴣鳥

肉寒不堪食人家養之最厭火災

杜鵑

按本草云初鳴先聞者主離別學其聲令人吐血鳴至口中出血始止故有嘔血事也抑論禽獸肉皆

補陽氣然禽本乎天又為陽中之陽陰虛者慎之



魚部

鮫 鯉 已上俱見前卷

鱉

墨魚

鯉魚

止渴消浮腫腹有瘰癧食不宜骨主女人崩赤白青

盲白翳膽充奇

鯉理也三十六鱗文理明也肉其平無毒止渴消水腫黃疽脚氣主咬嗽上氣

喘促安胎治懷孕身腫煮為湯食之破冷氣瘕癖氣塊橫關伏梁作鱗和蒜羹食之腹有宿瘕及天行病後俱不可食之食之再發即死又服天門冬人不可食凡溪澗砂石中者有毒多有腦內不得食頭凡修理可去脊上兩筋黑血有毒及目傍有骨如乙字食之令人體肉忌葵菜郊忌猪肝鯉忌豆葉同食害人衍義云鯉魚至陰之物陰極則陽復所以素問曰魚熱中食多發風熱日華云風家食魚貽禍無窮○骨主女子帶下赤白陰蝕○膽苦久服強悍益志氣點眼治目熱赤痛青盲白翳滿耳中療聾塗小兒熱腫咽喉痺腫和壯心土塗之立差蜀漆為使○脂主諸癰及小兒癰疾驚悸食之良○腦髓治暴聾者煮粥食之○血主小兒丹毒瘡腫塗之



即差。○眼睛主刺在肉中。中風水腫痛者。燒灰內。蒼中汁出。即愈。諸魚目並好。○齒主石淋。燒灰酒下。○腸主痿及小兒肌瘡。取腸切作五段。火炙香。洗淨。封之。冷。即又易覺痒。虫出。即愈。○鱗主產後血滯。腹痛。燒灰酒下。兼治氣血雜諸藥。用之。○皮主癰疹。

魚無毒味甘寒下水消浮濕痺安五痔灸腸安穀道膽

八七

攻喉痺効如升

蠡禮也。頭戴七星。而夜禮北斗也。行義云。即今之黑鯉魚也。道家為其頭有星。

為地厭世有知之者。往往不敢食。主濕痺面目浮腫。二便壅塞。又腸痔下血。疼痛者。作鱸和蒜羹食之。脚氣風氣亦宜。丹溪治痢。用此。以代花蛇。是亦去風。古方有單用安胎者。多食亦發痼疾。○腸主五痔。以五味灸令香。綿裹納穀道中。一食頃虫當出。○諸魚膽苦。惟此魚膽味甘。可食為異也。臘月。收陰乾為末。遇急喉痺。取少許點患處。藥至即差。甚者水調灌之。



鯽魚調胃味甘溫下血腸風釀白瘡久痢赤白甚為鯽魚

瘡燒末醬塗之

丹溪云諸魚皆屬火惟鯽魚屬土故能入陽明而有調胃實腸之功若得之多

者未嘗不起火也又云魚在水中無一息之停故能動火戒之合葷菜作羹主胃弱不下食調中下氣補虛益

五臟釀白瘡燒灰治腸風下血作鱗主腸澼水穀不調

及赤白久痢脚氣痔瘻諸惡瘡燒灰和醬汁塗之或取

猪脂煎用又主腸癰開其腹內少益燒之治齒痛和蒜

食之有少熱和姜醬食之有少冷夏月煮荊食之多益

冬月中則不冷也若與沙糖蒜芥猪肝雉肉同食成痔

虫頭瘡灰服之主咳嗽及傳小兒驚瘡面瘡頭瘡口

瘡重舌目翳又孕婦傷寒燒灰酒下取汗即差○膽主

小兒腦疳鼻痒毛髮作穗面黃羸瘦取汁滴鼻中連三

五日甚効○子主調中益肝氣○單方治男婦勞症發

熱咳嗽湯藥不愈者取活鯽一箇去鱗腸洗淨入單麻

子如病人年幾數於腹內以濕紙六重包火中煨熟晚上市食之十日內食三尾見効



青魚肉甘平無毒主脚濕痺益心力膽內石灰塗惡瘡吹

喉又用點眼目

俗名烏流魚主濕痺脚氣軟弱煩悶益心力和非白煮食或作鮓食之與服石

人相反忌蒜葵服米人不可食○膽主惡瘡和石灰塗之喉痺腫痛調白礬末陰乾以少許吹之眼目昏暗取汁點之魚骨膠以少許含嚥即愈臘月者佳○頭中枕蒸令氣通日乾可代琥珀醋摩服治水氣血氣心腹痛

白魚甘平助胃脾調氣助血令人肥補肝明目去水氣有

蒼食之即出皮

疑此即鱧魚也無毒主開胃助脾消食下氣調五臟氣助血脉令人肥健補肝

明目去水氣以五味蒸食之良新鮮者佳經宿令腹冷生病或淹或糟皆可惟患瘡癰人食之甚發膿又灸瘡不發作鱸食之即發

鰻魚甘平小毒癆熱骨蒸病可復更醫腰背脚痺風痔



癭帶下諸不足

鰻漫也鰻利也漫滑而利也。有五色文者功勝主癭瘰癧骨蒸傳尸注氣和五味

煮粥食之治腰背間濕風痺常如水洗及濕脚氣五種

痔瘻腸風下血婦人帶下百病食之良日華云此魚雖

有毒而能補五臟虛損勞傷不足煖腰膝興陽令人肥

健亦美味也又能殺諸虫壓諸草石藥毒治諸瘡癰癰

瘍皮膚一切風瘙惡瘡疥癬痔瘻及婦人陰瘡虫痒皆

効又下部虫及鼈中竹木中蚌虫蚊虫並可燒烟薰之

取其骨置箱中斷白魚咬衣。單方治頸項及面上白

駁浸淫有似癰疽但無瘡可治者取魚生割日乾先於白

處微微擦動取少許火止微炙俟油出以指擦之五七次即愈

鰻魚甘溫益氣血頭骨燒灰止痢渴去冷除痞宿食消產

後淋瀝即能退

俗名黃鱔無毒主療虛損補中益氣血去十二經風邪風痺除腹中冷氣腸鳴

婦人產前百病產後淋瀝諸虛癯瘦血氣不調宜食多食動風氣令人霍亂時行病起食之再發。頭骨止痢



治消渴去冷氣除痞消食端午日取麝灰用之○血主癰及瘰癧取金之○皮主婦人乳硬結痛麝灰酒下二錢○鰵魚肝溫無毒補中止洩但鰵鱈俱不可同白犬血食之

善鳴長股水中鼃補損祛癆殺疰邪一種風蛤為美饌正

宜產婦益虛家

似蝦蟇但背青腹細甯尖後脚長善鳴即今人所食者味甘寒無毒去勞劣解

熱毒勞熱殺疰疰旁虫治小兒赤毒熱瘡臍傷腹疼胃氣虛乏取以五味醃炙酒食之良○風蛤似鼃而色黑味至美補虛損宜產婦

田螺無毒性寒過專治雙眸赤熱多肉傳熱瘡反胃壳汁

能醒酒渴同科

主目熱赤痛取黃連末納其中良久汁出用以洗目○肉冷解熱毒治酒疸利

小水消瘡腫多食發寒濕氣痢疾碎其肉傳熱瘡○爛白壳燒為灰主反胃胃冷去卒心痛止失精消痰傳下



痔火燬用之。生浸取汁飲之。止消渴利大小便。除腹  
中結熱。脚氣上衝。手脚浮腫。解酒過多。喉舌生瘡。壓丹  
石熱。不可常食。又  
螺螄海螺用同。

九二

蟬

主胃中邪熱結瓜。能墮胎破瘀血。壳黃化漆更續筋消。

食塗瘡同脚節。

足節屈曲行則旁橫。每至夏末秋初則  
解壳。故曰。螳螂味鹹寒。有毒。主胃中邪

熱。離結散血。養筋益氣。理經脉。利關節。去五臟中煩悶。

消食。乃食品中之佳味。最宜人須是八月十一日蟬喫稻

芒後方可食。霜後更佳。已前食之有毒。十二月食之傷

神體。有風疾人并孕婦不可食。獨螯獨白四足六足兩

日相向者皆有大毒。不可食。誤中者。惟藕蒜汁冬瓜汁  
紫蘇黑豆豉汁可解之。瓜主墮胞胎。破宿血。止產後  
血悶。腹痛。酒及醋湯煎服。壳中黃及脚中髓熬為末。  
內金瘡中能續斷絕筋骨。其黃能化漆。為水故傳漆瘡  
及久直瘡疥。其足骨焙乾和百數等分。為末。乳汁調塗。  
小兒頭縫不合。其螯和大血燒烟可以集鼠於庭。太抵



蟬類甚多壳潤多黃者名蠟其螫最銳食之行風氣而大者名蠟蟬解熱氣及小兒瘡氣其最小者名蠟蟬食之令人吐利一螫大一螫小者各擁劍可供食餘蟬有毒皆不可食

石首魚甘下石淋乾之炙食煮為名消爪成水寬膨脹益

氣開胃草作蔬

生東海味甘無毒腸中有一石如碁子主下石淋乾灰煎之候乾名煮魚炙食

之主消瓜成水及卒腹脹宿食不消暴下痢中惡不解生食和葶菜作蔬開胃益氣

淡菜甘溫能補陽虛勞吐血亦堪嘗消食除癥止久痢婦

人崩帶產除良

生南海似珠母一頭尖中銜少毛海之菜皆鹹惟此味淡無毒形雖不典而其

益人主益陽事補五臟虛損吐血理腰脚氣潤毛髮消食除腹中冷破瘕癥瘕瘕治產後血結冷痛崩中帶下漏下男子久痢並宜以五味煮食之多食令頭悶目闇可微利即止



海粉無毒氣寒鹹能治熱燥濕頑痰更療肺脹多咳嗽海

石痰火病相兼

出閩廣海粉海石同種石其根也近有造海粉法終不如生成為美海粉治

肺燥鬱脹咳嗽熱痰能除濕痰能燥痰能軟頑痰能消取其鹹以軟堅也止入丸藥水洗晒乾另研又有造成者湯丸俱宜八月取紫口蛤蚧火煨為末取黃皮薑皮子共搗和為餅陰乾次年聽用海石味淡氣平治痰燥在咽不出痰塊血塊食塊痰火痛風心痛疝痛泄瀉咳血潰精白濁帶下入藥火煨或醋煮研用

蛤蜊性冷元無毒主癖解醒開胃腸消渴婦人生血鬼壳

燒研傳火湯傷

蛤蜊利也言其肉滑利也主老癖能治寒熱者煮食之解酒毒開胃止消渴治婦人

人血塊此物性冷乃與丹石相皮服丹石人食之令腹結痛壳主湯火傷取燒灰為末油調塗之神効

蚌蛤

蚌蛤無毒明目除濕止消渴除煩解熱脛丹石藥毒補婦人虛勞下血并痔瘻血崩帶下以黃連末內之取



汁點赤眼昏闇良又能治痔止痢并嘔逆癰腫醋調傳爛壳煨粉飲下治反胃痰飲

蚌

生海中壳如瓦屋故名瓦墜子性溫無毒補中益陽治心腹冷氣腰脊冷風利五臟益血色消食健胃多人

能食每食以乾飯壓之不爾多人口乾壳燒紅醋淬三次後埋令爛醋膏丸治一切血氣痰積癥瘕冷氣

蛭

小於蛤黑色生水泥中候風雨能以壳為翅飛者肉冷無毒去暴熱明目利小便下熱氣脚氣濕毒開胃解酒

毒目黃多食發嗽并冷氣消腎又煮汁飲治時氣壅丹石藥下乳汁生浸取汁服止消渴洗疔瘡陳爛壳溫

燒灰飲下主反胃吐食除心胃痰水咳嗽不止止痢及失精治陰瘡

馬刀

在處有之長三四寸濶五六分頭小銳形如斬馬刀多在沙泥中即蚌之類也味辛微寒有毒破石淋主

漏下赤白寒熱殺禽獸鼠除五臟間熱肌中鼠鱗止煩滿補中去痰痺利機關用之當鍊得永爛入腸肉可

為鮓然發風痰丹溪云馬刀與蚌蛤蚬螺蚬大同小異屬金而有水水土衍義言其冷而不言濕多食發



疾以其濕中有火又則氣上升而不降固生疾多熱則生風矣何者之有今蛤粉皆此類為之

鰕 平小毒食之不益人主五疳引風動痰發疥瘡小兒食之今脚屈不能行有風病嗽病者忌食小兒赤白遊腫

生搗汁塗之生水由溝渠中小者有小毒海鮫長一尺作鮫毒人至死有無鬚及煮色白者不可食

水母 俗名海蜇味鹹無毒主生氣婦人勞損血帶小兒風疾丹毒

河魨 味甘溫大毒主補虛去濕氣聖脚氣去痔疾殺蠅其味極美肝尤毒然修治不如法食之殺人不概攪蘆根糞汁解之厚生者不食亦好

海狹魚 生大海候風潮即出形如狹味鹹無毒主飛尸蠱毒瘡瘻作脯食之一如水牛肉味小腥耳皮中脂

膏摩惡瘡疥癬痔瘻犬馬癰疥殺魚

鰕魚 甘平無毒補虛勞益脾胃治腸風下血去腹內惡血小魚益氣力令人肥健○膽臘月陰乾治一切骨體



或竹木發刺喉中不下取少許酒煎服之得吐  
骨隨涎出未吐再服在臟腑日久黃瘦者亦宜

時魚 平補虛勞  
稍發癰瘡

鱖魚 生江中背如龍長一二丈其平無毒主益氣補虛  
人肥健煮汁飲之止血淋鼻上肉作肺補虛下氣然

味雖甘美而發諸藥毒及一切瘡疥動風氣與乾笋同  
食發癰瘡風服丹石人食之令少氣小兒食之結癥瘕  
及嗽木人久食令卒患心痛腰痛子如小豆食  
之肥美殺腹內小虫鯨出人雖重亦不益人

鯉魚 其平無毒味極肥美楚人尤重之多  
食生熱疾鯨肥美奇絕亦不益人

鱸魚 平補五臟益肝腎和腸胃益筋骨治水氣補中安胎  
多食宜人不甚發病宜然張翰思之也作鱸尤良又

暴乾甚香美不  
可與乳酥同食

鮎魚 味甘無毒主水腫利小便為腫美而且補稍益胃氣  
金牛肝食令患風發癰疾又不可與野雞野猪同食



赤目赤鬚無  
腮者殺之

鮓魚

似鮓平無毒不腥美且益人補中益氣下膀胱水  
開胃作鱸白如雪隋朝吳都進鮓魚乾鮓取快日乾  
瓶盛臨食以布裹水浸良久漉出如初  
鮓無異此二魚寒而有毒非嘉物也

鱖魚

池塘所蓄頭大鱗  
細者甘平益人

銀條魚

甘平無毒寬中健  
胃合生薑作羹良

少陽魚

味甘鹹平治男子白  
濁膏淋玉莖流痛

比目魚

平補虛益氣力  
多食稍動氣

黃魚

背廣頭尖下江呼為鰭魚是也味甘平小毒醒酒不  
益人發風動氣發瘡疥病人忌食和蕎麥同食失音

魴魚

俗名扁魚味甘無毒調胃氣利五臟和芥子醬食之  
助肺氣去胃家風消穀食作鱸食助脾氣令人能食



患疳刺者不得食作夢  
躍食宜人其功同鯽魚

鯽魚 味甘辛食之不益人  
助火動痰發瘡疥

鯨魚 平補五臟益筋骨和脾胃多食宜人作  
鮓尤佳暴乾甚香美不毒亦不發病

鮑魚 生南海味美無毒鰾可作膠一名江鰾主  
肉經久不出者取白傳四畔肉爛刺出破傷風瘡月

蝕瘡陰瘡癰瘡並燒灰用之又嘔血灸  
黃為末用井炭煎搗自然汁調下二錢

鯉 井溫無毒補虛及產後虛損  
主冷痛邪熱煩悶瘳後忌食

魚鱠 乃諸魚所作之膾味甘溫補去  
結心下酸水腹中伏涼冷茲結癖疝氣補腰脚起陽

道以菰菜為羹謂之金羹玉鱠開胃口利大小腸以薑  
青煮去腥凡物能消毒所以食鱠必魚頭美也近夜  
食不消馬鞭草汁能消之飲水令成魚病是食之令胃  
弱同乳酪食令霍亂又云不可同蒜食昔一婦患吞酸



食魚鱸遂愈蓋以辛辣有劫病之功也凡鱸若魚本佳者鱸亦佳

魚鮓乃諸魚所作之鮓不益脾胃皆發瘡疥鯉魚鮓忌青豆赤豆青魚鮓忌胡荽羊肉鮓中有鰕者不可食

右五品藥性瘡毒食治皆古人設也愚推古意於各

類增通用雜用以備神農三百六十五種之數更采木

觀本草東垣珠囊丹溪日用熊宗立藥賦圖經捷徑小

學集要集韻等書纂歌集註僅一千品止有兼用之法

節齋編之備矣太繁風兼寒症則兼用姜桂風兼濕症

則兼用蒼朮風兼燥症則兼用地黃風兼虛症則兼用

參朮芎歸風兼熱症則兼用芩連梔柏餘皆以此例推



古藏亦略言之矣但各類所載雜用藥品人多不識方

多少用以其為神農所創故不敢遺且俟四方多識者

採訪用之猶勝於今之新藥也蓋聖人取藥上應天氣

下應地味中應人臟衍義云草木皆木也金鉉皆金也

水也盡皆妙合乎陰陽造化之理非若後之氣味無憑試驗相傳而已

噫人知用藥之為難而不知識藥之真偽為尤難人知

素問之難讀而不知本草之尤難讀有所受而歷年多

者方可以言知藥之性知藥之性則知病機矣故曰本

草為醫之祖



△附食治方

詳安老書及食醫心鏡食療本草養生雜纂等書

○風

蒼耳子粥

治目暗不明及諸風鼻流清涕兼治下血痔瘡等症用蒼耳子五錢取汁和早米三合煮粥食

又可作羹及煎之代茶

葱粥

治傷風及妊娠動胎產後血暈用糯米煮粥臨熟入葱數莖并畧煮食之烏

頭粥

治風寒濕痺麻木手足四肢不遂重痛不舉等症宜預服防之用生川烏末四錢白米半碗慢火熬

作稀粥入生姜汁一匙白蜜三匙攪勻空心溫服如中濕更入薏苡末二錢蓋風客肌則泄脾故疾在四末宜穀氣

引風溫之藥

祛入脾經

牛蒡餅飴方

治中風口自瞶動煩悶不安用牛蒡根一升去皮為末和白米

四合煮熟入葱鼓椒

烏雞腫

治中風煩熱言語澀澀或手足發熱用烏雞肉半斤葱白

一握煮作臠入麻油鹽豉姜椒

丹煮令熟空心漸食善能補益

黃牛腦子酒

治遠年近日偏正頭風用



牛腦髓一箇薄切白芷川芎各三錢同入磁器內加酒煮熱垂熱服之盡量一醉時後酒醒其疾如失

治頭風痛用飛鵝一隻去毛翼腸雜以防風半斤裝入腹內縫合以黃泥固濟炭火煨去烟存性取出為末每二三次

錢熱酒下汗出即愈 葛蒲酒 治風痺骨立痿黃醫所不治者宜服經百日顏色豐足耳目聰明延年益壽久

服通神用葛蒲絞汁五斗糯米五斗炊熟細麴五斤拌勻入甕密蓋三七日後取酒溫服 菊花酒 壯筋骨補

髓延年益壽用菊花生地枸杞根各五升以水一石煮取汁五斗糯米五斗炊熟入細麴末拌勻入甕內密封候熟

澄清溫服之 大豆酒 治卒中風口噤身體反張不語用大豆二升炒聲淨即投下酒煮一二沸去渣熱服

覆臥汗瘥口 槐花酒 治百種瘡毒初覺頭腦面背及身上緊攢開灌之 下有瘡雖有大勢服此即退用槐花

四兩炒香入酒二碗煎一二沸 薛荔酒 取大木上薛荔二去查盡服即消未効再進一服 百葉細研入酒一

升許拌和攪汁煎一二沸隨宜飲盡未解再服三服不妨雖氣弱人且去瘡毒為急 史國公浸酒方



仙酒方五續酒

俱見七卷  
六十葉

寒

乾姜粥

治一切寒冷氣鬱心痛腹脹滿用白米四合入乾姜良姜各一兩煮熟食之

茱萸粥

治

氣心痛不止腹脹滿坐卧不得用吳萸末二分和米煮粥食之

川椒茶

細茶入川椒少許同煎或生薑

吳萸隨便入

肉桂酒

治感寒身體疼痛用辣桂末二錢溫酒調服腹痛泄瀉俗以生薑茱萸搗

酒俱好如打撲傷墜瘀血疼痛用桂枝

暑

菡豆粥

豆熟入米同煮食之最解暑渴

麴粥

治痢色白不渴者為寒用麴炒過煮米粥調下方寸匕服

止瀉百行醫

蒜酒

粗人好用如清高貴客宜黃連菡豆浸酒飲之養生者夏不宜飲

桂漿

所不救者



夏月飲之解煩渴益氣消痰上燥下寒者乃宜桂末一兩  
白蜜一升先以水二斗煎取一斗待冷入新磁瓶內後下  
二物攪令極勻先用油單紙二重覆上再加紙七重以繩  
封之每日去紙一重七日開之藥成氣香味美格韻絕高

○濕

薏苡仁粥

和米煮粥食之去濕極效功勝諸藥

麻子粥

治水氣腫滿身體疼痛不能飲食用麻子

一升取汁下米四合鯉魚肉七兩煮粥入鹽豉葱椒和勻  
空心食之或用鯉魚脂隨二兩粳米三合和鹽豉煮粥食

兼治郁李仁粥

治水腫腹脹喘急二便不通體重疼痛轉動不安用郁李仁二兩研汁和薏苡仁五

合煮粥食之

蒼朮酒

除萬病潤皮膚久服延年益壽用蒼朮片洗淨搗碎以東流水三石漬

脚氣亦宜

廿日去渣以汁浸麴如家醢酒法酒熟任意飲之忌桃李

桑白皮飲

治水腫腹脹喘急用桑皮四兩搗汁

和青梁米四合研

赤小豆方

治水氣脹悶手足浮腫氣急煩滿用赤小豆三升擇粒

爛煮飲空心漸食



一升同煮爛空心取豆食之渴即飲汁勿食別物効

鯉魚腫治水腫滿悶氣急不能食皮膚發裂四肢常疼

不可屈伸用鯉魚十兩葱白一握麻子一升取汁煮作羹腫入薑豉姜椒調和空心漸食

鯉魚湯治五六月胎水腹大異常高過心脅當歸白芍各一錢半茯苓

白朮各二錢用鯉魚一箇水煮清汁一盞半入生姜七片

陳皮少許同煎至一盞空心服未愈再服

水牛肉方治水氣四肢腫悶沈重喘

盛空心服未愈再服息不安用牛肉蒸爛以鹽

豉姜醋拌勻空心任意食之治虛腫虛脹用水牛皮二

斤去毛橘皮一兩同煮爛以姜醋五味拌食之治心腹

脹滿四肢煩疼無力用鯉魚二斤陳皮二

兩煮令爛入青鹽少許拌和空心食之

燥

生地黃粥

治妊娘下血漏胎用糯米二合煮粥臨熟入生地汁一合調勻空心食之

蘇麻粥治後血暈汗多便閉用蘇子麻子仁

二味搗爛水瀝取汁煮粥食之

脊肉粥

用粳米煮粥以脊肉切碎入



少許及香油川椒茴香調和食之以此養腎則水有所司

天門冬酒

用天門冬浸汁拌麴如常釀酒或為

末和麴或用生地枸杞火麻子俱可或釀或浸飲之

四汁膏

清痰降火下氣止血用雪梨并蔗泥藕蘿葡萄薄

荷各等分搗碎瀝汁入銅鍋內慢火熬膏飲之

青豆飲

治消渴熱中飲水無度常若不足用青豆煮爛饑則

食豆湯即飲汁或煮粥食

消渴方

用出子蘿葡萄薄切晒為末每二錢猪肉湯澄清調下食後日三服而瘥

火與熱門

地黃粥

生地不拘多少搗自然汁浸粳米浸透晒極乾再浸再晒三次每用磁器煎湯一升令沸入前米一

合熬成稀粥食遠食之日久心火自降肝血清涼專治睡覺目赤腫良久則無蓋人卧則血歸於肝因血熱到肝故

睡起而目赤良久無事者血復散於四肢也宜食此粥以涼肝血

薄荷茶

治火動咳嗽便閉及婦人經水

不調細茶薄荷各四兩用水七碗煎至二碗去渣入蜂蜜四兩候冷入童便二茶鍾露一宿每空心溫服一鍾童子



勞加姜汁少許**黃連酒**有火症及發熱絕不宜飲酒蓋酒性大熱

連枸杞各五錢**菜豆酒**治陰虛癆火諸疾用菜豆山藥各二

兩生浸飲之或以釀酒尤妙**黃栢酒**有相火而好飲者宜如

潤臟滑肌**菜豆酒**治陰虛癆火諸疾用菜豆山藥各二

兩冬黃芩天花粉蜂蜜各一兩當歸一兩二

錢麥門冬一兩半甘草三錢以好酒浸服之

○內傷脾胃

**人參粥**

治番胃吐酸用人參末姜汁各五錢粟米一合煮粥空心食之**麥門冬粥**治番胃

冬浸汁和米煮粥

**粟米粥**

治脾胃虛弱嘔吐不食漸加羸瘦用粟米白麴等分煮粥空心

食之雄雞亦宜

食之極和**理脾糕**

百合蓮肉山藥薏苡仁茯苓白茯苓各末一升粳米粉一斗二升糯米粉三升

用砂糖一斤調勻

**參苓造化糕**

人參白茯苓各四兩白朮蓮肉山藥茯苓各三兩為

蒸糕曬乾常食



末粳米粉一斗用砂糖

調勻如法蒸糕食之

**蘇蜜煎** 治噎病吐逆飲食不通用紫蘇二兩白蜜姜汁各五

合和勻微火煎沸每

半匙空心細細服之

**姜橘湯** 治胃滿塞悶飲食不下生薑二兩陳皮一兩空心水煎服

**脾瀉飯匙丸**

會飯鍋焦三兩蓮肉山藥各炒香二兩為末用前鍋焦末煮糊為丸梧子大每服百丸

熱甚青皮湯下脾虛白

術湯下空心食遠服

**太和齋** 最補脾胃久服益精神悅顏色山藥茯苓實蓮肉茯苓

各二兩早米糯米各半升俱炒為末茶湯酒任調服或入砂糖蒸糕食尤妙

**蓮肉膏**

治病後胃弱不能飲

食用蓮肉粳米各炒四兩茯苓二兩為末砂糖調膏每五六匙白滾湯下

**豆麥粉**

治飲食不佳口仍易饑

用菽豆糯米小麥各一升炒熟為末每丁杯滾湯調服

**糯米糊**

治泄瀉少進飲食大有滋補精冷者服之

有孕用糯米一升水浸一宿慢火炒乾入山藥一兩為末每半鐘加砂糖二匙胡椒末少許浸晨極滾湯調服

**鷄餛飩**

治脾胃虛弱少食痿黃益臟腑悅顏色用黃鷄肉五兩白麴七兩葱白二合如法切作餛飩入醬醬



椒豉調和煮熟空心食之**赤石餽飢**治脾胃冷氣刺下不止用赤石脂

醬鹽豉調勻空心食之**白米飲**治噤食入口即氣壅塞瀝不下用白

心食**醉鄉寶屑**健脾胃進食飲酒不醉用乾葛白豆蔻砂仁

兩炒鹽一兩為末不能飲酒**助元散**白朮三兩白茯苓陳

者溫酒調服一錢即能飲**半麥芽五錢為末入白糖二錢磁器收貯常安火邊罕心**

**或食遠滾白湯調服三錢大補元氣脾胃令人能食年老**

**之人最助胃膏**治小兒吐瀉大和脾胃進飲食入參白朮

宜常服**二箇木香一錢山藥五錢砂仁升箇為**

**末蜜丸皂子大每一丸空心米湯下****米湯**治泄瀉用梁

○氣同

各二合黃蠟一錢空心飲服**壁土一兩吳萸三錢同炒香熟去土萸取米煎湯服之**



杏仁粥

治上氣喘嗽用杏仁去皮尖二兩研爛或加猪肺和粳米三合煮粥食之

桃仁粥

治上氣咳

嗽及冷心氣痛和米煮粥食之

蘿蔔子粥

治氣喘用子三合和糯米煮粥食之

紫蘇子粥

治脚

氣毒悶身離不任行履不便下一切痰氣及冷心氣補明目利小便使用蘇子搗汁和粳米煮粥食之

麻子仁

粥

治脚氣痺弱煩悶吐逆不下食用麻子一斤取汁和粳米四合煮粥空心食之

革撥粥

治冷氣

二合胡椒一分和米

猪腰粥

治脚氣煩痺緩弱行履不能

四合煮粥空心食之

半握和煮粥臨熟入

猪肪湯

治上氣喘嗽身體壯熱口乾

煮薑豉空心食之

沸湯中煮臨熟入

猪脰酒

治上氣喘急坐卧不安用猪脰三具細切青州棗十枚以好酒

三升浸春夏一二日秋冬三五日

密

玄胆散

治膜外氣及

毒以布絞汁空心温酒任性漸服

切片炙熟蘸玄

平鯽丸

治隔氣不食用大鯽魚一箇去腸留鱗以大蒜去皮切片填魚腹內

胡索末食之



蠟紙包黃泥固濟慢火煨熟去鱗骨入平胃散末拌丸梧子大每升九空心米飲送下  
翻雞湯 食用  
翻翅雞一隻煮熟去骨入人參當歸鹽末各五錢再煮取食或為丸服亦好

血

阿膠粥

止血補虛厚腸胃兼治胎動不安用糯米煮粥臨熟入阿膠末一兩和勻食之桑耳粥治

痔下血常煩熱癰瘦用桑耳二兩取汁和粳米三合煮粥空心食之

羅蔔菜

治酒疾下血旬日不止用羅蔔

十枚留葉寸餘及根入罐內水炊極爛以姜鹽醋淹空心食之立止

槐茶

治熱風下血明目益氣除邪止齒疼

利臟腑順氣採嫩槐葉蒸熟晒乾每日煎如茶食

栢茶

採側栢葉晒乾煎湯代茶止血滋陰醍醐酒

治鼻衄蒸葡萄自然汁入好酒一半和勻溫過熱服

猪胆片

治肺損嗽血咯血用煮熟猪胆切片蘸葱豉末

微空心食之蓋葱豉能補肺猪胆引入

猪肝肺

治氣虛下痢瘰癧之無

經絡耳聾肺癰用米飲調服或水煎服



力常服明目溫中除冷氣用猪肝一具切片入醋一升煮至醋乾空心食之甚妙  
一大把搗汁和酒一盞溫飲之  
又治心痛散氣行血故也  
馬齒莧方 治下痢赤白水穀不度腹痛用馬齒莧煮熟入鹽豉或姜醋拌食之  
鷄子煎 治久瀉久痢及小兒疳瀉不止打破於內拌和炒熟空心常食  
鴨子煎 治胎前產後痢下赤白用生薑汁於內煎至八分又入蒲黃三錢空心調服

○痰

茯苓粥

粳米煮粥半熟入茯苓末和勻煮熟空心食之

茯苓麪

茯苓子各去皮和勻九蒸九晒入

蜜少許食之能斷酒肉及鹽酪醬菜可治久痔

謝傳飯後丸

細茶一兩薄荷五錢兒茶二錢半為末蜜

丸飯後含化或加百藥煎尤妙善能消痰降火

桂花餅

桂花一兩兒茶五錢調子七箇甘草五分為末桂花



水調為丸餅每嚼一丸滾水下清痰降火止嗽生痰

**熬梨法**

治咳嗽胃膈痞結用雪梨去心納蜜蒸熟或煨

熟傳溫食之熟食反令咳甚肺寒者去心納梨五七粒以

煨梨法用雪梨一枚去心入白蠟末

**煨梨法**

一錢以濕綿紙九重包裹火

肉湯餅飽食之即安

**蘇子酒**

主隨痰下氣調中補虛益五臟肥肌

潤膈下氣

**蘇子酒**

治頭風用蘇仁四盞以水六盞

或發或不發或多言語勿怪之但以

**牛車肉**

治失心顛狂

淨煮爛同熟牛肚切碎

和一二處隨便食之最妙

**熱忌酒**

**施子粥**

治熱眼赤痛用米三合煮粥臨

**甘蔗粥**

主虛熱口燥咽乾鼻



涕稠粘止咳嗽潤心肺用甘薤膏

汁一升和米三合煮粥空心食之

**麻子粥**

治小便澀痛

冬

**瓜蒌**

治消渴煩熱心神狂亂燥悶不安用冬水半升

**梔子**

**茶黃連茶瓜薤穰茶**

俱可煎湯代茶服之

**小麥湯**

治五淋不止身體壯熱小便滿悶用

小麥一升通草二兩水

**甘豆湯**

治諸熱煩渴大小便澀及風熱入腎腰痛用黑豆二

煎漸漸飲之須臾當瘥

合甘草二錢生

**藕蜜膏**

治小便長澀痛悶之極用藕汁白蜜各五合生地汁一升和勻微火

姜七片水煎服

**藕蜜膏**

治小便長澀痛悶之極用藕汁白蜜各五合生地汁一升和勻微火

煎成膏每半匙空心漸漸

含化食後又服忌煎炙

**陰虛**

忌多飲酒

**枸杞粥**

採葉如常煮粥量用鹽味空心食之

**芡實粥**

液云雞頭實和米作粥

志聰明目耳目用梗米一合芡實三合或蓮肉山藥俱可

煮粥蓋晨起食粥推陳致新利膈養胃生津液令人一日



清爽エラ猪肝羹 治肝臟虛弱遠視無力用猪肝一具細切

入食エラ鰻鱺 能補虛勞殺蟲治肝門腫痛痔久不愈用鰻鱺細切煮作羹入鹽豉姜椒空心飢食多食

作エラ鬼絲子酒 不拘多少淘淨酒浸九蒸九晒為末緊急只用酒炒為末貯磁器中每日空心溫酒

調服エラ一錢專治氣血未定時失調護以致諸虛服此大進飲食且耐勞能令肥健如覺氣壅少服麻仁丸潤之此黃

山谷方也固本酒 見七十卷六十葉

○陽虛

羊肉羹 治下焦虛冷小便頻數用羊肉四兩羊肺一具細切入鹽豉煮作羹空心食之桂花酒釀

玉色香味超然戊戌酒 冬至後用黃犬一頭煮至極爛去米世間之物也查取汁和麴造酒隨病入藥有大

補胡桃粥 治陽虛腰痛及石淋五痔取胡桃肉和米煮粥食之



諸虛通用

參歸腰子

治心氣虛損自汗用猪腰一枚細切入人參五錢當歸四兩同煮熟食之此汁送下或用山藥

搗丸如梧子大每卅九空溫酒下多服尤佳

煨腎丸

治腎虛腰痛用猪腰子一枚薄批五七片以椒鹽淹

去腥水煨杜仲末三錢在內包以薄荷外加濕紙置火內煨熟酒下如脾虛加白朮精虛加枸杞子

猪腎酒

治腎虛腰痛用童便一盞好酒一盞以新磁瓶貯之取全猪腰子一對在內黃泥密封日曬時以慢火煮熟至中夜

止待五更初以火溫之發瓶飲酒食腰子病篤者只一月效平日瘦怯者亦可服此蓋以血養血絕勝金石草木之

藥猪腎羹

治陰痿羸瘦用猪腎和枸杞葉五味煮羹食之腰子湯

治產後虛勞羸喘促寒熱死

瘡股痛面黃用猪腰子一枚香草葱白芍藥各一兩水煎溫服

猪肚方

治虛羸乏氣用人參五錢乾姜胡椒

各二錢葱白七莖糯米三合為末入猪肚內繫扎切令泄氣以水煮熟空心食之煨好酒一二盞飲之效



益氣牛乳方

老人最宜補血脈安心神長肌肉令人身體康強面目光悅志意不衰故為人子者常須

供之以為常食或為乳餅或作乳腐等恒使意充足為度此物勝肉遠矣

山藥酒

補虛損益顏色又治

下焦虛冷小便頻數瘦損無力用酥一匙於銚中溶化入山藥末熬令香方入酒一盞攪勻空心服之

生果

方

治脾氣及胃虛氣損脚膝無力用生栗蒸熟風乾每日空心常多食十枚極治脚氣不測

水芝丸

補

五臟諸虛用蓮肉一片去皮心入猪肚內緊扎煮至極爛搗丸梧子大每三四十丸空心酒下糯米糕

治小

便數用純糯米糕一掌大臨卧灸令軟熟啖之溫酒或熱湯下待食消化即曉

服

硫鷄溫中壯陽男用唯女

用雄雞饒一日以溶化硫黃拌飯饒七日宰之以米粉糝蒸每雞一隻分作五早晨喫

胡桃酒

善治虛損

腰疼用胡桃肉杜仲服椒法

擇淨蜀椒二斤去閉自者不用以鹽糝椒上將滾湯泡過

椒五寸許以磁器慢火煮乾半留椒汁半盞將椒傾在地紙上覆以新盆封以黃土經宿寘盆內將乾入甘菊花



未示兩拌勻更以前汁酒之然後晒乾服之初服之月早晚各十五粒次月早晚各廿粒第三月又增十粒至一百粒乃止每用鹽酒鹽湯任下服至半年後覺胃膈間如食物碍即每月退十粒退至十五粒止俟其無碍一如前服終始行之令椒氣早晚蒸熏如一日不服則前功便廢矣飲食蔬果並無所忌凡四十歲過方可服至老顏容不衰此其驗也○又法用川椒一斤文參半斤為末蜜丸梧子大每三十九食後臨卧鹽湯下

**八仙茶** 糯米  
米赤小豆菽豆黃豆五味炒香熟各一斤細茶一斤芝麻五合小茴二合花椒乾姜白鹽炒各一兩共為末外用麥麩炒黃熟與前藥等分拌勻隨意加入胡桃肉棗松子仁白糖之類破確攪貯每用二三匙白湯點服此方乃韓飛霞所著甚有意義蓋茶冷不益人然高賢雅士文人酒客未有不喜其爽神去積而樂飲之者今兼炒米以養胃氣椒姜不致中寒用者不必全方但摘二三味可也惟蓋須斟酌入茶古云慎勿將鹽去點茶分明引賊入人家

右食治方或曰萬病皆從口入如何食治反安平耶



飲食陽氣食養陰氣飲食無過則入於口達於脾胃入於鼻藏於心肺氣味相承陰陽和調神乃自生蓋精順五氣以爲靈若食氣相惡則傷其精神受五味以成體若食味不調則傷其形陰勝則陽病陽勝則陰病常怪人於飲食鮮有得中其所以然者起於一點貪心或貪其補益或貪其治病卒致強食脾勞強飲胃脹脾傷胃滯而病反加劇則又大失乎古人立治之本旨凡冬朝空腹夏夜飽食食雜有犯皆令人疾衛生者慎之

縮註醫學入門內集又二卷終

縣庠啓南魯君  
名懋舉贈刻







